

CHIVWUVU CHA MUTHU

UZE WAKU KUPUKA



Ngwasakwila, Ndumbu walunga Neville. Mwata akukisule.

Echi chinawahe kukinduluka cheka mu mbalaka chimene chino. Chalikoji “chimene chamwaza,” kuli enu vosena. Kaha Ngwafwelela nge eli naliya nakupwa likumbi lyalinene kuli etu vosena, ku—ku Meso a Mwata wetu. Kaha jino Ngukwechi kunangula chino chimene. Ngwatondo kupwa wakusungama kuli echi kunangula, mwomwo echi chinapu... Ngwashinganyeka echi chili chachilemu. Kaha echi chili... Kaha kuhona kulingisa eli lizavu kupihilila, munatachikiza, kuvatulika nakuvashimbwisa, vavavulu vanema. Nanguya nakwingila kaha mukunangula.

² Kaha jino, ufuku uno, Ngwatondo kuhanjika ha mutwe wa chihande *Ou Twamina Ya Kuyoya Chami*. Kaha Ngunatalilila vavavulu vanahase, kuli vavavulu vanahase, navaya nakupwako ha lwola luze, ufuku uno. Chipwengocho, kachi uli na liuka lyove ove lyavene, etu tuli... mukiko vene, etu twatondo enu kupwa ha—ha liuka lyove. Ou ukiko mulimo wove kupwako kuze, kuze kwatwama mulimo wove, mangana wechenga kumunyika chove chimunyike.

³ Jino, natutwalilaho kutalilila echi, lwola lwosena omwo enu namukinduluka, etu natuya nakupwa na kapete kakavulu hano. Oloze etu tuli nakuwana kukaluhwa na echi, mamalelo, kwosena. Eli lizavu lya vakufwelela muliuka punduvene vanengila muvyuma vyoosena. Kaha vakiko vanavatumu muchihela chimwe, vakiko navaya nakucholola; kahajino chili kumwe, kaha vakiko vanachikane chize. Kaha vanachikindulwisa, kaha vakiko vanacholola *hano*, na kunyima. Mamalelo, lwola muka etu twapwile nalwo! Oloze, munatachikiza, Satana lwola lwosena mukakuzungisa chuma chakwoloka. Anukenu kaha, enu muli lwola lwosena vakwoloka hali...

⁴ Ngwapwilenga nakulikomokela okwo mwapwile, Anthony. Ngwamono mwaliwanyine na iso. Kaha Ngwatalilemo, muze mulikungumbuwa. Ikiye ngwenyi ove wapwanga unatwame haze. Etu tuli vakuwahilila kupwa nayove na iso hano nayetu, Ndumbu walunga Milano kufuma ku New York. Kutalilila, kuya nakuzauka tulungalwiji lwola luno, Ngukambate fumise musana, kuze ku New York, kuweluka kuze kumwe, kachi nge Mwata mwetavila.

⁵ Kaha shikaho etu tuli navakuwahilila hali enu vosena. Kaha—kaha chamwaza kaha kuli enu kupwa muno.

⁶ Kaha etu twapwile nalwola lwamwaza ufuku unahichi ngana, mokomoko Ngwalingile vene chindende. Ngwapwile na...[Chikungulwilo ngwacho, “Amena.”—Muka.] “Kaha Yisaya mutembele.” Kaha shikaho enu. . .

⁷ Kaha chimene chino, etu twatondo kuhanjika ha mutwe wachihande, mokomoko kunangula, chipwe, kachi nge natuhasa, “Kutunga Mbalaka yayitonyi; kutunga ize—kutunga Mbalaka yayitonyi chihela chakutwama Kalunga, uze Muthu waku kupuka; Mbalaka yayitonyi ya Kalunga wamutonyi, muze Ikiye atwama.” Kaha kachi. . .

⁸ Ngunevwushisa nge vakiko vali na kwimba chimwe chamwaza hano. Kangwachivwa chivwako. Kaha ufuku uno, Nguli nakuya nakweseka kushikumuka hano. Pwevo lyami nagulweke hali Ndumbu walunga Ungren, Ngwafwelela lijina lyenyi lyapwile, kufuma kwakushikumuka ku—ku Tennessee. Jino, ikiye apwanga hano ufuku unahichi. Kangwamumweneko chino chimene, oloze Ngwashinganyeka nge ikiye ali kumwe. Kaha Ngunatondo kwivwa ikiye kwimba ufuku uno, kachi Ngunahase, chize, chipwe *Kufuma Mu Upahu Wenyi*, mokomoko *Omwo Wa Wapwa Wamunene Ove*. Ngwatondo kwivwa chize. Vangahi vali nakutonda kwivwa Ndumbu walunga Ungren? [Chikungulwilo ngwacho, “Amena.”—Muka.] Mamalelo, Ngwa—Ngwazanga kwimba chamwaza. Kaha Meda ngwenyi atwama na lizu lyakupwa hakachinakachi ka kutohwa nakukeha. Kaha cheji kungwanukisa Ndumbu walunga Baxter; ikiye mukakwimba, nawa, nge omu etu vosena twatachikiza. Kaha *Kufuma Mu Upahu Wenyi*, mokomoko *Omwo Watohwa Ove*. Ngwafwelela Ngunatachikiza oho ikiye ali, haze. . .Nachiya nakupwa chakwoloka, Ndumbu walunga Ungren, ufuku uno, kachi nauhasa, kachi nge mutwama haze? Ove muya nakutwama, mokomoko kweseka kutwama haze nakukutanga chaufuku? Chamwaza, Ngwa—Ngwa... Chamwaza, kanda...Nangumilweka enu, ngachilihi echi, kachi etu. . .Kangwatondele kulingisa umwe kumucheka. Oloze mwomwoika, kahajino, kachi nge natuhasa, mulwola lwa *Tutachikijilo Tutanu Natuvali*, omwo etu natukanagula chize, kachi nge namukeza. Ngwatondo kuuhaka ha tepu, mwamono, kuumbata, *Omwo Watohwa Ove*, kaha, nawa, *Kufuma Mu Upahu Wenyi*, mulwola kana.

⁹ Mamalelo, echi kacheshi chamwazako kuzachila Mwata? Ngunahono kutachikiza Nangulinga ika kachi Kangwapwile Mukakulishituko!...?...Echi chinapu chamwaza chikuma kupwa Mukakulishitu. Nguli kaha nakwivwa nge kutumbuka helu na hamavu na kutambakana, helu lya lizu lyami. Kupwa Mukakulishitu, shinganyeka echi, vyosena vya zamina muli Kulishitu!

¹⁰ Ngunatachikiza Ngweji kuvulukanga lijina lya ou lunga mwakuhenga lwola lwosena. Chipwe S.T. mokomoko T.S., mokomoko chuma changachize. Sumners, Ndumbu walunga Sumner. Ikiye... Ngwatondo kumusakwilila ikiye na pwevo lyenyi wamundende wamwaza. Ngwashingtonyeka nge ikiye ayekele pamo, chasolokele nge, pamo tukweji sikisi, ha kusoneka evi *Visemunuino Vyamauka Vitanu na vivali*. Kaha jino etu tuli kunyima kuno, kusoneka, wakulizanga lyehi kuhitulukamo, kaha kuya nakuuhaka mumukanda, vize *Visemunuino Vyamauka Vitanu na vivali*. Ndumbu wapwevo Sumner, uli kulihi, pundu echa utulweke etu kukufweta ove halichize. Chize, chize chapwile na mulimo waunene. Mwomwoika, echi *chili* chakuhima. Echi nachingumbata pamo tukweji sikisi hakuutanga nakuuhituluka, echa ukawawo kuufumisa ha tepu, kaha jino kuwalumuna na kuhilukamo, kaha nakuuhaka mu mukanda. Etu natuya nakuuligisa kupwa wakulizanga lyehi na kuutuma kuze veji kutunganga mikanda, mwomwo twashinganyeka chili chuma chimwe chize vathu vatela kukwachilila jino, kaha enu namutangamo. Kaha Billy apwile kaha nakungulweka, omwo Ngwakindulukile kuze, minyutu yayindende hanyima, uze—uze—uze wapwile—wapwile wakulizanga lyehi kuya nakufumisa mulikina. Shikaho, ndumbu wapwevo, eyi mbalaka nayiya nakufweta ove hali chize. Kangweshi kushinganyeka ove kulinga chize chamokomoko ko. Kaha—kaha mokomoko chipwe etu... Kachi etu natumbata uze mukanda na kuuhaka ndando, mokomoko chumachimwe, etu natuya nakuhaka ndando kuze enu namumbataho chuma chimwe lwola lwosena vakiko navakaulandulula, kala mwosena omwo. Enu hanjikenu kaha kulizavu, eli lizavu lya vakakufwelela muliuka, mokomoko vamwe kuze, kaha vakiko navaya nakumizakamina. Ou Mwata amikisule chamwene mwene.

¹¹ Wamundende wamwaka Ndumbu walunga na Ndumbu wapwevo Kidd natwame aha, kupwa nge muji handulendi, chindendeko. Kaha Ngwamuwanyine hanyima chindende, kaha ikiye ngwenyi, “Chamwaza, echi nachipwa pamo lwola lwamakumishilo Nangukumona, Ndumbu walunga Billy.” Ngwenyi, “Yami nguli nakukolo chikuma.”

¹² Ngwambile ngwami, “Mamalelo, yami! Kangwazangile ove kuhanjika ngochoko. Ove uli kaha nge mama yami na tata vavandende vatushinakaji.” Etu twamuzanga Ndumbu walunga na Ndumbu wapwevo Kidd. Etu, umwe wosena, kulinga. Kaha echi chili kaha . . .

¹³ Echi cheji kulinga chuma chimwe kuli yami omwo Nangumona vakiko kutambuka muliuka, kaha tushinakaji vamwaka vakulimbata ngachize. Kaha shinganyeka, vakiko vapwilenga nakunagula ou Mujimbu wamwaza shimbu kanda Ngusemuke. Kaha Yami ngulunga wakukula. Eyo, shinganyeka

kaha, vakiko vapwilenga na kunangula shimbu kanda Ngusemuke. Kaha hano Nguli jino, Nguli nakushinganyeka Nguli nakukulilako. Ngwapwanga kaha nakushinganyeka kaha kwecha. Ngwamono Ndumbu walunga na Ndumbu wapwevo Kidd kwiza nakwingila, “Upahu kuli Kalunga! Haleluya!” Ngwambile ngwami, “Nduma, Ngunevu kanawa.” Eyo, mwane. Kumona vakiko, omwo vanahase, omwo vene vali nakumihizumwisa!

¹⁴ Kahajino enu munatachikiza echi, nge myaka yami, cheka, kaha jino hanga vali nakutwalilaho muwande. Kwiza kuno chimene chino na nakuhula mikanda, kachi vakiko vanahase kumbata mikanda na kuyilanjisa. Vatondele jitepu, shikaho vakiko vanahase kuya, nakunganya myono ha kwimbisa eji jitepu, na myaka yakukola handulendi. Jino enu alikulihi “mavava avali” aze twapwanga nakuhanjikaho ufuku unahichi? Eyo. Ngwaputukanga kushinganyeka hali echi, “Lyami lilihi kulihhi?” omwo ikiye ahanjikile ngachize—ngachize zau. Ove uli namyaka yingahi, Ndumbu wapwevo Kidd? [Ndumbu wapwevo Kidd ngwenyi, “Nguli eyite wani.”—Muka.] Eyite wani. Ove uli namyaka yingahi, Ndumbu walunga Tom? [Ndumbu walunga Kidd ngwenyi, “Eyite tu.”] Eyite wani na eyite tu myaka yakusemuka, kaha hanga chivazachisa mavava avo, mukuzata, chivaya.

¹⁵ Kala chuma chinahenge mu Ohio, nge Ndumbu wapwevo Kidd natachikiza chize, shinga nayivuma kwimbo. Likumbi likwavo, atumine, kaha kamba wamundende, kanyike wapwevo wa kamba, Ngwafwelela chapwile, asemukile, kaha mijingwa kuweluka. [Ndumbu wapwevo Kidd ngwenyi, “Chisushilo.”—Muka.] Chisushilo, kusali yauze kamba. Kaha ndotolo katachikijileko mwakulinga nachize chuma kana, kaha ikiye apwile na woma wa kuya nakupula. Etu twalombele. [“Vamupulile, Ndumbu walunga Branham, na kuchihakamo, mwomwo, vakiko ngwavo, ‘Kacheshi kuyoyako.’ Kaha vakiko vayihakilemo ize mijingwa cheka.”] Kuhaka ize mijingwa cheka, na kupula, kaha vashinganyekele nge keshi kuyoyako. Kaha yayoyele. [“Hapimbi.”] Nduma hapimbi ha—ha ize. . . kufuma kuchitomba, mangana kulya chihichilemo. Kaha Ndumbu wapwevo Kidd vamusanyikile cheka. Etu twalombele cheka, kaha jino ukwechi mwahichila kanawa. Kaha hano ikiye ali, nge chinjiho; ndotolo, nawa. Talenu? Echi chili unjiho nge Mwata Yesu, ou Tengi wamunene! Talenu omwo Satana esekele kulinga? Kuvatula chiyoyelo chauze kamba. Kahajino, talenu, kahajino Ngwafwelela Mwata. [“Ikiye akindulukile kuli Mwata, haze vene hazuvo yami.”] Twaya cheka kuli Mwata. Ndumbu wapwevo Kidd amutwalile kuli Kulishitu, hanyima ya chikomwesa chasolokele hali kamba yenyi.

¹⁶ Vangusanyikile kufuma ku California, zau, Ndumbwenyi wamundende mukakuzata apwile kuze, nge Ngwapwile na

omwo Ngwayile chatete ku California, myaka yakunyima. Kaka wenyi wamundende apwile wakusemuka na—na fwo. . . mishisa yitatu yakumuchima yakusokewa. Kaha Ngwamulwekele ikiye uze ukalu. Ngwambile, “Uze Kalunga uze nahase kutenga echi chuma chikwavo nakuchilingisa kupwa kanawa, kaha echi chinahase kuka na muzukulu wove walunga.” mulweke kaha uze kanyike walunga kupwa wakujikiza.

¹⁷ Kaha uze kanyike walunga apwilenga na kuliwana omwo Ngwapwile chatete California, pamo myaka eyiteni kunyima okwo, sikisiteni ya myaka kunyima okwo, echi chinapunga. Kaha Ngwapwilenga mu California. Kaha ikiye apwil- . . . Chize kuliwana chamukokele uze kanyike walunga palanga . . . Omwo vakiko vapwile nauze kamba, kaha chasemukile, kaha vakiko vamwene nge chapwile chakuhenga, chapwile ulombo ulauluka, kaha vakiko vesekele kuhaka peho mulikiko, na vya ngocho. Kaha echi chasolokele nge mwaya nakuyoya ko, kaha ndotolo jino amupimine, kaha awanyine nge mipila yitatu yasokeka mumuchima. Kaya sokolokeleko, talenu, kupwa—kupwa kaha namushisa umwe kaha wapwile nakuzata. Kaha ikiye asanyikile ise, kaha ngwenyi, “Tata, sanyika Ndumbu walunga Branham, hano vene. Mulweke ikiye mwosena kaha . . . ‘Hula kaha Kulishitu. Ikiye mwaya nakuchilinga.’” Mukiko kaha. Mamalelo, yami! Chize chakufungulwisa, chuma vakiko vamwene, vamwene, etu twahanjikangaho, ufuku unahichi. Chuma chakwoloka ha lwola lwakwoloka.

¹⁸ Chamwaza, etu natutwalilaho kuhanjika, kuhona numba kupwa nakulinangula, keshi ngochoko? Echi chapwile kaha nge mweezu ha chimene chituta, wakuhima nge omu wapwa, munatachikiza, kaha unalikwate hamwe. Etu tuli vakuwahilila hakupwa mukulikata cha ngachize. Eyo, mwane.

¹⁹ Shikaho jino echa tulihulike, jino, mangana tuyenga mukulinangula jino. Kuya pamo . . . Ngunahono kutachikiza nge munahase kumone chize mokomoko nduma, ha livaya lilava. Pamo kachi Ngwakindulukile nge ngachize *echi*, mu tando yayindende, mwomwoika, natuya nakuhasa, jino, enu vamwe, ku. . . [Ndumbu walunga Edgar “Doc” Branham ngwenyi, “Ngwatondo eli lipenga?”—Muka.] Kwamba ngwove? [“Watondo lipenga hali echi?”] Nduma, Ngwahano kushinganyeka ngocho, hano vene, Doc. Pamo omu mwamundende kaha. [“Hano vene hamavu, Ngunahase kuhaka lipenga hali echi.”] Chamwaza, etu natuya—etu natuya nakulinga ngachize nge omwo Nangumbata chize mwamundende. . . Ngukwechi lipenga hano? Chosena chakwoloka. Echa tufukununu hali echi. Munahase kumona jila yize kunyima kuze? Munahase? Kachi enu munahase kumona, katula livoko lyove, kachi enu munahase kumona ha livaya lilava, tangenu haze. Nduma. Echi chakwoloka. Mbatenu lize lipenga. Jino, shimbu vakiko vapwile nakupwa wakulizanga hali chize. . .

²⁰ Ngunaputuka mukukotokela chimene chino; mokomoko, nduma, nduma, na minyutu fifiteni mukulivanga. Kaha shikaho, kahajino, etu natuya nakupwa nalwola lwetu jino, mwomwo etu katwazangile kupwa mulumbushiko. Omwo enu nampwa mulumbushi, kahajino namuya nakwenyeka vyuma enu namuya nakuhanjika. Jino, Ngwapwanga nakwivwulila ha tepu, likumbi likwavo, nge omu Ngwamilwekele, kaha Ngwevwanga sonyi chikuma amilyavene; keshi ovyo Ngwapwanga nakuhanjikako, oloze jila Ngwapwile nakuhanjikanga washiwashi, kaha kupwa kaha kulizakamina. Nguli nakwivwa nge kuvandamina. Echi. . .

²¹ Ngu—Ngunamono likumbi likwavo kuze vakiko vali nakuya nakutunga zuvo yatuyama, muno vene mukachi ka Louisville. Kaha Mukulwane Brown, Ngwafwelela yapwile, kuze, vahanyina miliyoni yimwe ya mandola yakutwala ku zuvo yatuyama. Chamwaza, kachi Ngwapwanga nayo, Kachi ngunavahane mangana vechenga vaze tunyama. Kangwa—Kangwa fwelela kuhaka vyuma vimwe muchikalanga nge nganako. Ngwapwa kaha. . . Ngweji kuyanga kuzuvo yatuyama na kumona vaze tunyama vakuhutwa vamwaka, milusu, na vandumba, na vyangocho, kutambuka kuya oku noku, mukamenga chiyoyelo chavo chosena, mwamono. Cheji kulingisa kuhona kwivwa kanawa. Hanyima yachocho, vakiko vali vakukwachiwa na mangana amuthu uze ali wautongwe kuhambakana vakiko. Talenu? Kaha vakiko navavakwata na vakiko nakuvahaka muufunge.

²² Kaha Ngwashingtonyeka hali chize: ou liyavolo eji kulinganga ngachize. Ikiye eji kumbatanga vathu vamwaza vaze vatelanga kulitambukila kuvihela vyavinene vya Kalunga, na kuvahaka mumawande, na—na vyuma vya ngachize, kahajino kumuhaka muzuvo ya kamenga ya vikungulwilo vimwe, mokomoko kunangula chimwe chauthu, mokomoko chumachimwe, kaha kuvakasa vakiko kuze. Kaha chuma kana chachikalu.

²³ Kaha Kangwazanga jizuvo ja kulamina tunyama ko. Oloze Ngulinakwivwa chuma chimwe nge umwe wavaze tunyama, nge enu namuya nakupwa muchikalanga kaha kweseka nakupwa vakukasunuka, munatachikiza, na—na kulovoka nge chumachimwe.

²⁴ Jino, shimbu kanda etu tupandame ku Lizu, echa tupandame kuli Mweya Lizu, shimbu etu twanongama mitwe yetu jino mukulomba.

²⁵ Setu Wamwilu Wetu walikoji, etu twaliwane nachimene chino cheka mu Lijina Iya Mwata Yesu, Mwa Nove wamwaza. Kalunga, ingila muli etu, kwiza kumavu, kupwa mukakukuka shili jetu, na kufwa, Wakwoloka; nge etu, ha kwoloka Chenyi, kupwa vakuzeneka kwoloka, kutulingisa kupwa wakukupuka

muli Ikiye. Etu tuneza nakwitavila nge etu vakuzeneka kutela, Mwata. Kakweshi na chuma chimwe chamwaza hali echiko. Kaha etu vosena tuli mujele muzuvo yayinene. Chipwethuhu twimane etu muno, etu tuli hanga vosena mu jele. Umwe keshi kuhasa kukafwa mukwavoko. Oloze, Kalunga, mu keke yakuzeneka kuputuka Chenyi, ejile na kusokolola vikolo vya kukamenga, kutukasununa. Etu katweshi cheka muchikalanga jino. Etu katweshi muzuvo yatunyama ya muno kaye, oloze etu tuli vakukasunuka. Etu tuli kuweluka.

²⁶ Mamalelo, omwo etu twamuzanga Ikiye na kulemesa Ikiye! Amwo tunahase kutambuka nakuhita mumawande amanene a lushiko Lwenyi, kaha kumona kusoloka kumeso etu! Kaha hameso etu, talenu Kalunga wamunene wa Hayamyaka na myaka kulivungununa Lyayavene kumeso etu, kaha kulilingisa Yavene mwamwene mwene, nge omu Ikiye alingile kuli kapolofweto wamwaka. Kutachikiza echi, nge vakiko vananokela na kukunyuka, nge likumbi limwe etu natupwa vakutungulula cheka, hanyima ya kukumisa chiyoyelo, ha kusanguka, chakutwala Kuyoya cha Hayamyaka chize kacheshi kafuvalala ko. Mijimba yetu kayeshi kakulako. Kaha etu katweshi kaya nakufwako. Kaha etu katweshi kaya nakupwa nazalako. Kaha katweshi kaya nakupwa nakutondako. Oloze etu natukatambuka na Ikiye. Etu twatondo kwivwa Ikiye kuhanjika, “Ingila mu kuwahilila cha Mwata, chize vamiwahishilile enu kufuma ku chikuku cha kaye.” Kunyima shimbu kanda shili kwingilamo, omwo Ikiye alongesele, nge Alama na Eva, nge vakiko kaveshi kaviza ko mokomoko kupwa naukalu. Kaha jino Ikiye atulongeselele etu, kaha Ikiye atachikijile nge etu tuli nakwiza. Shili yanehele kushita chachinene, kaha jino shili vanajifumisako, na Manyinga a Yesu. Jino, etu tuli vakukashiwa kulize Lifuchi, ha lushiko lwa Kalunga, lili lya Hayamyaka.

²⁷ Tukisule jino, Tata, shimbu etu tuli nakutanga Lizu Lyove. Etu twatondo kutachikiza muyachi wa vathu omwo twatela kupwa, mangana tukapweko Kuze. Tukafweko lelo muno mushikola, mangana tupwenga na Mulongeshi Wamunene na yetu, ou Shipilitu Wajila, uze mweza nakusuluka na kulisolola Livene kuli etu, ha Lizu Lyenyi. Etu twalombo echi mu Lijina Lyove na upahu Wove. Amena.

²⁸ Jino, chatete, Ngwatondo enu mufukunune hamwe na yami mu Petulu Wamuchivali, kapetulu 1. Ngwatondo kutanga chihanda cha Chisoneka, cha Petulu Wamuchivali, kapetulu 1. Kaha jino kuli enu muli najisonেকে na lipapilo. . .

²⁹ Kaha Ngwafwelela Vangulwekanga chimene chino nge—nge lwola lumwe, kwalumuna mutwe wami kufuma kuze, tepu jeji kufuvalala. Kangwazanga kulinga ngochoko. Kaha Ngwafwelela, lwola lumwe, kachi natutala hali chize na—na mutoloki wakawuvi, nakuyisukika mu kasongwa. Numbatuthu ove mukapwa vene, ove muya nakupwa kanawa. Echi nachiya

nakupwa chakukupuka, kupwa kwosena, kuhaka echi mutoloki helu lya kasongwa.

³⁰ Kaha jino, shimbu Nguli nakuhanjika; kaha kachi enu, hanyima yakutanga chamusana, mokomoko kutonda, kuhasa kusoneka echi chifwanyisa. Kahajino Ngwapwile nawo wakusoneka kanawa hano. Nanguya na kupapalila na kuuhaka halutwe hano, kachi ove unatondo ngachize kuchilinga lwola lumwe. Twayenu chindende na kulivanga na musana, mangana etu twivwushise.

³¹ Jino etu tuli nakupandama ku *Tutachikijilo Tutanu Natuwali*. Etu twakumisa kaha vize *Visemunuino Vya Mauka Vitanu Navivali*. Kaha ou ukiko Mujimba ha kunangula, chize chilinakukashila muthu mukachi, uze mwaya nakumusokola ha Manyinga a Mwata Yesu, kaha ali nakuya nakupwa mu chisemunuino cha Liuka, chize chisemunuino cha Liuka lya Hayamyaka kumakumishilo a Tutachikijilo. Jino tunatachikiza nge tuli na Jindolombita Jitanu najivali, na Misongo Jitanu najivali, Viloso, na vyangocho, ize natukengilamo, shimbu tuli nakutwalilaho. Oloze etu tuli nakuvandamina kapete kakanene shikaho vathu vanahase kutwama.

³² Jino, kaha Ngwashingtonyeyekele nge echi nakukashiwa kuze vene Ngwapwanga nakutonda. Kangwashingtonyekanga nge ngufunde echi chifwanyisa, oloze likumbi likwavo Ngwapwile na masepa jami vamwe, Coxes, kuze ku Kentucky. Ngwayile kuze, kushinganyeka pamo kwingila mulikumbi limwe lya kuyanga wa mihale shimbu kanda kusoka cha ngonde. Kaha Ngwapwile muze mumusenge na sepa lyami, Charlie, nemana kuze, na Rodney, ndumbwenyi walunga. Kangwamwene numba mihaleko. Ngwashingtonyeka Ngwavevwishile woma vosena, omwo Ngwatambakanyine muze mumusenge. Echi chikiko chejile kuli yami, vanyike vamaalunga, na—na Ndumbu wapwevo Nellie na Margie, kaha omwo Ngwamilwekele Nanguya nakumilweka ha Chalumingo omwo Nangukaheta hali chize. Echi chikiko chejile kuli yami, ha mujimbu Nanguya na kuhanjika kuli enu. Kaha omwo yosena nayiya nakukashiwila muli echi! Kaha, mamalelo, Ngwazanga nge ngachize. Apwile na—na chivene—chivene shipilitu yakutambakana, muze mumusenge.

³³ Shikaho jino, echa tutangenu jino, Petulu Wakulivanga, mokomoko . . . Petulu Wamuchivali, shina, kapetulu 1, chahanda cha Echi.

Shimone Petulu, ngamba kaha kapositolo ka Yesu Kulishitu, kuli vakiko vaze vanatambula lufwelelo lwolumwe nge etu kuhichila mukwoloka cha Kalunga na Mulwilo wetu Yesu Kulishitu:

34 Ngwazange jila kana naputukilamo, mwomwo mutwe wachihande wami wosena chimene chino uli ha lufwelelo. Talenu? Echa ngutange cheka. Ivwulilenu kanawa.

Shimona Petulu, ngamba kaha kapositolo ya Yesu Kulishitu, kuli vakiko vaze vanatambula—vanatambula lufwelelo lwolumwe... kuhichila mukwoloka cha Kalunga... Mulwilo wetu na Yesu Kulishitu:

35 Talisenu, ikiye ali nakuhanjika, chize, “Ngunatambula lufwelelo kana, kaha Nguli nakuhanjika echi kuli vaze vanatambula lufwelelo lwolumwe.” Ngwatondo... Echi kacheshi chakuwelukako. Echi chili cha ku Liuka, talenu, vaze vali muli Kulishitu.

Likoji na kuunda limivulile kuhichila mu chinyingi cha Kalunga, na (kuhichila) muli Yesu Kulishitu Mwata wetu,

Kutesa na ngolo jaukalunga ja tuhane etu vyuma vyosena... ngolo jenyi jaukalunga jino ja tuhane vyuma vyosena vize vyakutwala kukuyoya... na kumukomoka kalunga, kuhichila mu chinyingi cha ikiye chize chatusanyika etu kuupahu na ngolo:

Aha jino etu vanatuhane... vanatuhane etu jishiko jajinene kaha jamwaza: mangana hali eji (eji jishiko) etu tuhase kupwa nakutambwila hamwe chisemwa chaukalunga,...

36 Jino echa echi chingile mukachi. Keshi kunangula mukunangula cha chimene chinoko; etu tuli kaha nakunangula kulinangula. “Chisemwa chaukalunga.” Echa ngutange vasi 4 cheka nawa jino, shikaho kanda echi chikuhiteko. “Aha jino etu vanatuhane... ”

Aha jino etu vanatuhane jishiko jamwaza jajinene kuhambakana: nge ha jeji (eji jishiko) etu mangana tupwenga vakutambula ku chisemwa chaukalunga, hakupwa tunachinyi kupola chize chili mukaye kuhichila mulwiso.

37 Talenu, “aka kaye,” etu tunachinyi chize jino. Ikiye ali nakuhanjika ku Liuka. Omu mukiko etu hano chimene chino, chili kuwana jila eyi, chuma muka atonda Kalunga. Kwatwama muthu umwe muno, uze azangile Kalunga, oloze atondele ku—atondele kwiza nakupwa Mukakulishitu chikuma. Jino vanachale hano. Mukakulishitu Wosena! Ngunashimbulamo nguamwaka. Tala hali Ndumbu walunga na Ndumbu wapwevo Kidd hano, vakiko vali vene vamwaka muli ino zuvo. Oloze kachi Nanguvahula vakiko, “Kufwila chamumuchima wove uka?” Echi nachipwa, “Kwakamwihi na Kalunga.” Nge nauli nangula Kulishitu, kuli chumachimwe hali Ikiye chize chili chakuzanga, enu esekenu kupwa chakwoloka na Ikiye.

38 Ngukonekelenu hali eyi hanjikiso. Ngwamulwekele pwevo lyami, hano keshi kushimbulako, ikiye...vosena vavali vanakulu lyehi, kaha Ngwambile kuli ikiye, Ngwambile ngwami, “Enu mwanguzanga yami nge omwo mwapwilenga?”

Ikiye ngwenyi, “Ngwamuzanga vene.”

39 Kaha Ngwambile ngwami, “Munatachikiza, Ngwamizanga enu chikuma palanga nomu Nangumitwala na kumikoka muli yami lyavene, shikaho etu natupwa, mukiko vene, kupwa umwe, chikuma.”

40 Jino, chize, vulisa chize ha handulendi miliyoni, kaha jino enu namuya nakuwana omwo vakakufwelela, uze apwa mu zangi na Kulishitu, kutonda kupwa muli Ikiye, mwomwo echi chinapu zangi. Kaha hano Ikiye ali nakuya na kulwekesa etu omwo chize, kuhichila muli eji jishiko, etu tupwenga vakutambula hamwe na chisemwa Chaukalunga chau Kulishitu. Evi, mujimba wauthu, omwo etu natupwa vakutambulako.

41 Ngunahase kuhanjika chumachimwe hano. Mulonga Ngwafwelela...Jino muthuumwe angumwene kuhenga, hano keshi hanyima chikumako. Ngukwechi mukanda kufuma mulizavu lya vakuzata, uze ahanjikile nge Ngwafwelela nge kuzi kwapwile... “Etu twapwile mwono na mwono. Kaha etu twatela kuseza masepa jetu kachi etu tuli mwono na mwono na vakiko, kumbata mukwavo umwe uze apwile mwono na mwono.” Mamalelo, yami!

42 Ngwambile ngwami, “Kangweshi nakupaishiwa ha kusehewa ngachizeko.” Ngunapunga lwola lwosena kwimanyina nakole hali chize. Kangwa—Kangwafwelela muli chizeko. Punduvane keshiko. Ngwafwelela nge Kalunga atuhane wakulisoka nenyi. Ou ukiko muchano. Kaha jino etu tuneza nakupwa chihanda chaumwe namukwavo. Echi chakwoloka. Kaha kuli lunga hakumbata, ikiye atela kushinganyeka evi vyuma kana, kutanga echi.

43 Mukweze walunga anguhulile yami likumbi likwavo, ngwenyi, “Ove washinganyeka Nanguhasa kulinga, vatela kulimbata, Ndumba walunga Branham, kuli *nganji na nganji* wa kanyike wapwevo?”

Ngwambile ngwami, “Ove weji kumushinganyeka ikiye ngachilihi?”

Ikiye ngwenyi, “Mamalelo, yami, Ngwamuzanga ikiye.”

Ngwambile ngwami, “Chamwaza, kachi ove kaweshi kuyoya chakuzeneka ikiyeko, kaha watela kumumbata ikiye jino. Oloze kachi ove unahase kuyoya chakuzeneka ikiye, kaha kanda muchilingako. Shikaho, oloze nge nachiya nakukujiha ove, ove watela—ove watela kutwalilaho kuya nakumbata,” Ngwambile ngwami. Kaha shikaho chuma Ngwapwile

nakweseka kumulweka ikiye, echi, chize, kachi ove wamuzanga ikiye chikuma!

44 Jino, hano jino, shimbu kanda ove usomboke, vyuma vyosena vili kanawa kaha chamwaza. Oloze hanyima yayove kumbata, kajino malambakaji na vyeseke vya chiyoyelo kwiza nakwingila. Muze mukiko enu mwatela kupwa muzangi kuheta nahaseteko ya kulivwushisa umwe namukwavo. Nge naumunyenetela muli ikiye, ikiye ali wakunyenetela muli enu, ove watela kwivushisa umwe namukwavo.

45 Eyi ikiko jila ili na Kulishitu. Talenu? Etu twatela kupwa muzangi na Ikiye, palanga nomu etu natulomba chuma chimwe, kaha Ikiye katuhanacho etu, echi kachatunyikisa etuko chipwe chindende. Talenu? Talenu? Mwomwoika? Kaha jila imwe kaha ove unahase kulinga echi, chili kwiza nakupwa wakutambula kusemwa Chenyi cha Ukalunga, kahajino ove muya nakwivwushisa ou mulonga Ikiye keshi kuhasa kuhana ove ko. “Wakutambula kuchisemwa chimwe Chenyi cha Ukalunga.”

46 Kaha tala hano, “Hanyima yakuchina kupola chize chili mu kaye kuhichila mulwiso.” Kuchina echi! Talenu hiya nachilingi? Eli linapu Liuka, vakiko vaze vali muli Kulishitu, vanamuzundula helu lya vyuma kana. Keshi nge alizundwile ivene, oloze Kulishitu amuzundwile.

47 Kuli vandumbwami va malunga na mapwevo vali muno chimene chino, Kangwatwale nge kuhita muponde. Oloze, apwile mukuliwana lwolalumwe okwo, Ngunahono kutachikiza nge Ngwachihanjikile mumbalaka. Ngunachambulula muvihela vyavivulu. Kuze kwapwile ndumbu wapwevo wamulatu ngwenyi, “Ngunahase kupwa Nakuhanjika unjiho, mokomoko kwambulula?”

“Punduvene, ndumbu wapwevo, yako lika kulutwe.”

48 Ikiye ngwenyi, “Ngwatondo kuhanjika unjiho ha upahu wa Kalunga.” Ikiye ngwenyi, “Munatachikiza, Kangweshi—Kangweshi kupwa omwo Ngwatela kupwa,” kaha ikiye ngwenyi, “Kangweshi—Kangweshi kupwa omwo Ngwatonda kupwa, oloze,” ikiye ngwenyi, “chuma chimwe vene, Kangweshi omwo Ngwapwilengako.” Talenu? Ikiye afuma kumwe. Ikiye vanamukulisa.

49 Omu mukiko etu tunatachikijila nge tunafumu mukufwa na kwingila Mukuyoya. Etu tuli nakutala kunyima muwina muze vathu fulile. Talenu? Etu katweshi omwo etu twatondo kupwa; etu katweshi numba omwo twapwa ko; oloze chuma chimwe etu tunasakwililako, etu katweshi omwo etu twapwilengako. Echi chakwoloka. Etu tuli mujila.

50 “Kaha hakupwa tunachinyi kupola cha mukaye.” Hakupwa tunachinyi echi, lwiso na kupola cha mukaye, enu muli helu ya chize. Jino ali—jino ali muyachi wa muthu uze Ikiye ali

nakuhanjikaho, muthu uze nachinyi vyuma kana, talenu, kupola cha mukaye.

Ngocho mwomwo wavyuma evi, hakenuko chikuma muchima, kaha kulufwelelo lweni hakilenuko umwenemwene; kaha kuumwenemwene hakilenuko chinyingi;

kaha ku chinyingi kuliyula mumuchima;...ku kuliyula mumuchima;...hakilenuko kukakachila kutwama chakalemesa kumeso akalunga;

Kaha kutwama chakalemesa kumeso akalunga hakilenuko zangi yakulizanga navandumbwenu; kaha zangi yakulizanga navandumbwenu hakilenuko zangi.

⁵¹ Jino Ikiye natuhane kwala hano omwo mwakulingila, kutachikiza mwakulingila. Jino, nge omu Ngwahanjikanga, etu tuli kaha nakweseka kwiza nakupandama kuli Kalunga. Omu mukiko Ngwasakwilanga ou Mujimbu chimene chino, hali liuka, kutachikiza nge vathu vali nakwenda. Mwomwo ufuku unahichi, Ngwambile ngwami, “Vangahi vali hano, vakuweluka wambaka?” Kafwe vathu vosena, vakufuma kumbaka. “Vangahi muno vanafumu ku handulendi milosi?” Mwomwoika, wayile kwosena, Ngwashingtonyeka, kafwe kwosena. “Vangahi muno vakufuma kuhambakana handulendi milosi?” Kaha kwakamwihi na—na chimbwa chamchitatu chavathu vapwile vakufuma kuze kwakuhambakana handulendi, faifi handulendi milosi. Shinganyeka echi, vathu kwenda. Chamwaza, vaze vathu kaveza kuliuka ko nge omu twamonoko. Kakweshi namba...nge omu vakuweluka kuakye vanahase kumona kuwaha hali chino chihela. Vakiko vali vathu kaha, vakuhutwa, vakuvwala mwavathu kaha. Kakweshi kwimba chachinene kufuma kuli vaze valivuluka kupwa kwimba cha Vangelo, natulyalya, na jijanene jakukwita ulombo. Enu muli na lwola lwalukalu kuwana chitwamo hakutwama kaha kwimana kujimbango. Vakiko kaveji kwijila vyuma kanako. Oloze vakiko veji kwiza mwomwo mukachi kavo muli chuma chimwe chize chili nakumona kuwaha chize liso kala kalyeshi kumonako. Kuvangila liso lya shipilitu kaha lilikilo linahase kumona chize kuwaha cha Kulishitu. Ou ukiko mulonga veji kwijilanga.

⁵² Shikaho, hamakumbi shimbu kanda etu tupwenga nakutanga, Ngweji kutwalilaho kulomba. Yako mumusenge, kumbata mumboloso yami...Kulweka pwevo, “Nanguya muunyanga wa mihale chimene chino.” Kaha Ngwahakile sonekeso yamakala na mukuta wa mapapilo mumboloso. Omu vene nakupwa zwalala kanawa, Ngwatwamine nakushindamina hamutondo kumwe, mavoko ami mupeho, kaha kuhanjika, “Mwata, chuma muka Nangulinga lelo? Chuma muka muya Ove nakunguhana cha vana Vove?”

53 Kahajino omwo Nanguveta chumachimwe nge nachisoloka nge nachiwema, nakwiza chumachimwe nge ngana. Omwo Kupwa Chenyi nachize nakupandama, Ngwaputukile kwivwa chumachimwe nge cili hahasuka, chumachimwe muchiyulo kana. “Kapapa kavali navipwa viwana.” Kupandama, “Kapapa kavali navipwa viwana. Kapapa kavali navipwa viwana. Kapapa kavali navipwa viwana.” Kutwalilaho, kutwalilaho, kutwalilaho, ngachize. Chize chapwile Kupwa Chenyi kwiza nakwingila.

54 Lihane ove lyavene, hanyima yakufuma kuli ove lyavene. Kaha kwejile chimweno, “Yako kuchihela *kunganji na kunganji*, kaha *kunganji na kunganji* ya chumachimwe.” Talenu? Nachiputuka nakuya, kufuma hakushinganyeka hali Kalunga, kulovoka mukaye, kufuma mukaye, kuweluka wapambo, kufuma kuli ove lyavene.

55 Kaha Chize chaputukile kwiza, “Chimwe, chimwe...” Ngwambile ngwami, kala nambala, mokomoko kalachuma, kupwa kaha chumachimwe hikuputuka, kwiza mukufuvalala nakwingila. Kahajino kwiza washiwashi, washiwashi. Ove twama haze nakukatula mavoko ove, kanda kuhanjika numba lizuko, kwata kaha mavoko ove mupeho. Chuma chatete munatachikiza, kupwa chove chosena nachipwa chakukwachiwa. Kahajino enu talenu vyuma kana Ikiye atondele enu kutachikiza, kumilwekesa vyuma vimwe vize vyapwile nakwiza.

56 Lwola lumwe cheji kwizanga nakulipenga, palanga lipenga limwe, kaha jino nalimana. Echi kacheshi kuhasa kupwa mu chimwenoko. Kahajino Visoneka kuhingununa hamwe. Ngwambachile sonekeso yami yamakala, shikaho Kangweshi kavulyamako echi, kaha ngwachisonekele, ngwachisonekele.

57 Kaha Ngwejile kwimbo na kutala hali chize, kaha nakuchitanga. Kaha lwola lumwe chize kachanehele mangana kuli yami omwo Nguli nakutala hali chize. Kaha jino, hanyima chindende, hano hakiko chili! Chize chavetele, kaha chayile cheka. Kahajino Ngwatambwile nakutambula mukanda nge *ngana*, kaha hazevene kuputuka kuchifunda, na ngolo josena nge omu Ngwahashile, chize Ikiye angulwekele. Ngwashingtonyekele, “Mwata, Nguli nakuya ku mbalaka na kualweka vakiko. Nguli... ‘Twaya nakushikumuka.’ Ngukwechi chuma chimwe hali vakiko.” Chamwaza, muze mukiko chejilenga. Muze mukiko vene. Palanga, chatete, Ikiye mwanguhana yami, Kangweshi kuhasa kuchihanako.

58 Shikaho, jino, hali evi vyavindende vyakufunda munamono yami kutala hali yami. Kaha echi, chatete, Ngwaputukile, Kangwambachile echi chihandako hano palanga nomu pamo likumbi mokomoko avari hanyima, muze mumusenge.

⁵⁹ Jino, ava vathu vali—vali. . . Petulu ali nakuhanjika, hano, omwo etu twatela kupwa vakutambwila hamwe na chisemwa cha Ukalunga Wenyi. Jino, etu vosena tuli nakweseka kukula mu chivwuvu cha Kalunga.

⁶⁰ Jino, hanyima etu natuya nakuhita mu Tutachikijilo Tutanu natuvali, jino, halwola kana cha kuvuma cha Katachikijilo ka Muchitanu nakavali, mokomoko mukukusununa. . . Mukiko vene, etu tunatachikiza katachikizo chuma muka, kali kukusununa mulimo, kukusununa Tutachikijilo Tutanu natuvali. Kaha etu natuya nakumona chize hazevene hachifwanyisa. Chili kukusununa Mujimbu, chumachimwe chize chapwile chakuhaka katachikijilo.

⁶¹ Chalumingo Chapwangaho naufuku, Ngwanangwile ha, “Ize Sapi.” Kaha ize sapi ili lufwelelo. Elu lufwelelo lwakwata sapi, kaha ize sapi yinapu Chisoneka. Kaha Kulishitu ikiye Chikolo. Talenu? Shikaho lufwelelo lweji kumbata wimanyino waundende wa Chisoneka na kukusununa maupahu na kuwaha cha Kalunga, kuweluka kuli vathu Jenyi. Talenu? Shikaho, luli, lufwelelo lwakwata sapi ize ili nakusokolola Kulishitu kuli vathu; kusokolola echi, kusolola chize.

⁶² Shikaho, lelo, etu tuli nakuya na kweseka kumbata sapi yoyimwe, kusokolola jila kwiza nakupwa Mukakulishitu wausanda mu chivwuvu cha Kalunga, chize, kaha kupwa Mbalaka yakuyoya ya Kalunga wakuyoya muze atwama.

⁶³ Anuka, Kalunga alisolwele Lyavene mujijila jitatu. Lwola lwatete, Ikiye alisolwele Lyavene mu Panda ya Kakahya, uze vavulukilenga kupwa Usemi. Kahajino uze Kalunga youmwe, ali solwele muli Kulishitu Yesu, chize Ikiye atungile uze mujimba, atungile ou mujimba. Chamuchitatu, kuhichila mukufwa chauze mujimba, Ikiye ajilikile Liuka lize Ikiye nahase kutwamamo. Chize chapwile Kalunga helu lyayet; Kalunga nayetu; Kalunga muli etu; uze Kalunga youmwe.

⁶⁴ Ou ukiko mulonga vachivulukilenga Tata, Mwana, Shipilitu Wajila. Keshi Kalunga vatatu; jiufwishi jitatu ia Kalunga umwe. Vakiko vapwile kaha nachishinganyeka cha Kasulu ya Nicene, etu kachi katwahashile kulyalanga mumajilo, keshi ngochoko? Echi chakwoloka. Keshi tulunga vatatu. Vaze vathu kavahashile kwivwushisa omwo Yesu ahanjikile kuli Tata, kaha Ikiye na Tata vapwa Umwe kaha. Chamwaza, kuze kukiko chuma chosena. Pundu, kwijiva kulivungulula. Punduvene. Talenu? Keshi Kalunga vatatu. Jiufwishi jitatu! Vatatu ma- . . .

⁶⁵ Chuma muka echi? Kalunga kutengenya hatengeso Zenyi. Kalunga atonda kulifukula kuli ikiye. Lize lyakuvuluka *Kalunga* kulumbununa “chuma chakulifukula.” Kaha ali Kalunga kweseka kuhaka vathu Jenyi, shikaho Ikiye nahase kufuma muli vakiko vaze Ikiye avatangilile. Ikiye kamitangile enu kupwa chumachimwe cheka shina kupwa mwana walunga

na wapwevo wa Kalunga. Kachi enu munajimbalisa chize, cha kupwa Mwana walunga na wapwevo wa Kalunga, enu munapusana chumachivene.

⁶⁶ Kaha “kupasana,” lize lizu *s-h-i-l-i* kulumbununa “kupasana chuma chivene,” kupusana chuma chivene. Kahajino, kachi Nguli nakwasa ha chuma chivene, kwendesa slashha mu fifite yadi, kaha Ngunase; kumbata uta wami nakwasa, kaha Ngwapusanyineho, kapapa kawana mokomoko katanu na jiiches, chasolokele ngachilihi? Uta wami watondeka kwalumuna. Kuli chuma chimwe chinahenge. Kaha kachi Nanguhona lufwelelo muli Kalunga, kachi Nanguhona kupwa Mukakulishitu . . . Kalunga nakuhaka hano kupwa Mukakulishitu. Kachi ove uli kusali imwe, kinduluka na kwalumuka. Kaha kuli kaha chuma chimwe chinahase kukwalumuna, echi Chisoneka. Ou Shipilitu Wajila muli Chisoneka, mwakwalumuna, nakukuneha vene mukavelo cheka. Echi chakwoloka.

⁶⁷ Jino, etu natuya nakulinangula Lizu Lyenyi. Setefani ngwenyi, mu Vilinga 7, kaha nawa mu . . . Echeni tuchitangenu chize. (Kuhanjika hali echi jino, etu tuli nakuhanjika hali Mbalaka ya Kalunga.) Jino, Setefani ngwenyi . . . (Kupwa, echi nachiya nakupwa Mbalaka yakuyoya ya Kalunga wa kuyoya.) Setefani ngwenyi, mu Vilinga kapetulu 7, kaha Ngwafwelela etu . . . mu Vilinga 7, kuputuka pamo ha vasi 44:

Ove setu mbalaka yaunjiho vakakuluka jetu vapwilenga nayo mupambo, nge muze atongwele, kuhanjika kuli Mose, nge akayitunge yakufwana nge kufwana chize amwene.

Ikiko vene vakakuluka jetu nawa, vakakuluka jetu vaze vejile nawa hanyima yakunehamo . . . Yesu mu luheto lwa Vakamafuchi eka na eka, uze Kalunga afumishile kumeso ava kakuluka jetu, palanga nakumakumbi a Ndavichi;

Uze amwene uselewa kumeso a Kalunga, kaha alombe ngwenyi amutalilile Kalunga ka Yakova mwakutwamanga.

Oloze Solomone amutungilile ize zuvo.

Chipwe ngocho ou Alitulaho katwama mumazuvo akutunga namavokoko; nge omu nambe kapolofweto ngwenyi,

Lilu linapu litanda lyami lya wangana, kaha mavu anapu chitwamo chamahinji ami: namungutungila enu zuvo yangachilihi? mukiko mwanambe Yehova: nyi kumana kwaunokelo wami kulih?

⁶⁸ Jino mu . . . Jino, “mbalaka,” ili, vene, chihela chize tweji kuyanga nakunokela, jino, kwakuwanyina kuunda,

na vyangocho, nge kunoka kufuma kukusavala, mokomoko vyangocho. Jino, Hepelewu 10, kaha vasi 5, Paulu nanehe echi.

Shikaho ikiye hakwiza hamavu, himwamba ngwenyi, Vimuna vakuvatula... (Uze Kulishitu)... Vimuna vakuvatula namawana kawavizangileko, oloze unangulongesela mujimba:

⁶⁹ Kaha Mbalaka chuma muka jino? Uze Mujimba, Kalunga kulivungila mu Mujimba.

⁷⁰ Kalunga lwola lumwe, helu, omwo Ikiye asulukile hapili, chipwetuhu nge—nge chikomba mokomoko chihwevo akwachile kuize pili, ikiye atelele kufwa. Kalunga apwa wakujila.

⁷¹ Chingoloshi chinahichi, omwo vase Vangelo vafwikile meso Avo. Vaselefwe va Kujila na meso a kujila, vakuhona numba kutachikiza mwalumbunukila shili, kaha Vakiko vatela kufwika meso Avo, kupwa Kumeso a Kalunga; kufwika mahinji Avo, mukulinyisa.

⁷² Jino, Kalunga wa kujila uze katonda shili, shikaho kwakwechi numba nachikwata pili kuze ali Kalunga ko.

⁷³ Kahajino Kalunga vamulingishile kupwa wamusonyi na kutwama mulietu, mu chifwanyisa cha Yesu Kulishitu, Mwa Neyi, tengeso Yenye. Kahajino uze Mwana ahanyine kuyoya Chenyi, kaha kaze kaliwundu ka Manyinga ka Kalunga vakahokwele, mangana Kuyoya chizenga nakulovoka kufuma muze mu Manyinga, kwize kulietu.

⁷⁴ Kuhichila muli aze Manyinga etu vanatutomesa. Kaha jino manyinga etu, chiyoyelo chetu, chize chejile cha kuhichila kufwila chausunda, chanehele chiyoyelo muno mukaye. Aze Manyinga a Yesu Kulishitu atutomesele etu, kwalumuna chisemwa chetu, ha kutuma hali etu uze Shipilitu Wajila; kahajino etu tuneza muchisemwa cha Ukalunga cha Kalunga, kahajino etu tuneza nakupwa chihela chautwamo wa Kalunga. Yesu ngwenyi, “Ha likumbi lize enu namukaya nakutachikiza nge Nguli muli Tata, kaha Tata ali muli Yami; Nguli muli enu, kaha enu muli Yami.” Talenu?

⁷⁵ Tachikizenu omwo Kalunga ali mu Liuka Lyenyi. Lize Liuka lili jino lyakutela kupwa nakumbata chihela cha Kulishitu, kutwalilaho mulimo Wenye. “Wose mwafwelela muli Yami, milimo eyi Ngulinakulinga naikiye nawa mwakayilinga. Oloze shimbu yayindende, kaha kaye kakeshi Kungumonako chekako; oloze enu namukaya Nakungumona, mwomwo Nangukapwa na yenu, na muli enu, nakusongo ya kaye.” Talenu? Aha jino, kutwalilaho mulimo Wenye.

⁷⁶ Jino, Kalunga, mokomoko eyi Mbimbiliya yahanjika hano, ngocho. Setefani ahajikile hali Solomone kutunga tembele, “Kaha Ou Alitulaho katwama mujitembele ja kutunga namavokoko. ‘Mwomwo Lilu linapu Litanda Lyami, kaha mavu

anapu chitwamo Chami. Kaha Kwami kwakunokela kulihize?' 'Oloze Ove unangulongesela Yami Mujimba.'" Amena. Ove uze.

⁷⁷ "Ou Mujimba Ove unangulongesela Yami." Kalunga atwama muchivuvu cha muthu, kulisolola Lyavene kupwa nge Muthu. Kulifukula chakukupuka! Kalunga muli etu, kupwa Mbalaka Yenya, Kalunga kulisolola. Mamalelo, omwo etu tunahase twama nakutwalilaho palanga nomu enu namulezumuka muno, kufuma kukuzuma. Tachikizenu, nge, Kalunga napunga lwola lwosena, ha jiola josena, kulisolola Lyavene muli muthu.

⁷⁸ Uze apwile Kalunga muli Mose. Tala hali ikiye, kusemuka twamina; Kulishitu. Mulwola ikiye asemukile kwapwile kujiha cha vana, kweseka kuwana ikiye; chochimwe na Kulishitu. Kaha ikiye apwile—ikiye apwile wakusokoka mulwola luze; shikaho apwile Kulishitu. Ikiye apwile mukakuhana lushimbi; shikaho apwile Kulishitu. Mose ayile, makumbi fwote, kaha atambwile jishimbi, kaha ejile. Kulishitu ayile mupambo, makumbi fwote, kaha akindulukile, kuhanjika, "Enu mwavevwa vakiko vakulwola lwa kumwaka, 'Ove kanda kalinga ujila ko.' Oloze, Nangumilweka enu, wosena mwatala hali pwevo, nakwivwa lushiushi, nalingi nenyi lyehi ujila na ikiye." Talenu? Vyosena evi vya kuhandunuka, vize, Kalunga kulisolola Lyavene.

⁷⁹ Tala hali Yosefwa, kusemuka kanyike wamushipilitu hali va—va lizavu lya va ndumbwenyi. Vakiko vapwile vosena malunga vamwaza, vosena vapwile vakakuluka. Oloze, omwo Yosefwa ejile, ikiye apwile wakuhandunuka. Ikiye apwile nakumona chimweno, kulumbununa chilota, kaha vamujinjile kuli vandumbwenyi mwomwo ya chize. Mwomwo yauze mulimo kana uze Kalunga ahakile muli ikiye hano hamavu alinge, va ndumbwenyi vamaalunga vamujinjile halichize. Talenu? Kaha chize chosena chapwile nakwinyika kukulusu. Kaha, tala, ikiye vamulanjishile najimbongo ja masiliva seti, kuli vandumbwenyi. Vamumbilile muwina, mangana afwenga, kuli vandumbwenyi. Vamufumishilemo muze muwina, kaha ayile na kutwama kulivoko lyachilyo lya Fwalo. Kaha kakwapwile naumwe pimbi ahashile kwiza kuli Fwalo, uze ayulilenga kaye likumbi lize, naumwe pimbi ejile kuli Fwalo, kuvangila kuhichila kuli Yosefwa. Naumwe muthu ashile kwiza kuli Kalunga, kuvangila kuhichila muli Kulishitu. Kaha omwo Yosefwa aselenga munganda, shimbu kanda alovoke, kwapwilenga kuvumisa ndolombita, kaha vakakulaha vapwilenga kulutwe lwenyi, nakutambakana, "Nongamenu nakufukama! Yosefwa ali nakwiza!" Chipwethuhu ove wapwilenga kulihhi, mokomoko ove wapwanga nakulinga ika, chipwethuhu mulimo wove waulemu ngachilihi; ove watela kuholoka nakufukama palanga Yosefwa nayi.

⁸⁰ Kaha omwo nayivuma Ndolombita, likumbi limwe lya awa makumbi, mambuli osena nawakanongama kaha lilimi lyosena kwitavila. Omwo Kulishitu, ou Yosefwa wetu, mwakasezanga

Upahu na kkwiza, milimo yenu kayeshi kapwa yayilemu chekako. Mambuli osena kufukama, na kwitavila Ikiye kupwa Mwana Kalunga. Echi chakwoloka.

⁸¹ Mamalelo, omwo tweji kumumonanga muli Ndavichi! Omwo Ndavichi, mwangana wakuhunga, wakufumisa halitanda lyenyi, kuli vandumbwenyi, mwanenyi, kutwama Hapili ya Milive, omwo apwile nakukanduka, helu Hapili ya Milive, atalile kunyima hali Yelusalemu kaha alilile; mwomwo vathu jenyi ivene, vaze ikiye alwilile nakuvanagula Kalunga kavo, kaha vathu jenyi vamwalumukile na kumbila vyuma hali ikiye, kumufwijila na kumuseha, omwo ikiye aputukile kuya helu kaha vamuhungile. Mamalelo, omwo Mwana Kalunga wakukupuka, omwo mwahichile myaka eyite handulendi; Mwangana wakuhunga, hakachi ka vathu Jenyi Lyavene, kutwama hapili na kulila hali Yelusalemu, nge Mwangana wakuhunga.

⁸² Chuma muka chize? Kalungakulisolola Lyavene muli vaze tupolofweto, kusolola Kulishitu.

⁸³ Kaha jino kwejile Umwe uze apwile Kalunga wakukupuka. Ikiye apwile Kalunga mukachi wetu.

⁸⁴ Kaha kufuma haluze lwola, Ikiye nalisololenga Lyavene mu Liuka Lyenyi, kusali ya Kavali. Shikaho, munamono, etu vosena tuli nakweseka kumbata echi chihela chakutwama, Mbalaka ya Kalunga wakuyoya. Jino kuli vathu vamwe . . .

⁸⁵ Etu tunalisa hano, ikiye ngwenyi, “Chatete etu tuli nalufwelelo, ngolo, chinyingi, kuliyula mumuchima, kukachila, kuwaha mokomoko kumukomoka kalunga, na zangi yamuundumbu.” Chosena chakwoloka. Zangi yakulizanga navandumbwenu, kaha jino hakilenuko zangi. Echa ngutange echi, vyosena, cheka nawa, shikaho enu mupwenga vakukunyuka nakuchimbata jino. Jino etu natuya nakuputuka ha vasi 5.

Kaha kusali ya echi, sololenu unyongochima, kulufwelelo lwenu hakilenuho ngolo; kaha ku ngolo chinyingi;

Kaha ku chinyingi kuliyula mumuchima; kaha ku kuliyula mumuchima kukakachila; kaha kukakachila kumukomoka kalunga;

Kaha ku kumukomoka kalunga zangi yakulizanga navandumbwenu; kaha kukulizanga navandumbwenu, eyi yinapu zangi.

. . .kachi vyuma kana navipwa muli enu, nakumivulila, vikiko navimilingisa enu kuhona kupwa mumba mokomoko kuzeneka mihako mu chinyingi cha Mwata wetu Yesu Kulishitu.

⁸⁶ Jino, Petulu ali nakwala vyuma vimwe hano kutwalila etu, nge omwo mwakuhetela kuze.

⁸⁷ Jino Ngwatondo kuhanjika echi, chize, kuli vathu vamwe vali na chihanda cha eji ngolo, chinyingi, mangana, kukakachila, na vya ngocho, vaze kavaliwuluka kupwa Mukakulishituko. Jino etu tuli kaha . . . etu tuli nakunangula shikola ya Chalumingo. Kaha ou unapu muchano. Kuli vathu vamwe vali nachihanda cha echi, vaze kavechi numba kulyonga kupwa Mukakulishitu. Oloze chize kachapwa ngochoko . . . Chize kacheshi kuzachiwako. Echi chili nge kajila wilava kweseka kulihaka mangona peacock mumavava eyi, mangana apwenga peacock. Ikiye ali kaha nakulivnehela sonyi lyavene. Chamwaza kutwama kajila wilava. Talenu? Omwo ikiye mweseka kuzachisa vyuma kana chakuzeneka kupwa Mukakulishitu, ikiye mwapwa kaha wakufuma muchihela.

⁸⁸ Echi chili nge mutondo wamusuwa kweseka kupwa nge muapo. Echi kacheshi kulingikako, talenu, chipwe tuhu unapu mutondo. Oloze kaweshi kuhasa kunganga maapo ko.

⁸⁹ Echi nge chimbulu kweseka kutunga ungoni, kweseka kupwa nge mukoko ohonyi ikiye ungoni, mokomoko, ikiye ali chimbulu. Munamono, ikiye keshi kuhasa kutunga ungoni ko. Ikiye keshi kuhasako. Ungoni unapu wana kuli mukoko, keshi kuli chimbuluko. Ikiye nahase kweseka kulinga nge mukoko, oloze hanga mwapwa chimbulu. Talenu? Shikaho, ikiye ngwenyi, “Chamwaza, Ngunahase kulya nge mukoko. Ngunahase kulinga *echi* nge mukoko.” Kaha numbatuhu ika naulinga, ove watela kupwa mukoko mangana upwenga naungona.

⁹⁰ Kaha echa ngwimane hano munyutu kaha. Ou mukoko katunga ungoni. Ikiye atwama na ungoni mwomwo ikiye apwa mukoko. Vathu vavavulu veji kwesekanga kuhanjika, “Chamwaza, Nanguya nakweseka kupwa wamwaza. Nanguya nakweseka kulinga *echi*.” Kanda kutunga chuma chimwe ko. Nduma, kaweshi kuhasa kulinga chizeko. Mukoko keshi, kavamuhula, kaveshi kumushinganyeka nge mwatunga ungoni. Atwama na ungoni, kaha eji mwomwo apwa mukoko.

⁹¹ Kaha nge unapu Mukakulishitu, ove mwimanga muhako wa Shipilitu. Ove kaweshi—ove kaweshi kuhasa kutunga chizeko. Ove kaweshi kuhasa kuutungako. Enu namweseka . . . Kanda kulilingisa ove lyavene kupwa chumachimwe ko muze kaweshi ko. Ove twaya nakupwa kaha omwo watela kupwa, kaha jino nachiya nakupwa omwo chapwa chivene. Enu mwevwa lyehi vathu vamwe kuhanjika, “Chamwaza, Nangumilweka enu. Yami . . . Ngunalinungu na liuka. Nguna—Ngunakutonda kwecha echi kwonga”? Ove uli nakweseka kutunga chumachimwe cheka, jino. Ove kawatela kulinga chizeko, shikaho kuli kutondeka kweseka kulinga, keshi chekako kuhambakana na—kuhambakana na—na chimbulu

nahase kuliligisa lyavene kupwa naungona. Ikiye keshi kuhasa kulinga ngochoko.

⁹² Mokomoko, likuvi kweseka kulya hamwe na katela, likuvi kweseka—likuvi kweseka kupwa katela. Esekenu kushinganyeka mukewe kuze, kuhanjika, “Munatachikiza, Yami ngwapwa ngu katela,” kaha nakulihaka mangona muli lyavene, kuhanjika, “Talenu, Ngunasoloka nge. . .” Talenu? Ikiye mwapwa kaha wakufuma namuchifwanyisa cha omwo apwa. Echi chikiko chili na—na muthu uze alinakulivuluka kupwa chumachimwe ohonyi keshi ngochoko. Talenu, ove kaweshi kuhasa kuli echiko.

⁹³ Ove kaweshi kuhasa kuhanjika, “Jino tala, Ngwatela kupwa na ngolo, shikaho Nanguya nakupwa na ngolo. Ngwatela kuyoya cha kumukomoka kalunga, shikaho Nanguya kaha nakupwa nacho.” Mwomwoika, ove uli kaha na kweseka kulihaka mangona. Chipwe vakiko vali hakamwihi naove, oloze kaweshi kuhasa kuhaka mangona hali kajila weka. Talenu? Echi kacheshi kuzachiwako. Kaha echi nachisolola kaha kajila wakulyonga. Talenu? Munahase kushinganyeka hali uze mukewe kweseka kupwa hamwe na mangona a katela, kuhanjika, “Tala hano, talenu, Yami ngu katela”? Talenu? Mwomwoika, etu tuvosena twamwijiwa ikiye kupwa mukewe. Talenu? Talenu? Mukiko kaha. Etu tunahase kutachikiza nge ikiye apwa mukewe.

⁹⁴ Chamwaza, jino omu mukiko chatela kupwa, kweseka kupwa na—na kutunga kupwa Mukakulishitu. Enu kamweshi kuhasa kulinga chizeko. Chuma chatete ove watela kulinga, kupwa wakusemuka chachihya. Ove watela kupwa wakwalumuka. Talenu? Kaha nge ove vanakwalumuna, ove mwiza nakupwa tengeso yayihya. Jino ove muya nakupwa kanawa, jino. Talenu? Jino ove kawatela kupwa nakulizakamina hali mangonako, naeza avene, nge—nge ove unasemuka chachihya. Eyo, mwane.

⁹⁵ Nge omu Ngweji kuhanjikanga lwola lwosena. Ove naumbata pamo—pamo ngulu, kumutumuna na kumuvwika suti, mokomoko suti yamwaza, pamo, hali ikiye, kaha nakumukasununa eyenga; Ikiye mwaya vene nakwingila muulova nakulyalanga. Mwomwo, mwamono, keshi kuhasa kulinga mwamwazako. Ikiye apwa ngulu. Chikiko chisemwa chenyi. Kulyalanga chapwa chisemwa chenyi. Ove watela kwalumuna chisemwa chenyi, kaha (ikiye) vyose vikwavo naviza vivene.

⁹⁶ Jino, talisenu. Enu mwatela kupwa vakusemuka chachihya, mukiko kaha, vakwalumuna. Kwatela kupwa kwalumuka.

⁹⁷ Enu namuhanjika, “Chamwaza, Ndumbu walunga Branham, Ngunatachikiza ou pwevo wakananga hano, mwomwoika, ikiye kalingile chuma chimwe chakuhengako. Ikiye apwa pwevo wamwaza. Mokomoko, ou lunga *munganji makananga*, ikiye lunga wamwaza. Ikiye kanda lyehi alinge

kalachuma. Munatachikiza ikiye kalemeka kalamuthuko.” Chize kachalumbunuka chuma chimweko. Ikiye nahase kupwa wakulihata wamwaza, oloze ikiye keshi Mukakulishituko kuvangila nasemuka chachihya.

⁹⁸ Yesu ngwenyi, “Kuvangila muthu nasemuka chachihya,” Mukakujila Yowano 3, nge, “ikiye keshi kuhasa kumona Wangana ko.” Jino, echi chalumbununa, *talenu*, echi chalumbununa kupwa “kwivwushisa.”

⁹⁹ Ove mutala ha kala chuma, muhanjika, “Kangweshi nakumonako.” Kumana ove kaweshi nakuhasa kwivwushisako.

¹⁰⁰ Muthu keshi kuhasa kwivwushisa mwomwo ika vathu veji kutambakananga. Muthu keshi kuhasa kwivwushisa mwomwoika lilimi lya muthu wa nyama linahase kwalumuka kaha ikiye mwahanjika mumalimi. Uze muthu wachisemwa keshi kuhasa kumona omwo upahu wa Kalunga nawiza hameso amuthu, kaha ikiye nahase kumona vimweno nakulweka muthu mukwavo vyuma vimwe, kaha na mwakulingila; kuvalweka vakiko vyuma vili nakwiza nakulosoka, kaha nakuhaka vyuma vili nakwiza nakuhita, nge omu Mwata atulingilanga hano ufuku unahichi, mukiko nawa. Talenu? Talenu? Vize—vize vishinganyeka vyauthu vyeji kwesekanga kuhita hitamo. “Chamwaza, chuma muka ikiye alingile? Mokomoko, muyachi wa makuli muka ikiye azashile? Kafuta muka ikiye akwechi?” Kumona muthu ali nakuhanjika mumalimi, vakiko navahanjika ngwavo. . . kaha muthu weka kulumbununa kaha kulweka vene mwakulumbunuka kala membala wa Mujimba omwo vatela kulinga, kaha omwo vakiko kavatela kulingako. Talenu? Talenu? Vakiko vashinganyekele nge chapwile pamo makuli amwe. “Kuli chumachimwe chapwile mukachi kavo.”

¹⁰¹ Vakiko kavahashile kwivwushisako palanga uze muthu nasemuka chachihya. Kahajino omwo ikiye asemukile chachihya, kaha ikiye ali mumukana wa kulikata, mwomwo ikiye napu tengeso yayihya. Chize kushinganyekela chamwaka, uze apwile vilinga vya kukakasana vya mwaka, ali wakufwa. Jino, ikiye ali tengeso yayihya. Shikaho, munamono, ikiye keshi na kuhaka kalachuma kuli ikiye ko, jino, mwomwo nachiya nakupwa chakuhakilako chivene.

¹⁰² Tachikiza, ove watela kupwa wakusemuka chachihya. Kaha nge unasemuka chachihya, ove kaweshi kuhasa kupwa wakusemuka chachihya chakuzeneka lufwelelo. Echi chakwoloka. Shikaho, munamono, ha chalo chami hano, Ngukwechi chikuku, lufwelelo chapwa chikuku kukuputuka. “Mwomwo chakuzeneka lufwelelo chinapu chachikalu kumuvwisa kuwaha Kalunga. Ou mweza kuli Kalunga atela kufwelela nge Ikiye vene, kaha Mukakufweta vaze veji kumutondanga Ikiye.” Talenu? Ikiye atela kupwa. Kaha nge uli wakukakasana na Mbimbiliya, nge uli wakukakasana na Lizu

kupwa lya kwoloka, ove watela kulitwamina palanga unafwelela chatete.

¹⁰³ Shili chuma muka? Kuzeneka kufwelela. Kuli kaha vyuma vivali vize vili nakuyula muthu wanyama. Echi chinapu chipwe kukakasana mokomoko lufwelelo, umwe hakachi kavo. Ove watela kupwa wakuhetewa kuchuma chimwe nachiyula chiyoyelo chove. Kaha nachikundamina omwo uli nalufwelelo uli nalwo, naukanduka ngachilihi.

¹⁰⁴ Oloze, chatete, echi chatela kupwa lufwelelo. Echa ngutwame ha chikuku chindende. Jino, lufwelelo chinapu ocho watela kufwelela. Lufwelelo chili chuma...“Lufwelelo lunapu chuma chamwenemwene unatalilila.” Echi chinapu, nge uli nacho lyehi omwo naupwa nalufwelelo, mwomwo chinapu chakusolola mulufwelelo. “Lufwelelo lunapu chuma chamwenemwene unatalila,” Hepelewu 11, talenu, “chinjikizo.” Chuma muka echi? Chinjikizo muka? Chinjikizo cha kujila.

¹⁰⁵ Shikangaho, nge nawamba ngwove, “Ndumbu walunga Branham, Ngwafwelela nge Kalunga ikiye Mukakuka.” Chamwaza, kachi ove mufwelela chize, kahajino na kwitavila Ikiye kupwa Mukakuka chove, kaha keshi kulyongako, oloze kufwelela nge ha mikiki Yenya ove unahinduka, kakweshi chuma nachiya nakukwalumuna nakukufumisa kuli chize ko. Echi chinapu chuma chakuunda. Jino enu munahase kupwa nalulalililo, twalilaho kuchina *echi* na kuchina *chize*. Oloze nge uli nalufwelelo, unatachikiza, mwomwo chinapu chinjikizo. Ove uli lyehi nacho. Ngwapwile na . . .

¹⁰⁶ Vangahi, kalamuth, amwivwa lyehi Oral Roberts chimene chino, omwo ikiye apwanga nakunangula chimene chino, Oral Roberts? Ngwa—Ngwamwivwanga ikiye kuhanjika chumachimwe mokomoko hakwavo nge kwapwile lufwelelo, chize cheji kunehanga ulwilo, kulomba na kulomba cha lufwelelo, cha kusokola. Ikiye ngwenyi, “Tulihumangane hakukwata ove hachisaji, lihumangane nenyi hakukwata ha chumachimwe, mangana...” Uze lunga apwanga nakulinga ngachize, shikaho chize nachihana vathu chumachimwe chize vakiko vanahase kuhaka mavoko avo. Chumachimwe, ove muhanjika, “Nguchikwechi jjino, mwomwo ikiye angulwekele kutwata kuchisaji. Ngwakwachile.” Taalenu? Jino, echi chinapu chakwoloka. Oloze, jino, lufwelelo lwamwene mwene kalwatondeka kukwata chuma chimweko. Jino, Kangwechi nakupaisa Ndumbu walunga Oral, keshi ngochoko. Ikiye ali nakuzata mulimo waunene, kaha muthu wakalunga, kaha Nguna—Ngunashinganyeka vene vyavivulu hali Oral Roberts. Chuma chachipi etu katweshi navathu vangachizeko.

¹⁰⁷ Oloze chuma Nguli nakweseka kuhanjjika, echi—echi, lufwelelo kachatondeka kalachumako. Talenu? Lufwelelo lwafwelela Lizu lya Kalunga. Mwomwo lufwelelo nalwiza na

“kukwata”? Nduma. “Lufwelelo nalwiza ha kwivwulila, kaha kwivwulila eli Lizu lya Kalunga.” Chize cheji kujikichisanga. Chili haze. Talenu? Kaha lufwelelo, nge omu vamba, kalwatwama natunda ko. Lufwelelo luli vene hano. Lufwelelo luli hano. Jino nge kachi kuli muthu umwe . . .

¹⁰⁸ Uze kema wamundende, lize likumbi likwavo. Uze naye yauze Ndumbu wapwevo Kidd na vakiko vahanjikile hali chize, uze apwile uze kema wamundende na lijimo, na ndumbi yakuzeneka wina, yakuhichishilamo vize vyakulya. Jino, uze pwevo wakalemesa, kwivwulila Ndumbu wapwevo Kidd na vakiko kwambulula, kufwelela nge kachi ikiye atela kupwa mukulihumangana, kaha Ngunalombelela uze kema. Jino, talenu, Kalunga eji kutuhananga etu vathu . . .

¹⁰⁹ Etu vamwe tuli na kuhitamo chachivulu na Kalunga, shikaho—shikaho chivene nge Kalunga neza nakupwa nge kuya kaha, nge, kuhanjika na Ndumbu walunga Neville mokomoko muthu umwe uze mwalijilila chikuma. Kaha etu lwola lumwe tweji kuhula vase vathu kutulombelela etu. Omu mukiko etu twatela kupwa. Kahajino kachi etu tuli nalufwelelo luze luze lunga mokomoko pwevo, wosena ali nakulombelela etu, ali nakuhanjika kuli Kalunga, kahajino lufwelelo lwetu kukakachila. Chize chili chakukwachika. Echi chinazame.

¹¹⁰ Hano. Uze ka Loma ayile nakuliwana na Yesu. Kaha ikiye ngwenyi, “Kangwa—kangwatelelemo Ove kwiza kuzuvo yamiko. Kangweshiko. Kangwa—Kangwatelelemo. Kaha Kangwa—Kangweshi. . . Kangwe—Kangweshi nakulilava amilyavene muli ize jilako. Oloze,” ngwenyi, “mwanami ali nakuviza. Kaha Ove hanjika kaha Lizu, talenu, kaha mwanami mwaya nakuyoya.”

¹¹¹ Chumamuka chize? Tunda kayeshi nachumako. Talenu? Mwomwo, Kalunga apwa kwosena. Kalunga apwa wakulitulaho. Kaha kwosena Kalunga kaha, wakulitulaho kwosena. Kaha Kalunga, hakupwa apwa kwosena, chize chinalingisa Kalunga kupwa kwosena, kweka nakweka. Talenu? Kalunga ali wamunene mu Germany, mu Switzerland, mbwe na ku Africa, ha munyutu vene ino, nge omu Ikiye ali hano. Mamalelo! Ove uze.

¹¹² Shikaho jino ikiye ngwenyi, “Kangweshi wakutelemoko Ove kwiza kuzuvo yami. Hanjika kaha Lizu.” Chapwile chuma muka? Lwapwile lufwelelo lwa ka Loma. Ikiye afwelelele chize.

Kaha Yesu ngwenyi, “Yako mujila yove. Mwanove mwayoya.”

¹¹³ Kaha ikiye ambachile, ungeji wa makumbi avali. Kaha likumbi likwavo, ‘shimbu kanda ikiye ahete kwimbo, ikiye aliwanyine na vamwe vangamba jenu vali nakwiza. Kaha vakiko ngwavo, “Mwanove walunga nayoyo.”

114 Kaha uze ka Loma achikimine, palanga nomuahanjikile, “Lwola lwa likumbi muka ikiye aputukanga kwivwa kanawa? Lwola muka lwa likumbi?”

Ikiye ngwenyi, “Ku ola lwa eleveni, ikiye aputukile kushinganyeka.”

115 Kaha uze ka Loma atachikijile nge luze lukiko lwola luze Yesu ahanjikile ngwenyi, “Mwanove walunga mwayoya,” kaha ikiye afwelelele. Amena.

116 Wakulitulaho, apwa kwosena, alimwosena, wakuzeneka maputukilo na makumishilo, apwa Kalunga. Shikaho, omwo vakiko navasanyika hashinga na kuhanjika ngwavo, “Lomba!” Chize kuliwana! Kaha lufwelelo lwenu naluneha Kalunga. Echi chili chuma chize chinakuneha kulombela na Kalunga, hamwe, hohamwe. Kulombela! Lufwelelo kwalumuka kufuma *hano* na *hano*. Chize cheji kuneha hamwe.

117 “Hanjika kaha Lizu. Vyosena Ngwatondo Ove kulinga shina kuhanjika Lizu, kaha vyuma vyosena navipwa vya kwoloka.” Talenu, Ikiye katelele kupwa kuzeko. “Shina kuhanjika kaha Lizu.” Mwomwika? Kalunga apwa kwosena. Ikiye apwa wangolo chikuma. Ikiye apwa wangolo chikuma mwishi ya kaye nge omu Ikiye ali helu lya kaye, mokomoko kukala sali. Ikiye apwa Kalunga. “Kaha chuma chimwe kaha Ove watela kulinga shina kuhanjika kaha Lizu,” ikiye ngwenyi.

118 Kaha, jino, lufwelelo lweji kuzatanga vyosena. Lufwelelo lweji kuzatanga vyosena. Shikaho ove watela kupwa na lufwelelo kupwa chikuku. Vakakulishitu Vosena, enu vosena, enu vosena namuya nakupwa, kukundamina ha lufwelelo mu Lizu. Ou ukiko mulonga Ngwafwelela eli Lizu. Talenu?

119 Kangweshi kuhaka lufwelelo lwami hakala chumako. Kachi Ngwapanga nakuya nakuchihaka haliuka, liuka muka Nanguya nakuchihaka: Katolika, Luteleni, Mesondisiti, Mbaputishiti, Pendekosita? Kulihize Nanguya nakuchihaka? Ngunahono kutachikiza. Vakiko vosena vali vakupapajala na vyuma vyosena, jitambo jakulijinga, kaha vyuma vyosena kala.

120 Oloze nge Nanguhaka lufwelelo lwami mu Lizu Lyenyi, nachiya nakuzama. Kakweshi muthu mwahasa kulumbununa Echiko. Hano Echi chili hano, MUKIKO MWANAMBE MWATA. Kajino Ngwafwelela Chize. Chize chikiko chikuku.

121 Kaha ndotolo wamundende wamwaza kuno muno mumbongi, hilyanyi wami, Ndotolo Sam Adair. Etu tunapunga vanyike vamalunga hamwe. Enu vosena munatachikiza Sam. Kaha ikiye ahanjikile kuli yami, ikiye ngwenyi, “Bill...” Hanyima yakumona chize chimweno, kumulweka kuze ikiye chihela mwakatungila, omwo nachikasoloka. Jino yako kuze, kamuhulenu lwola lumwe nge keshi muchanoko. Myaka yivali mokomoko yitatu shimbu chize chisoloke, ngwamulwekele kuze

nachikapwila. Ngwambile ngwami, “Ove muya vene nakumbata mbongi yosena.” Kaha kakweshi numba chuma chimwe oloze chuma chimwe mukachi ka ikiye na chize, kaha chize chikiko chihela chakutungulula. Ndotolo Adair achikwechi chosena, na apothecary. Chikiko kaha. Ndotolo Adair azalishile chize, chize chimweno. Kulihize, chihela chize ikiye ahanjikile, “Echi kacheshi numba kupwa chakukwata mumyaka twende faifi. Chili muchipango.”

¹²² Ngwambile ngwami, “Ndotolo, uze Mwata akuhanyinecho ove, mwomwo ya kulinyisa chove.”

Ikiye ngwenyi, “Nguli wamwaza.”

¹²³ Ngwambile ngwami, “Ove wapwa suwangongo. Ove ukwechi chipangachi kuweluka, chiyau chize ove mutala hali masepa jove kuze, oloze mukachi ove uli muthu wamwaza. Lovoka muze muchimbangachi.” Ngwambile ngwami, “Kalunga akuhanecho ove.”

¹²⁴ Ikiye ngwenyi, “Kanda lyenyi ngukakasana ove, Billy, oloze Nanguya nakukukakasana hali echi.”

Ngwambile ngwami, “Yako kuufwishi wove.” Kaha shikaho ikiye alovokele nakuya.

¹²⁵ Chize chimene chikwavo, ikiye asanyikile kuya kuli ikiye, ngwenyi, “Nguli nakuma nakukufwa.”

¹²⁶ Ngwambile ngwami, “Ukalu uli halihi?” Chize pamo nge mu Kuhuhu. Ngwambile ngwami, “Ukalu uli halihi, Ndotolo?”

¹²⁷ Ngwenyi, “Ngunalande lyehi chize chihela, Billy. Vakiko vapwanga nakuliwana ufuku unahichi mu Boston, kaha Ngunalande lyehi chize chihela chimene chino.”

Ngwambile ngwami, “Ngwakulwekanga.”

¹²⁸ Ngwapwanga kuze likumbi likwavo, kuhanjika kuli ikiye, omwo uta wavumine mumeso ami. Ikiye ngwenyi, “Ngwashinganyekanga Nganambulula chize kuli vathu va masauzande vase vejile muno, nge ngachize.” Chuma muka echi? Jino, nge Kalunga mwahanjika kalachuma, nachiya nakusoloka.

¹²⁹ Chingoloshi chinahichi masepa vamwe vejile nakwingila. Vakiko vevwile chize chimweno ngwambulwile cha uze vuli apwile na lumbinga lwalusuku, na uze mulusu wutomonoka. Ngunahono kutachikiza vathu vangahi vase vejile kuzuvo, vatondele kumumona. Ngwambile ngwami, “Tepu eyi mupimenu. Putukilenu kulumbinga.” Ikiye achivwile kuchambulula shimbu kanda chisoloke. Talenu? Mwomwoika? Nge Kalunga mwahanjika chuma chimwe, chatela kusoloka. Ou ukiko mulonga, chakundaminyine.

¹³⁰ Jino, *hano* hakiko hali punga yaulwilo. Kaha jino kachi chimweno Chenyi chasolokele mwakukupuka, mukiko vene mujila vakiko vene vahanjikile nakulinga, kaha eli liuka hano

linatachikiza nge echi chakwoloka, kahajino nyi ngachilihi Lizu Lyenyi? Talenu? Lili lyakulumbunuka kuhambakana chize chimweno. Kachi chimweno kachahanjikile na Lizuko, kaha chize chimweno chili chakuhenga. Oloze lili Lizu, chatete, mwomwo eli Lizu linapu Kalunga. Talenu? Shikaho, Ikiye ali kwosena. Ikiye ahanjikile chize hano, kaha achilingishile kusoloka mu Canada. Amena. Talenu, Ikiye apwa kwosena. Chosena chakwoloka.

¹³¹ Chatete, ove watela kusemuka chachihya. Kaha jino nge ove wasemuka chachihya, ove uli nalufwelelo; ove wafwelela Lizu. Palanga ove wasemuka chachihya, ove muya nakuhamika hali Echi. Kachi ove uli kaha wakukundamina ha kulifukula, kaha—kaha uli na—na—na chinyingi chauthu chachindene chize ove watela kulinga mwakwoloka, ove kaweshi kuhasa kupwa kwitavila ha Lizu lya Kalunga. Ove kaweshi kuhasa kulinga chizeko. Ove watela kupwa wakusemuka chachihya. Kaha, kusemuka chachihya, cheji kusemanga lufwelelo. Chosena chakwoloka. Kahajino, hanyima yaove kutambula lufwelelo, echi *hano*, l-u-f-w-e-l-e-l-o, lufwelelo, kahajino ove uli kaha muchihela chakukula.

¹³² Jino, vathu vavavulu veji kuyanga kukamenga, na kulomba, na kuhanjika, “Mwata, ngukonekele.” Kaha chivwasano chachinene chakusuwuluka chejile halivakiko, na vyuma vimwe. Kahajino enu muli na lwola lwalunene, kwiza kukamenga, nakutambakana. Enu kindulukenu, kuhanjika, “Kalunga amikisule, Ngukwechi echi.” Nduma, enu mwaputukanga chihela kuze munahase kukula. Enu kamweshi kulinga nachuma chimweko. Talenu? Chuma chivene chili kwala chikuku.

¹³³ Jino enu namuya nakutunga zuvo, kaha namuya nakuhingununa chikuku, ngwenyi uze, “Kanyike walunga, Ngukwechi.” Taalenu? Enu mukwechi chikuku mwatela kutungilaho zuvo. Jino enu mwatela kutunga zuvo.

¹³⁴ Jino kuze kuli chuma chili nakwiza, chimene chino, etu natuya nakuchihanjika jino. Chosena chakwoloka. Zuvo, echi chikuku chili chatete. Nyi chikuku cha Mukakulishitu? Lufwelelo mu Lizu lya Kalunga. Chize chikiko chikuku. Kahajino ove muputuka kukula. Kahajinoove muputuka, ove muputuka kuhakilako kuli echi chikuku.

¹³⁵ Jino, kutunga zuvo, ove namuhaka sepanatali na vyuma vyosena. Ndumbu walunga Wood, na vamwe ava vakakusonga na vakambi hano tulweke omwo ove mutunga zuvo yove. Talenu? Oloze Nguli nakukulweka omwo mwakutungila zuvo yove yakushipilitu, muze mwatwama Kalunga. Ikiye atonda kutwama muli ove. Ikiye atonda kukulinga nge omu apwa Lyavene. Ikiye natondo enu mumusolole, kusolola, vene, Kupwa Chenyi.

¹³⁶ Munatachikiza, mulwola lwamwaka omwo vapwilenga na kupanga ulu, shimbu vakiko kanda vapwenga na zuvo yakuyengununa nakakahya, vakiko vapwilenga nakuveta ize ulu, kuveta aze majilo, ize fwelu na koper na majilo, kufumisako, kaha kutwalilaho nakuveta, kaha kwalumuna, na kuyiveta. Vaze ma Indians veji kulinganga noholili, kuveta ulu, kaha vakiko veji kuyiveta. Munatachikiza omwo vahashilenga kumona nge ulu unafumu lyenyi, kaha majilo osena na vindakandaka, kaha kuvwakuma chatela kusoloka? Omwo umwe uze apwanga nakuveta nge mwahasa kulimona ivene, nge muchivajilo, mulikiko. Yapwile yitoma na zwalala palnga namukakuveta mwasoloka.

¹³⁷ Omu mukiko mujila Kalunga eji kulinganga. Ikiye eji kumbatanga ize ulu ize Ikiye vawanyine ha mavu, kaha Ikiye mwayiveta, na Shipilitu Wajila, kuyalumuna, na kuyalumuna, na kuyiveta palanga (Ikiye atambwile) Ikiye nahase kulimona Lyavene. [Ndumbu walunga Branham asakwililile mavoko eyi kapapa kakavulu mukutanga—Muka.]

¹³⁸ Kaha omu mukiko chatelanga kulinga, kusolola Mwana Kalunga. kaha jino etu tuli twatelanga kuzata mulimo Wenyi. Ikiye ngwenyi, “Wosena mwafwelela hali Yami. . .” Mukakujila Yowano 14:7, “Wosena mwafwelela hali Yami, eyi milimo Nguli nakulinga naikiye nawa mwakayilinga nawa.” Enu munaputuka kusolola milimo ya Kulishitu.

¹³⁹ Oloze etu vavavulu tweji kwesekanga kulinga milimo ya Kulishitu shimbu kanda kusolola Kulishitu. Jino hakiko hali ukalu. Etu tunawane vyuma kana kusoloka. Munatachikiza echi. Ngunatachikiza echi. Etu tweji kumonanga evi, vimbuji mujila. Etu twawane vizanda vya vakakuzata, vya Vakakulishitu, vakulumbika mwaya jila, mwomwo kavayilemo mwakwlokako.

¹⁴⁰ Kaha omu mukiko Yami hano chimene chino, kweseka kanangula eli liuka lyalindende, na yami lyavene, omwo etu twatela kupwa chihela chautwamo wa Kalunga wakuyoya. Vangahi vanazange chize? Chize chihela chautwamo wa Kalunga wakuyoya!

¹⁴¹ Jino hano omwo twatela etu kulinga. Chuma muka chatete? Pwenu nalufwelelo na kusemuka chachihya. Chize chikiko chikuku.

¹⁴² Kahajino, hanyima yaetu kwala chikuku, chamuchivali hakaho hachikuku chove. “Kulufwelelo lwove hakaho,” Petulu ngwenyi hano. Hakaho kuli ove. . . Chatete watela kupwa na lufwelelo, kahajino ove hakaho ku ngolo jove lufwelelo. Echi chikiko chakushisaho. Chatete, hingununa chikuku chove, lufwelelo. Kahajino, kulufwelelo lwove, hakaho ngolo.

¹⁴³ Jino, ahavene hakiko chatumbili hamavu. Eyo, mwane. Eyo. “Hakaho ngolo kulufwelelo lwove.” Echi kachalumbunukile kaha kuyoya chiyoyelo chausanda, munatachikiza, nge

pwevo mokomoko lunga, kaha navyangocho. Chize kachashi nachumako nachechi.

¹⁴⁴ Eyi Mbimbiliya ngwayo, etu twatange hano mu Mukanda wa Luka, muze Yinambe ngwayo, “Ngolo jafumune muli Ikiye.” Echi chakwoloka? Kachi etu natuya nakupwa nge Ikiye, etu twatela kupwa na ngolo, kahajino. Etu twatela nayo, kupwa nge Ikiye. Ou uli mwaso watete uze Ngwazangile, mu—mu myaso, umwe waunene, wapwile, *Kupwa nge Yesu*. Chamwaza, kachi Nanguya nakupwa nge Yesu, Ngwatela kupwa na ngolo, kaha kuhishisa echi nakutwala kufuma kuli yami nakutwala kuli vathu. Mwomwo, “Ngolo jafumine muli Ikiye nakuya kuli vathu.” Ngolo! Kaha shimbu kanda ove ujeche, ove watela kupwa najo chatete. Ove kaweshi najoko, kajeshi kulovokako. Kamweshi nomu najilovokako.

¹⁴⁵ Ngachilihi nge muthu umwe esekele kufumisa ngolo muli etu, kaha lipapilo lyamali nalihiluka ngwalyo “kamweshi mbongoko”? Talenu? Nduma, nduma, naumwe nahase kufumisa, lize lipapilo lya mali kukinduluka. Muthuumwe ali nakutala hali ove Mukakulishitu, kaha hamene talenu ove uli hano kutwalilaho nge mukashili, keshi na ngolo chikumako chinahase kufuma muli chize. Talenu? Chakwoloka.

¹⁴⁶ Ngolo jatela kupwa mulietu. Kaha palanga etu natumbata ngolo. . . Kahajino omwo etu natupwa na ngolo jamuchano, etu twala kuhakako ku lufwelelo lwetu. Echi chikiko mbango ya chikuku nachizaho. Jino, chatete enu mwatela kupwa na lufwelelo. Lufwelelo ukawalwo kalweshi kuzachiwako. Enu mwatela kupwa na. . . Petulu ngwenyi, “Kahajino hakaho ngolo kulufwelelo lwove.” Ove watela kupwa na ngolo, managana uluhake kulufwelelo lwove.

¹⁴⁷ Jino, kahajino, chanahase kupwa, mulonga ove kaweshi nachoko, mwomwo mauka amavulu lelo anaminangula enu nge kamwatela kupwa najoko, mokomoko makumbi acho anahichi lyehi. “Vakiko kavatela kupwa najoko. Chuma chimwe kaha ove watela kulinga shina kulinunga na liuka. Yaa, makumbi nahichi lyenyi.”

¹⁴⁸ Ngolo, kala muthu natachikiza eli lizu lya ngolo omu lya lumbunukila, talenu, kaha etu twatela kupwa nacho. Kachi ngolo jamufumine Ikiye, kuhindula uze pwevo apwile wakuviza, Ikiye ali nakuvandamina ngolo jojimwe mu Liuka Lyenyi, mwomwo Ikiye apwile wakutalilaho. Kaha kachi Ikiye apwile na ngolo kuhana vathu, Ikiye ali nakutonda etu kupwa nangolo jakuhana vathu. Kaha ngolo chuma muka? Ngolo jinapu kuzama, ngolo.

¹⁴⁹ Vamwe muli vakiko kavafwelela mu ngolo ja Kalunga ko. Vakiko ngwavo, “Chize—chize—chize चाहिता lyehi. Chuma chimwe enu mwatela kulinga chili kaha kuhaka lijina lyove mu mukanda, na ku kusapwila, mokomoko ku kuhingunuina,

mokomoko ku kujimika, mokomoko kala mwosena omwo. Kaha muze mukiko kaha watela kulinga.”

¹⁵⁰ Oloze Petulu hano ngwenyi, “Hakaho ngolo.” Jino, Petulu ali nakuhanjika hakutunga Zuvo ya Kalunga, talenu, eyi Tembele ya Kalunga, yili nakutonda kusoloka. Kaha hanyima yakupwa na ngolo, ove watela kupwa na... Hanyima yaove kupwa na lufwelelo, enu mwatela kupwa na ngolo nacho. Chize chakwoloka. Pwako na ngolo ha kaye kosena.

¹⁵¹ Ngwanangwile kunangula chimwe pamo myaka twende kunyima okwo, Ngwashingtonyeka, hali Wamulemu Mukulwane Liya. Liya. Liya, uze kafunga. Achimbachile kufuma mukutanga muze Yesu ngwenyi, “Shinganyekenu liya, omwo kavatukuchilako mokomoko kunyengwangila. Ohonyi Ngunahanjika kuli enu, Solomone muupahu wenyi wosena kahashile kulilenga nge ikiyeko.”

¹⁵² Tala hali liya. Lyajikufuma mwosena muze muulova. Kaha munyutu himuyutu wa likumbi lyatela kupwa lyakufuma mu mavu. Talenu? Kaha chuma muka chinalingika na jize ji ngolo jize jafumine? Jize jalovokele. Na kutunga kusoloka chamwaza kumeso amukakukumbwa. Echi chinasokolola chivene cha uchi, mwomwo vapuka kwiza na kumbata chihanda. Kanda kuyayavalako. Echi chili kaha kupwa nacho, nakuchisolola. Nachipwa ngachilihi kachi puka mweza muze; kamweshi mbongo ko, kamweshi? Uze puka wamundende kachi nahase kulikula mumutwe na kuhanjika, “Muyachi wa liya uka ou?”

¹⁵³ Kachi muthu mweza, kweseka kuwana ulwilo, kuya kuliuka lize lyafwelela awa makumbi avikomwesa vyahitaleyehe?

¹⁵⁴ Nge Jack Coe lwola lumwe ngwenyi. Kwingila muzuvo yakulila, kaha apwile na mukanda wakwala chavyakulya; aputukile kuutanga, Nyama ya pambo na vyuma kana. Kuhanjika, “Nanguya na kumbata Nyama ya pambo.”

“Chamwaza, ize yalikumbi linahichi. Etu katweshi nayako.”

¹⁵⁵ Unahase nayove kutulika uze mukanda wa kwala chavyakulya na kulovoka, talenu, echi chakwoloka, 'mwomwo vakiko kaveshi navyakulyako, numba. Shikaho enu munahase nayenu nawa kuya kuze kuzuvo yavyakulya nakuwanako chumachimwe chakulya.

¹⁵⁶ Kaha muthu wa shipilitu, kukula, natondewa chuma chimwe chakulya. Echi chikiko Lizu Iya Kalunga. Ngwafwelela Lizu Iyosena Iya Echi.

Kalunga akwechi mesa yakwala Iyehi kuze va
kakujila ja Kalunga vatela kulila,
Ikiye nasanyika vathu Jenyi vakusakula,
“Twayenu na kuseketa.”

Na mana Yenyi yikiko Ikiye eji kulisanga, Ikiye
 eji kutuhananga kutondeka chetu chosena,
 Mamalelo, chili chinyema kulya hamwe na
 Yesu lwola lwosena.

¹⁵⁷ Echi chakwoloka. Eyo, mwane. Ikiye Achikwechi. Eli Liuka likwechi Echi, eli Liuka lya Kalunga wakuyoya, lize vanatungu mukukupuka chamuthu, cha chinyingi cha Kulishitu. Jino, jino ove watela kupwa na ngolo.

¹⁵⁸ Ngwambile ngwami kahajino, chuma chatete munatachikiza, kuli muthuumwe azanga kunuka livumba. Ikiye keshi nalifwako. Ikiye akwechi livumba. Shimbu ikiye mwafumisa livumba, ikiye atela kupwa nalyo. Shimbu ikiye mwahana uchi, ikiye atela kupwa nawo. Shimbu ikiye mwahana kuwaha, ikiye atela kupwa nacho.

¹⁵⁹ Shimbu enu namuhana ngolo, enu mwatela kupwa najo. Shikaho, hakaho halufwelelo lwove, ngolo. Amena. Ivwushisa? Etu tunahase kutwama hali echi lwola lwalusuku, oloze lwola lwetu nalutuseza. Kuhakako ngolo halufwelelo lwenu. Jino, chatete lufwelelo, kahajino ngolo.

¹⁶⁰ Kaha jino, chamuchitatu, enu hakaho chinyingi. Chinyingi, jino, chize kachalumbunukile chinyingi cha kayeko, 'mwomwo aze apwa uleya kuli Kalunga; oloze chinyingi chakuhasa kusopesa, kusopesa (chumamuka?) kwoloka na kuhenga. Ove musopesa ngachilihi echi, kahajino, kachi ove ukwechi chinyingi Chaukulishitu na ngolo na lufwelelo? Ove sopesa nge eli lili Lizu lya kwoloka mokomoko lya kuhenga. Kaha kachi ove kumutulika kusali kunagula chauthu chosena, kaha kuzeneka kufwelela chove chosena, vyuma vyosena ove uli nakutonda kupwa navyo, kahajino ove uli na chinyingi cha kufwelela Kalunga nge keshi kwongako. "Echa mazu amuthu kala apwenga akwonga, oloze Ami apwenga amuchano." Talenu? Jino ove uli nakumbata chinyingi. Chize chinyingi chakulitulaho. Ove kawatondeka mandingili awana mushikola yayinene, mokomoko chumachimwe nge ngachize, kupwa nachoko, mwomwo jingolo josena eji vanajihane kuli ove kufuma kuli Kalunga, kuhaka hachikuku cha lufwelelo lwove, mangana mwizenga nakupwa wakuzala muchivwuvwu chamwenemwene, cha muthu wa Kalunga wakuyoya. Eyo, mwane.

¹⁶¹ Hakaho, hakaho chinyingi, mwomwo, chinyingi cha Lizu Lyenyi. Enu mwatela kufwelela echi muli eyi jila. Nge ngachize, enu mwatela kufwelela lelo nge...na kwitavila echi, nge makumbi amakumishilo keshi anahichiko. Chinyingi cha muze ahanjikile Kalunga, Kalunga ali wakutela kulingamo.

¹⁶² Apalahama afwelelele echi. Kaha omwo ikiye apwile na myaka handulendi yakusemuka, ikiye katallyangileko ha lushiko lwa Kalunga kuhichila mukuzeneka kufwelela. Tala omwo kusauka cha Lizu omu chapwile. Hano hali lunga,

na myaka handulendi yakusemuka, kuvandamina kema kusemuka muzuvo, na pwevo wa myaka nite yakusemuka. Talenu? Mwahichile myaka kwakamwihi na fifite kuhita hamueto wakusema, ayoyele neyi kufuma omwo apwile nge—nge kanyike wapwevo, mokomoko kanyike chikuma. Kaha hano ikiye ali, kaselwoke wa chiyoyelo wapwile wakufwa. Kaha lijimo lya Sala lyapwile lyakufwa. Kaha lusalililo lwosena lwayile, chikalo lwapwile lusalilile. Oloze, ohonyi, kusali ya lusalililo, ikiye afwelele mu lusalililo, mwomwo ikiye apwile na chinyingi chize Kalunga apwa wakutela kulama vyuma vyosena vize Ikiye ashikile.

¹⁶³ Jino, omwo enu mukwechi nge ngocho, kahajino hakilaho lufwelelo lwove. Omwo enu namupwa muchano wa ngolo, kuhakako kulufwelelo lwove. Omwo enu namutambuka muno mujila, kuyoya nge Mukakulishitu, kuyoya nge Mukakulishitu, pwako Mukakulishitu, hakako kulufwelelo lwove. Nge enu namupwa na chinyingi . . .

¹⁶⁴ Enu ngwenu, “Chamwaza, Ngunahono kutachikiza jino chipwe *echi* Chisoneka chili chakwoloka. Jino hano mu Vilinga 2:38, Ngunahono kutachikiza nomu mwakulingila na Vilinga 28:19. Kangwatondele.” Chosena chakwoloka. Enu kamweshi—kamweshi nakuhakako chumako, ’mwomwo enu kamweshi na Echiko. Talenu? Muya nakulinga ika? Mwomwo, enu kamweshi na chinyingiko chakutambo mwakutachikijila Kalunga, oloze, eyi Mbimbiliya kayalipula jipami Iveneko. Yiseze ukawayo. kanda kuhanjika cheka hali echiko. Talenu? Yiseze ukawayo.

¹⁶⁵ Oloze omwo enu nge Chisoneka kachalipula jipamiko, nge enu munahase kuhanjika echi; kaha namumona, echi, ha kusoloka cha Kalunga, Lizu lyosena valisoneka mumangana akusweka, kaha chinyingi kaha cha Kalunga chinahase kusolola Echi; kahajino omwo enu namumbata na kuhanjika, makenu Lizu lyosena lya Kalunga na “amena,” kahajino hakako ku lufwelelo lwove.

¹⁶⁶ Mamalelo, ove uli nakuya nakupwa muthu wamwaza hano vene jino. Talenu? Enu namuya nakwiza, talenu. Nachuma muka? Na lufwelelo, kahajino na ngolo, kahajino chinyingi. Talenu omwo chili nakutungo ou muthu? Enu munamono kuze kakweshi—kakweshi jila yakuchina echi. Eyi yikiko jila yakwijivila muchivwuvu cha kuzalilila cha Kulishitu. Eyo, mwane.

¹⁶⁷ Kulisopesa, sopesa mwakwoloka. Sopesa nge echi chakwoloka mokomoko cha kuhenga, kufwelela Lizu lya Kalunga. Sopesa nge chakwoloka mokomoko chakuhenga, nge Nguzachile jishimbi javathu mokomoko kuzachila Kalunga. Sopesa nge echi cha kwoloka mokomoko chakuhenga, Ngwatela kusemuka chachihya mokomoko kulinunga na liuka. Kahajino ove unaputuka. Sopesa mwakwoloka, omwo mukakunangula

ngwenyi, “Makumbi avikomwesa ahita lyehi.” Eyi Mbimbiliya ngwayo, “Yesu Kulishitu ikiye youmwe zau, lelo, na haya myaka.” Jino ove muya nakufwelela?

¹⁶⁸ Omwo ove nauhanjika, “Nanguya nakumbata Kalunga.” Jino, enu kanda kuhanjika echi nge kuhanjika kahako, “Chamwaza, Ngu—Nguya nakumbata chize,” chakufuma mumuchima wove. Oloze, chuma chimwe muli enu, lufwelelo lwenu lweji kushinjikanga chize. Yove haze. Lufwelelo lwove ngwalyo, “Ngunatachikiza Ikiye apwa youmwe. Amena. Ngunamumononga Ikiye kupwa youmwe. Kakweshi numba chuma chimwe nachiya kumbata echi kufuma kuli yami. Ngunatachikiza Ikiye apwa wamwenemwene.” Amena. Kahajino hakako echi kulufwelelo lwove. Chihake echi ha chikuku. Kwiza jino, kwiza vene kutwala ku Wangana. Kuheta na kuseteko jino. Chosena chakwoloka.

¹⁶⁹ Jino, chuma chashishileho, uze mukakunangula mwaya nakumilweka, kaha vathu vavavulu kuhanjika, “Uze...Evi vyuma mweji kutanganga mu Mbimbiliya, vikiko vya likumbi likwavo. Jino, Nanguya nakumilweka mwomwoika. Mwomwo, etu kakwatondele vize vyuma kana lelo. Etu katwatondele echiko. Talenu? Etu katwatelako. Etu katwatela kulilongesa vyuma kanako, Kuka chaukalunga. Etu katwatela kulilongesa kuhanjika na malimiko, muliuka, na—na kulama liuka lyetu kanawa. Kaha etu katwatela kulinga *echiko*.”

¹⁷⁰ Etu natuya nakumbata echi. Ngukwechi Chisoneka chakusoneka hano hali echi, talenu, chipwe etu tuchilinge mokomoko nduma, jino.

¹⁷¹ Oloze hano ikiye ngwenyi, “Ngunahono kutachikiza. Etu katwatela kulinga echi leloko. Chuma chimwe Ngwashinganyeka etu twatela kulinga, etu twatela kulinangula kuhanjika kanawa kumeso a likungumbuwa. Etu twatela kuya na kwecha vase vakakupima wongo wa vakakuzaluka, kumona kachi etu tuli vakutela kupwako etu vavene, kachi nge IQ ili helu chikuma kulinga chize, kaha—kaha vyangocho nge ngachize. Ngwashinganyeka...Kaha etu tukwechi chikungulwilo chachinene. Etu natutunga chikungulwilo.”

¹⁷² Etu katweshi nakutunga chikungulwiloko. Kangweshi hano chimene chino nakutunga chikungulwilo. Kulishitu katumine yami mangana kutunga chikungulwilo. Kulishitu angutumine kutunga vathu kutwala ku chivwuvwu cha Yesu Kulishitu, nge vakiko pamo vatela kupwa na zuvo yangolo na chihela chakutwama cha Shipilitu, na Lizu Lyenyi. Ha Lizu Lyenyi, talenu, tunga muthu kuli chize chihela. Keshi kutunga chikungulwilo kupwa chikungulwilo chachinene, oloze kutunga muthu kupwa mwana walunga na wapwevo wa Kalunga. Echi chikiko chishinganyeka. Talenu? Hakako kulufwelelo lwove,

ngolo; ku ngolo jove, hakako chinyingi. Chamwaza, jino enu muli nakwiza kuchihela chimwe.

¹⁷³ Jinoomwo navaputuka nakuhanjika ngwavo, “Chamwaza, etu katwatela kwitavila echiko lelo...” Enu mwatela kupwa nacho. Echi chatela kupwa.

¹⁷⁴ Evi Visoneka kavyeshi kulyongako. “Kaha Vikiko kavyeshi nakulumbununa vyakupengeko,” eyi Mbimbiliya ngwayo. Enu mwatela kufwelela Echi mujila Omu vachisonekela Muze. Talenu? Enu mwatela kupwa na vyuma kana. Kaha jila kaha enu munahasa kuya kupwa navikiko, shina kupwa na chinyingi chakusemukila Mwilu. Kaha chinyingi chakusemukila Mwilu nachiya nakwinjikiza Lizu. Talenu?

¹⁷⁵ Enu mwatela kufwelela, keshi kulifwanyisa kufwelela. Kakweshi evi vimwe vili vyakulifwanyisa kufwelela, talenu, kachi enu namweseka kuhanjika, “Nguchikwechi.” kanda kupwa kajila wilava kulihaka mangona muli ove lyavene, talenu, ’mwomwo vakiko navaya nakuholoka haze vene. Vakiko kaveshi akulisokelako. Akiko ali akujichikamo.

¹⁷⁶ Ngwashinganyeka muze ahanjikile Nдавichi muze mu, Jisamu 1, “Ikiye mwakaya nakupwa nge mutondo uze vanatumbila kutulwiji vameya.” Munatachikiza, kuli chihandwa kufuma mukutumba na kupwa wakutulika, kujichikamo. Nge mutondo waoka, ou vautumba, weji kuhuhwa na kukwachilila kwamwaza. Kamutondo kakandende ukakachila muze, enu kamweshi nakutachikiza chuma muka nachiya nakusoloka. Kaweshi na mijiko. Kaweshi na chikukuko. Talenu?

¹⁷⁷ Chochimwe na vathu vamwe kwiza nakufuma ku kuliwana chimwe mokomoko chumachimwe, talenu. Kanda kupwa na... “Chamwaza, Ndotolo *Mungaji mukananga* vangukujikile kumulimo.” Kanda kupanga kala chihandwako nachize hichuma muka.

¹⁷⁸ Kulishitu amisemene enu muli echi, talenu, talenu, ha lufwelelo lwenu. Talenu? Enu vamitengulule na kusemuka muli echi. Kaha jino hanyima enu kusemuka muli echi, evi vili vyuma vize Ikiye alinakutonda enu kuhakako. Twalilaho kuhakilako evi. Jino etu tuli nakuya hanovene mumukana.

¹⁷⁹ Jino kuli nakuya nakupwa chuma chikwavo ha echi chinyingi, etu tunahase kuhanjika echi, chinyingi cha ukalunga. Talenu? “Kumana eyi Mbimbiliya muli lino likumbi yinajimbalisa ulumbunuiso Wacho?” Talenu, vakiko, vathu vavavulu veji kumilweka, nge eyi Mbimbiliya kayalumbununa ngochoko. Kachi Kalunga ali nakutala hali yami, na kungwolola yami mu shili yami, kaha kachi Nguli mwana walunga wa Kalunga, Ikiye eji kulinganga echi. Ikiye eji kukulinganga nayove mujila yoyimwe, vana vamaunga na [Hatepu hapimbi—Muka.] vana vamaewevo. Omwo ove mulingakala chumachakuhenga, Ikiye eji kumyolola enu. Kahajino Kalunga

apwa wakulipwila hali enu, nge Ikiye eji kutala hali enu na kumyolola enu, nachihambakana chikumanyi Ikiye na Lizu Lyenyi, eli linapu chakutalilaho, ou ali Lyavene!

Ha kuputuka kwapwile Lizu, kaha lize Lizu lyapwilenga na Kalunga, kaha Lizu lyapwilenga Kalunga.

Kaha...lyalitengelekele nakupwa musonyi, kaha nakutwama mukachi ketu,...

¹⁸⁰ Eli Lizu lili kusoloka cha Yesu Kulishitu, eyi Mbimbiliya yahanjika ngocho shikaho, Kulishitu kupwa kusoloka mu Lizu Lyenyi. Kaha kachi Ikiye natale hali ove omwo enu mweji kujombokanga jishimbi josena eji, Ikiye eji kukupaisa hali echi, nachihambakananyi Ikiye kutala ha shimbi Jenyi eji jeji kukupaisanga ove! Amena.

¹⁸¹ Twalilaho kuya, kanyike walunga, kanda kungulweka chuma kana!

¹⁸² Ngwafwelela muumwenemwene, chinyingi cha Shipilitu Wajila. Chinyangi cha Shipilitu Wajila lwola lwosena lweji kumaka Lizu lyosena na “amena.” Omwo enu namumbata vyuma kana namumona nge vili nakulipula jipami vivene, mu eyi Mbimbiliya, enu namutwama na kutanga, kaha nakulomba nge ngachize. Kaha chuma chatete namutachikiza, eyi Shipilitu Wajila mwaputuka kutambuka na kwingila. Hanyima chindende namumona ili nakwendela hamwe, kaha nauyivwushisa. Talenu? Echi chikiko chinyingi.

¹⁸³ Vamwe vavo ngwavo, “Chamwaza, jino, eyi Mbimbiliya ngwayo Ikiye ali youmwe zau, lelo na hayamyaka.”

¹⁸⁴ Kaha eli liuka ngwalyo, “Mu chishinganyeka chimwe, Ikiye ali youmwe.” Haah-ha! Haah-ha! Enu munahokola chihandwa, haze vene. Talenu? Eyo, mwane. Nduma, mwane. Ikiye youmwe. Eyo, mwane.

¹⁸⁵ “Yesu Kulishitu youmwe zau, lelo, na hayamyaka.” Kakweshi chihandwa muli Ikiye ko, numbako. Ikiye ayoya mu Liuka Lyenyi, kulinga chuma chochimwe. “Chindende kaha,” nge omwo Ngwatanganga hanyima, “chindende hanyima kaha kaye kakeshi Kungumonako chekako, oloze yenu Namukangumona.” Mwomwo, Ikiye ngwenyi, “Nanguya nakupwa nayenu, namuli yenu, na kumakumishilo akaye.” Cheka, Ikiye ngwenyi, “Eyi milimo Nguli nakulinga namukaya nakuyilinga nawa.” Cheka, Ikiye ngwenyi, “Nangukaya nakupwa mu Vinyo. Enu namukaya nakupwa mitango.” Kaha mutango weji kuyoyela ha Chiyoyelo cha mu Vinyo. Kala chosena ocho chili mumu Vinyo cheji kulovokela mu mutango. Upahu! Kahajino, “Kulishitu youmwe zau, lelo, na hayamyaka.” Weji kulovola Chiyoyelo chize cha Mwata Yesu Kulishitu. Amena.

186 Chinyingi; keshi cha kaye (chakuhulishisa). Kala chinyingi cha kaye cheji kuhulishisa. Talenu? Oloze lufwelelo kalwatwama nakuhulishisako. Kalunga eji kusololanga kuli enu *chuma chuma* chimwe nachiya nakusoloka, kala sayatisiti mukaye nahase kutachikiza, “Echi chili chakulimbalaka. Echi kacheshi kuhasa kusolokako.” Enu mwafwelela echi, numba. Talenu? Eyo, mwane. Kalwa hulishisako. Eyi Mbimbiliya ngwayo, “Etu tweji kumbila kuhulishisa.” Enu kamwahulishisa na lufwelelo ko. Lufwelelo kalwatwama na kuhulishisa. Lufwelelo lwatachikiza oho lwatwama. Lufwelelo lweji kuzata. Lufwelelo lweji kukwachilila. Kalwatambukako. Kakweshi chuma numba chimwe chinahase kuchitambukisako. Kangwalizakaminako kala kuhanjika cha *echi, chize, chikwavo*. Chize kachatambukako, numba chindende. Lweji kutwama haze vene, kuvandamina, kuvandamina, kuvandamina, kuvandamina. Kanda kupwa na kala chihandwa ko. Cha twama kaha hazevene.

187 Kalunga amulwekele Nowa vyuma kana naviya nakusoloka. Ikiye afwelelele. Talenu? Kalunga amulwekele Mose vyuma kana vili nakuya nakusoloka. Ikiye afwelelele. Kalunga amulwekele tumbaji vyuma vimwe naviya nakusoloka, “Yenu kandukenu ku Pendekosita na kuvandamina.” Vakiko vatwamine vene kuze. Eyo, mwane. Chosena chakwoloka.

188 Jino, chinyingi, jino, keshi nge chiyingi chakutelemo, oloze chili chinyingi cha Mwilu. Kaha chinyingi cha Mwilu, omwo Kalunga apwa kaselwoke wa chinyingi, kaha Kalunga apwa Lizu, kahajino, kachi enu mukwechi chinyingi cha Mwilu, enu mwafwelela eli Lizu, kaha enu nahulishisa kalachuma chosena ha Lizu.

189 Kaha ou mulonga waliuka uli nawo, mokomoko Ngwapwanga mo. Umwe hali vaze malunga lwola lumwe, mukwivwa chachindende, angulwekele yami. Ngwenyi, Ngwambile ngwami. . . “Vakiko kavawanyine chuma chakuhengako.” Kaha shikaho vakiko vaputukile ku. . .

190 Ngwambile ngwami, “Chamwaza, kahajino, kachi kakweshi chuma chakuhenga, mwomwoika mwahona kufuma hanyima yami?” Talenu? Talenu? Kaha Ngwayile lika kulutwe, kumulweka ikiye ha Visoneka vimwe.

191 Ikiye ngwenyi, umwe wamunene na likanya mulivoko lyenyi, ikiye ngwenyi, “Mukulwane Branham, Yami ngwapwa mukakulinagula Mbimbiliya.”

Ngwambile ngwami, “Ngwawahilila kwivwa ngocho.”

192 Ikiye ngwenyi, “Jino Ngwatondo kutachikiza chifwelelo chika echi, ove weji kulukila mutengo hali awa malesu weji kutumanga, chize chifwelelo chachindende cha kulombela hali aze malesu na kuwatuma, akiko ali ‘mahina akuwawwisa,’

mukiko uli nakuwasanyika, ‘malesu.’” Ikiye ngwenyi, “Kahajino ove weji kuwafwetesa.”

Ngwambile ngwami, “Nduma, mwane. Kaweshi andandoko.”

Kaha ikiye ngwenyi, “Chamwaza, hali echi chifwelelo.”

¹⁹³ Ngwambile ngwami, “Ove uli nakusanyika kupwa chifwelelo, mwane. Ove wangulwekanga minyutu yayindende hanyima aha nge ove wapwa mukakulinangula Mbimbiliya.”

Ikiye ngwenyi, “Ngwapwa.”

¹⁹⁴ Ngwambile ngwami, “Ngutangile Vilinga 19:11.” Chinyingi! Ikiye alilimbile mu kwoloka chakulihaka, esekele kwalumuna mutwe wachihande. Ngwambile ngwami, “Kahajino ngutangile Yowano 5:14.” Kahashile kuchilingako. Ngwambile ngwami, “Kahajino Yakova 5:14.” Ikiye kahashile kuchilingako. Ngwambile ngwami, “Watachikiza Yowano 3:16?” Talenu? Chinyingi, utongwe, kaye! Oloze omwo. . .

¹⁹⁵ Ikiye ngwenyi, “Oloze, Mukulwane Branham, ove uli nakweseka ou mulonga na Mbimbiliya. Etu tuli nakweseka echi na jishimbi ja lifuchi.”

¹⁹⁶ Ngwambile ngwami, “Mwane, kumana jishimbi ja lifuchi kajakundamina ha Mbimbiliyako? Kahajino echi chinapu chiyulo.” Amena! Punduvene.

¹⁹⁷ Chinyingi; keshi cha kayeko. Chinyingi chamushipilitu cha Lizu, kutachikiza nge omwo ahanjikile Kalunga, linga omwo Kalunga nahanjika, chize chakwoloka. Kahajino kachi enu mukwechi chize kaha namuhasa kufwelela vyuma vyosena, nge Ikiye ali youmwe muvyuma vyosena omwo Lizu linahanjika kupwa muchano, enu makenu lizu lyosena na “amena.” Echi chosena chakwoloka. Hakako kulufwelelo lwove. Chize chose chakwoloka. Eyo.

¹⁹⁸ Kachi muthu umwe mweseka kukulweka ove, nge, “Eyi Mbimbiliya yinajimbalisa ngolo jacho. Kakweshi chuma changochoko nge kujimika cha Shipilitu Wajila.” Haa-ha. Kanda kuhaka chizeko. Echi kacheshi kuzachiwako. Echi nachiya nakuholoka. Nge kuhaka unonga halilolwa, kacheshi kuya nakwimanako. Echi nachiya nakulyenyeka.

¹⁹⁹ Kahajino vathu navakulweka ove, “Eyi Mbimbiliya kavatela kuyifwelelako lelo. Enu pwenu vakuvanguluka jino. Kanda muya nakufwelela chizeko. Echi kacheshi kupwa muchanoko.” Enu munevunga echi lwola lwoyosena. Kuanjika chindende, “Ove kwatela kufwelela Mbimbiliyako.” Chamwaza, kachi—kachi enu namutambula chize muvishinganyeka vyenu, enu kamwatela—kamwatela kweseka kuhaka echiko, ’mwomwo echi kacheshi kuzachiwako. Echi kutungiwa chosena nachiya nakuholoka haze vene.

200 Ikiye atela kumutwa kuli Shipilitu Wajila. Ngunatwale nge kumufutula hamwe, uze mwishi kumujika. Kaha chuma chochimwe chize cheji kumujingakanga... Munatachikiza jila...

201 Mupila wakutufula lwola lwosena weji kushimbula kuhambakana chikamba chamwaka. Kuzuma chindende chinahono haze ha chikamba haze halitayela, chuma chatete munatachikiza, mbata ize tayela yizumeko chindende, zangula chindende, kaha nayiya nakuyengunuka. Eyo, mwane. Talenu?

202 Kaha ou ukiko ukalu uli na vathu vavavulu lelo. Vakiko veji kwesekanga kulamika chinyingi chavo ha chinyingi cha kaye, na lingongo lya mwaka lya kaye, kaha, omwo vyeseke naviza, "Chamwaza, pamo Ngwahengesanga." Talenu? Kaha peho nomunyiya, ove unapopoloka muminyutu yayindende. Kutambakana chosena na kutumbuka josena helu nahamavu kacheshi kukulingisa ove kanawako. Ava vathu navakumona ove mujila yoyimwe nge chimbwetengele cheka. Talenu? Echi chakwoloka.

203 Oloze kachi enu namutwama haze vene chikuma nakuzuma cha Shipilitu Wajila, palanga nomu nachikulingisa ove na mupila kupwa chimwe. Mukiko kaha. Ove na mupila namwiza nakupwa umwe. Nge namuya nakutwama haze palanga ove na jishiko josena ja Kalunga najiza nakupwa umwe, kahajino haka echi ku lufwelelo lwove. Kachi ove kaute, kanda kuhakako echi ko.

Enu namuhanjika, "Eli Lizu kavatela kulifwelelako." Kanda kuhaka chize kuli echiko.

204 Enu namuhanjika, "Eji jishiko hano, ja lujimiko lwa Shipilitu Wajila, lwapwileko kaha lwa tupositolu likumi navavali," nge mauka amwe alinakuhanjika lelo, kanda kweseka kahaka chizeko. Haze hakiko hali chikuku chavo, vyosena vyakulyenyeka kaha. Talenu? Nge omu apwile Ujiya, ufuku unahichi, omwo amwene chikuku chauze muthu afwelelele, chosena chinalyenyeka lyehi, kumuveta na mbumba, echi kachapwile chamwazako. Jino, "Halivaze kaha tupositolu va likumi navavali, tupositolu likumi navavali."

205 Ngwapwile kuze kuli Ndumbu walunga Wright... Ngwashingtonyeka vakiko vali kunyima kumwe kuze. Ufuku umwe, kwapwile mukakuzata kuze, Ngwapwile nakuhanjika, vakakunagula vawana mokomoko vatanu hamwe. Ou mukakunagula akatukile na kuhanjika ngwenyi, "Jino, Ngwatondo kumilweka enu vathu chuma chimwe. Mamalelo, Ngwashingtonyeka enu movathu vambwende."

206 Ngwambile ngwami, Ngwalwekanga muthuumwe, Ngwambile ngwami, "Echi chili—echi chili kutwama chimwe hano vene. Tala."

207 Shikaho, Junior Jackson, kunyima kuze, akumishikile kuhanjika. Kaha ikiye ngwenyi. . . apwile nakunangula ha likoiji lya Kalunga. Mamalelo, yami!

208 Ikiye apwile nakuwema, kuvandamina. Ikiye ayile kuze kaha ikiye apwile nakweseka kwivwushisa. “Jino, Ngwatondo kuhanjika echi Mukulwane Branham hano, Nangumilweka, ali mukakole wakulishitu.” Kaha ikiye aputukile vene ngachize, ufuku wosena.

209 Vamwe vakakunangula vaputukile. . . Ngwambile ngwami, “Vandamina muyutu. Jino, kanda kuhanjika chuma chimweko, vandumbu vamaunga. Kuli kaha umwe wavo na mukuta wetu.” Ngwambile ngwami, “Mwechenu uka wenyi jino. Ikiye ambachile yami.” Ngwachitondo echi, yami lyavene, shikaho chachipi, Ngunahono kutachikiza mwakulingila. Talenu?

210 Shikaho, ikiye ngwenyi, “Mukulwane Branham apwa mukakole wakulishitu,” kaha ikiye atwalileho kuhanjika vyuma vyosena munatachikiza, havize. Ikiye ngwenyi, “Ikiye ahanjikile haze, ‘Lujimiko lwa Shipilitu Wajila.’” Ngwenyi, “Eyi Mbimbiliya ngwayo kuli kaha likumi navavali vatambwile lujimiko lwa Shipilitu Wajila.” Kuhanjika hali kuka Chaukalunga, “Vamwe kaha tupositololo likumi navavali vapwile na kuka Chaukalunga.” Ikiye ngwenyi, “Etu tweji kuhanjika haze Mbimbiliya yeji kuhanjikanga, kaha kuhola haze Mbimbiliya ya hola.” Ngwavandaminyine palanga ikiye akumishile kutatwoka hali chimbwa chaola.

211 Ngwambile ngwami, “Vandamina munyutu kaha. Ngwasonekele vyavivulu hano,” Ngwambile ngwami, “nguhaneko lihanya ngukumbulule vimwe.” Kaha omwo Ngwakatukile, Ngwambile ngwami, “Ou mukulwane, ikiye ngwenyi ikiye ‘eji kuhanjika haze Mbimbiliya yeji kuhanjikanga,’ na liuka lyenyi nawa, ‘kaha kuhola haze Echi cheji kuholanga.’ Enu munapu vosena vinjikizo. ‘Eyo.’” Ngwambile ngwami, “Jino, ikiye ngwenyi ‘Kuli kaha likumi navavali vatambwile Shipilitu Wajila.’ Mbimbiliya Yami ngwayo kwapwile handulendi na twende, valivangile.” Amena! Mbila chize chinyingi kana, munamono, chize ikiye esekelenga.

212 Ngwambile ngwami, “Kahajino Ngwashingtonyeka Paulu katambwile Shipilitu Wajila omwo ikiye ahanjikile nge alingile.” Talenu?

213 Ngwambile ngwami, “Kushikumuka mu. . . Omwo Fwilipu ayile na kushikumuka na kunangula ku Samaliya. Vakiko vapwile vakujimika mu Lijina lya Yesu. Kaha, Shipilitu Wajila tekanda ezenga hali vakiko. Kaha vakiko vatumine na kusaka Petulu na Yowano, vezanga na kunangika mavoko avo, kaha Shipilitu Wajila ezenga hali vakiko. Ngwashingtonyeka vaze kaha va likumi navavali?”

214 Ngwambile ngwami, “Mu Vilinga 10:49, omwo Petulu apwilenga ha zuvo yahelu, kaha amwene chimweno vakiko vali nakuya kuli Kolenelu’ Shimbu Petulu apwile nakuhanjika mazu, uze Shipilitu Wajila aholokele hali vakiko vaze vevwile Lizu.” Ngwambile ngwami, “Eyi Mbimbiliya hanga chinyi hanjika. Nyi liuka lyove lilikulihi?” Lili kuyima muze mukujinuoka. Echi chakwoloka. Talenu?

215 Ngwambile ngwami, “Kuka chaukalunga, ove ngwove, ‘Kuvangila vaze tupositolo likumi navavali kaha vapwile na kuka Chaukalunga.’ Eyi Mbimbiliya yahanjika nge Sitefwani ayile nakushikumuka ku Samaliya na kutapula va ndemone na kuka vakakuviza, kaha kuze kwapwile kuwahilila chachinene mu mbongi. Kaha ikiye kapwile umwe hali vaze likumi navavali ko. Ikiye kapwile kapositolo ko. Ikiye apwile mukakuzata muliuka.” Amena. Amena.

216 Ngwambile ngwami, “Kaha Paulu kapwile umwe wa vaze likumi navavali vapwile ha kapete kahelu, kaha ikiye apwile na wana wakuka.”

217 Ngwambile ngwami, “Tala kaha hamawana a kuka! Kaha imana hazevene, hanyima yakuhita myaka seti, ikiye apwile hanga mu Kolinde, kutongola wana wakuka mumu Mujimba wa Kulishitu.” Mamalelo, yami!

218 Jino, muyachi kana wa chinyingi uze enu mwalinangwile mumikanda yimwe, enu mwatela kumbila chize mu ngungulu. Twaya kuli echi chinyingi. Omwo Kalunga ahanjikile ngwenyi, “Ikiye apwa youmwe zau, lelo, na hayamyaka,” hanjika, “Amena.” Eyo, mwane. Eyo, mwane. Keshi likumi navavali ko; yapwile yavosena. Omwo enu namumbata uze muyachi kana wa—wa lufwelelo, omwo lufwelelo lwenu nalumaka echi, kala kachuma, na “amena,” kahajino enu ngwenu, “Chosena chakwoloka,” haka echi kuli chize.

219 Chamuchiwana. Etu twatela kuzangula, mwomwo Nguli kaha... Echi chili kaha chamwaza kwimana hano nakuhanjika hali echi. Amena. [Va ndumbu vamaunga ngwavo, “Etu tuli nakusuwuluka nacho.”—Muka.] Yaa. Chamuchiwana... Ngwamisakwilila.

220 Hakaho “kuliyula mumuchima.” Mamalelo, yami! Etu tuneza ku kuliyula mumuchima. Jino, enu mwapwile na lufwelelo, chatete; pwenu na chize, kukuputuka. Kaha enu hakenu kulufwelelo lwenu ngolo, kachi jili ngolo ja kwoloka. Kahajino enu hakaho chiyingi, kachi echi chinapu muyachi wachinyingi wakwoloka. Jino ove muya nakuhakilaho kuliyula mumuchima.

221 Kuliyula mumuchima kachalumbunukile, “echa kunwa wala,” hano, chipwe. Nduma, nduma. Kuliyula mumuchima kachalumbunukile kuka cha wala, keshi muli ou ukaluko. Echi kuliyula cha mu Mbimbiliya, kuliyula mumuchima cha Shipilitu

Wajila. Echi chinapu lwiso lumwe lwa mumujimba, oloze etu tuli nakuhanjika hali kuliyula mumuchima chamu Shipilitu Wajila. Echi chalumbunuka, omwo mwakuyulila lilimi, keshi kupwa wakuanjika chikumako; omwo mwakuyulila matoto, keshi kutuka helu lwola lwoyena muthu mwahanjika kala chuma kuli ove. Mamalelo, yami!

222 Kanyike walunga, etu vavavulu kuya nakuholoka shimbu kanda nakuputuka, keshi ngochoko? Talenu? Kahajino etu tweji kulikomokela mwomwoika Kalunga keshi Muliuka Lyenyi, kulinga vikomwesa na vyuma vize vakiko vapwile nakulinga. Eyo, mwane. Talenu?

223 Haka vyuma kana. Haka kuliyula mumuchima kuli echi. Mamalelo, kuliyula mumuchima, omwo naukumbulula mulikoji omwo utenu nauhanjika kuli ove. Muthuumwe ngwenyi, “Enu mukuta wa vakakujila vakulyalanga kuze!” Kanda kutumbuka na kuvunga mavoko avikovele jino. Talenu? Keshi ngochoko. Oloze hanjika na zangi yamuundumbu, kuliyula mumuchima, na likoji. Eyi ikiko jila enu munatondo kupwa? Omwo enu navakamifumbukila, kanda kafumbukilako. Echa Ikiye apwenga wakutalilaho.

224 Omwo vakiko ngwavo, “Kachi Enu munapu Vana va Kalunga, alumunenu malolwa kupwa mbolo,” Ikiye kachi ahashile kuchilinga, kaha solola Ikiye apwile Kalunga. Oloze Ikiye apwile na kuliyula mumuchima. Omwo vakiko vamusnyikile Ikiye kupwa, “Mbulezembule,” Ikiye ngwenyi, “Nanguya nakumikonekela hali chize.” Echi chakwoloka? Vakiko vavwunyine livoko too lyavwevu kufuma kumeso Eyi, kaha kumufwijila kumeso Eyi, kaha ngwavo, “Twaya suluka hakulusu!”

225 Ikiye ngwenyi, “Tata, vakonekele. Vakiko kavatachikijileko evi vali nakulinga.”

226 Omwo, Ikiye apwile nawana, Ikiye atachikijile vyuma vyosena, mwomwo muli Ikiye mwapwilenga kuzalilila cha mujimba wa mutwe wa Kalunga. Vakiko vamumwene Ikiye kuzata vikomwesa, ha kulweka vathu vika vyahengele na vakiko, kaha na vya kufwana ngachize. Vakiko vahakile lilambu nakujinguluka mutwe Wenyi nge ngana, kujinguluka kumeso Eyi, kaha kumuveta mumutwe Wenyi na chitondo, kaha ngwavo, “Polofweta, tulweke hiya nakuvete Ove. Etu natuya nakukufwelela Ove.” Talenu? Ikiye apwile nakuliyula mumuchima.

227 Jino, kachi ove ukwechi echi ngachize, hakako kulufwelelo lwove. Kachi ove uchili na kutotoka na kusangumuka, na kusangumuka, na hikukinduka, nakutwalilaho, haa-ha, enu kamweshi na...Enu kamwatela kuhaka echi, 'mwomwo kacheshi kulinungako. Talenu? Echi kacheshi kuliwanako. Enu kamweshi kumbata chihanda chandundu, munatachikiza, na

kununga kuli chihanda cha chikungo. Echi kacheshi kuhasa kuzachiwako. Nduma, echi chatela kupwa chachivwovwu, nge omwo yapwa ndundu. Talenu? Kaha omwo enu lufwelelo lwenu na kuliyula mumuchima chenu nachiza nakupwa chuma chochimwe nge kuliyula mumuchima cha Shipilitu Wajila chize Ikiye apwile nacho, kahajino nachiya nakulinunga hamwe na Ikiye. Ove uli wakuhaka kuli echi.

Omwo ngolo jove jili nge ngolo Jenyi, kahajino najiya nakulinunga.

²²⁸ Omwo chinyingi chove nachipwa nge chinyingi Chenyi, “Ngwejile nakulinga mwaya muchima Wove, Ove Kalunga.” Talenu? Na Lizu Iya Tata, Ikiye ahashile liyavolo wosena. Melu na mavu navikaya nakuhita, oloze eli Lizu kalyeshi kahasako. Talenu? Omwo enu namupwa namuyachi wa chinyingi kana, nachiya nakulinunga na lufwelelo lwenu.

²²⁹ Omwo enu namupwa na kuliyula mumuchima, nge Ikiye apwile nacho, nachiya nakulinunga. Kachi enu kamweshi nachoko, shina chimbwa chakutunga kuli muthu, chakufupwila na kuzeneka kufwelela, mokomoko kuliyula mumuchima, “Mamalelo, Ngwatela kumuveta, oloze—oloze pamo Kangwatela ngochoko, ’mwomwo vakiko vanahase kuhaka lijina Iyami mulipepa hali echi.” Echi keshi chikiko muyachi wa kuliyula mumuchima Ikiye ali nakuhanjikako. Kanda kweseka kuhaka echiko. Echi kacheshi kuzachiwako. Oloze omwo enu nge munahase, na kuyema kufuma mumuchima yenu, konekela muthu wosena, unda undutu, echa echi chiyenga, talenu, kahajino nachiya nakulinunga. Enu munhase kuhakako kulufwelelo lwenu. Hee!

²³⁰ Chipwethuhu liuka Iyalih. Echi keshi chakwolokako? Shikangaho. Nanguya nakuhanjika, “Pihililenu na kwalumuka pweni vakujimika, eyi Mbimbiliya ngwayo, mu Lijina Iya Yesu Kulishitu.” Kaha uze mukakufwelela Tulunga vatatu kanda kufwelela echi, ngwenyi, “Uze mukakole wakulishitu wamwaka. Ikiye ali Lijina Yesu. Ikiye ali Yesu Kaha.” Tala kanawa, kanyike walunga, Ngunahono kutachikiza ha kuliyula mumuchima hano vene. Talenu? Mwomwoika unahono kwiza, kuhanjika, “Echa twizenga hamwe nakulivwasane, Ndumbu walunga Branham. Nguli nakutonda kwivwa Echi vanachilumbununa?” Talenu? Kahajino twayenu na kwivwulila kuli Echi. Kaha jino Echi kuchihaka kumeso enu, kaha jino enu namutambuka nakuya; etu natuya—etu natuya nakumbata evi muminyutu yayindende, mu “komokakalunga,” talenu. Oloze omwo enu—omwo enu namutuka nakuya, kutonda kutumbuka ha kukukulula, haa-ha, echi—echi kacheshiko. Talenu? Enu kamweshi na kuliyula mumuchima cha Mbimbiliya oloze omwo enu namulinga chize; omwo mwatela kukumbulula. Kahajino kachi enu mukwechi vyosena evi, enu munahase kuhaka echi ku lufwelelo lwenu.

231 Kahajino, hanyima yachize, chamuchiwana, enu mwatondo kuhaka kuunda cha lufwelelo lwove. Kachi enu muli nalufwelelo, “naluzata kukakachila,” eyi Mbimbiliya ngwayo. Talenu? Shikaho, *echi* chikiko kukakachila. Jino, echi chikiko chuma nachishisaho kuya nakutunga chiwvuvwu. Munatachikiza, Kalunga akwechi vizachiso vivene Mukutunga Chenyi.

232 Talenu omwo twahiha, ndumbu walunga, ndumbu wapwevo? Talenu? Talenu mwomwoika, etu tuli hali? Eyo, mwane. Talenu? Etu tuli na upahu, tuli na kutambakana na vyuma, mwomwo etu tuli na lufwelelo. Oloze omwo etu natwiza nakushikumuka kuli evi vyuma *hano*, Kalunga keshi kuhasa kututunga mu echi chivwuvwu. Talenu? Ikiye keshi kuhasako. Ikiye keshi kuhasa kutulingisa etu kupwa na kumuyachi wa chihela kanako. Etu tukwechi vyuma vyosena evi. Etu twaholoka, kusenunuka na echi. Talenu? Ikiye keshi kuhasa kutunga Liuka Lyenyi.

233 Kukakachila na chuma muka? Kukakachila chamuyachi muka? Chuma chatete, pwako na kukakachila na Kalunga. Kachi enu mukwechi umwenemwene, lufwelelo lwamwenemwene, enu namuya nakupwa na kukakachila chamwenemwene chivene, mwomwo lufwelelo lweji kuzata kukakachila. Omwo Kalunga mwahanjika kalachuma, enu fwelelenu echi. Mukiko kaha. Enu mukwechi kukakachila.

234 Hanjika, “Chamwaza, Ngwahulile Ikiye ufuku unahichi nge anguhindule, kaha Yami nguli kaha wakuviza chimene chino.” Mamalelo, yami! Kukakachila muka?

235 Kalunga amulwekele Apalahama, kaha mwahichile myaka twende faifi kakwapwile numba chinjikizo chimwe ko. Ikiye apwile hanga afwelela. Ikiye apwile wakuunda na Kalunga. Huu-huu.

236 Muhake Ikiye lwola lwosena kumeso ove. Echa Ikiye apwenga chakushisaho chuma chakuhita. Enu kamweshi kumuhita Ikiye ko, shikaho mulamenu Ikiye kumeso enu. “Ikiye ahanjikile shikaho, kaha echi nachiya nakusoloka.” Talenu? Mulame Ikiye kumeso enu. Echi chakwoloka.

237 Nowa apwile nakukakachila. Yaa. Nowa apwile vene, kukachila chaukalunga. Kalunga ahanjikile, “Nanguya na kwenyeka aka kaye na vula,” kaha Nowa anangwile ha myaka handulendi na twende, ohonyi. Kukakachila chakulisala. Kakwapwile numba lyume kuholoka kufuma Mwilu. Kakwapwile nachuma chimwe. Lukungu kaha nge omwo chapwilenga, ha myaka handulendi na twende, oloze ikiye apwile wakuunda.

Kahajino, Kalunga kweseka kukakachila chove. Echi chakwoloka. Kalunga eji kuvesekanga.

238 Hanyima Ikiye amulwekele Nowa, jino Ikiye ngwenyi, “Nowa, Ngwatondo enu muyenga kulutwe na kwingila muwato. Nguli nakuya kushichijikilamo tunyama, kaha Ngwa—Ngwatondo ove wingile mo. Nyina handalo, jino, mangana utale, helu lya janena. Jino, Ngwatondo ove uyenga muze. Ngwatondo ove kulweka ava vathu, ‘Hamene, vize Ngwapwile nakunangula mummyaka handulendi na twende, vili nakuya nakusoloka.’ Chosena chakwoloka, yako mwishi nakuvalweka.”

239 Chinjikizo muka chapwile chatete? Nowa kwingila muwato. Oho vula yauchi. Nowa alizangile, kaha ambachile chashi chavulu nakuvwala, kaha vyuma vyosena, mangana atale, kamwe na kamwe. Alizangile. Oloze likumbi lyashishilemo. . .

240 Ngwafwelela pamo ikiye alwekele chisaka chenyi, na vana nayewenu jenyi na vosena, ngwenyi, “Mamaah, yami! Hamene enu muli nakuya nakumona chuma chimwe enu kanda lyehi mumone. Mwomwo, muutangatanga wosena, muli nakuya nakupwa wi. Kaha mikalateta na miveso vili nakuya nakusoloka. Kalunga poko yenyi yamukwale yauvele kuvali yinakuya nakuhita muutangatanga. Ikiye ali nakuya nakupaisa eli lizavu lya vakashili ava vanakane, ha myka handulendi na twende. Enu vandaminenu mutale.” Talenu?

241 Vamwe vase vapwa vakakufwelela vachimbwa, munatachikiza, vase vali kwakamwihi oloze kavezako, munatachikiza. Enu—enu hanga muli navo, munatachikiza. Shikaho vakiko—vakiko vejile, ngwavo, “Chamwaza, uze kashinakaji nahase kupwa wakwoloka, shikaho natukanduka nakuya nakuvandamina makumbi amandende, mokomoko vandaminenu maola amandende muchimene, kaha talenu.”

242 Likumbi likwavo, kachi kupwenga mavwi wi, kwejile jino musana kututuka nge omwo chapwa makumbi osena. Nowa atalile kuweleuka. Ngwenyi, “Hee, kakweshi mavweko.”

243 Uze mukweze ejile, ngwenyi, “Ha, Ngunatachikiza ove wapwanga umwe wavo. Munamono, ove wapwanga nakuchakajala kuno.”

244 “Chamwaza, hilukilaho cheka, mwane. Haa-haa. Pamo Nguli—Nguli—Nguli kaha, munatachikiza, kupwa kaha naushona, munatachikiza. Muyachi wa, talenu. Haa-haa-haa.”

245 Oloze, Nowa, ikiye apwile nakukakachila. Ngwenyi, “Kachi kayejile leleko, nayiza hamene.” Mwomwoika? Kalunga nahanjika ngocho.

“Lwola muka Ikiye akulwekele ngocho, Nowa?”

246 “Mwahichi myaka handulendi na twende. Ngunafumu kwakusuku nechi, shikaho Nguli kaha nakuvandamina hano jino.” Talenu echi? Hanyima chindende. . .

247 Etu tunawane, Kalunga ejile kwakusuku, kuvandamina Liuka, nawa, oloze Echi nachiya nakupwa kuze. Kanda enu kulizakaminako. Ikiye ashikile Echi.

248 Avandaminyine lwola lwosena kuvandamina kusanguka. Kuli nakupwa umwe. Kanda kulizakaminako. Kalunga ashikile echi. Kuvandamina kaha mukuunda. Enu namuholokela mutulo, echi kacheshi. . . Enu munahase kupwa na kunongoka chindende shimbu kanda echi chisoloke, oloze enu tonenu aha lwola kana. Ikiye ashikile echi, munamono. Kunongoka kaha, talenu, chize tweji kuvulukanga ngwetu kunongoka chakufwa, munatachiza. Chize etu tweji kuvulukanga ngwetu kufwa, kunongoka chindende, mokomoko kusavala muli Kulishitu. Kakweshi vyuma kana nge kufwa muli Kulishitu. Chiyoyelo na kufwa kavya twama hamweko. Talenu? Etu tuli kaha nakunongoka chindende, kunongoka chize masepa kaveshi kuhasa kutufumisamo. Ikiye ali Umwe kaha nahase kutufumisamo. “Ikiye mwaya nakusanyika, kaha Natuya nakumukumbulula Ikiye,” ngwenyi Yopa. Yopa napunga nakusavala jino hamwaka fwo handulendi. Kanda kulizakamina. Ikiye mwaya—ikiye mwaya nakuhinduka. Kanda kulizakaminako. Ikiye hanga ali nakuvandamina.

249 Nowa avandaminyine. Na likumbi lya muchiwana linahichi. Vula yauchi. Echi chosena chakwoloka. Echi nachiya nakusoloka.

250 Nguli nakwivwa Pwevo lya Nowa kwiza na kuhanjika, “Tata, mukiko vene- . . . ?”

“Kanda kuhanjika ngachizeko.”

251 Ikiye apwile na kukakachila, ’mwomwo ikiye apwile nalufwelelo. Eyo, mwane. Ikiye apwile na ngolo. Ikiye apwile na chinyingi nge Kalunga apwile wakwoloka. Ikiye apwile na kuliyula mumuchima. Ikiye kazeyele, nakuhanjika, “Chamwaza, Ngunahono kutachikiza omwo mwose chili. Ngunajimbalisa puho yami yosena muze.” Nduma, nduma. “Vathu kavanguzakamina yami chekako. Nanguya muze na nakuputuka cheka, mwamuhya cheka.” Nduma, nduma. Ikiye apwile na kukakachila. Kalunga ashikile. Kalunga mwaya nakuchilinga. Kalunga mwaya nakuchilinga, ’mwomwo Kalunga ahanjikile ngocho.

252 Kaha Nguli nakumona mwanenyi walunga kwiza, ngwenyi, “Tata, munatachikiza. . .” Kuveta livoko lyenyi hajikambu jenyi jajisuku, unatachikiza. Kaha ikiye apwile na myaka handulendi yakusemuka, munatachikiza, kutwama kuze. Ngwenyi, “Ngunatachikiza ove kakuluka wamwaka. Ngwa—Ngwakuzanga, tata. Oloze chinahase kupwa nge pamo unahenge mumwe?”

“Mamalelo, nduma. Nduma.”

“Mwomwoika?”

“Kalunga ahajikile ngocho!”

²⁵³ “Chamwaza, tata, eli linapu likumbi lya muchitanu nalimwe eli etu tunatwame muno. Kutwama muno muli waunene, wamwaka, wato waumu unatwame hano vene. Kaha uli wosena wakujika, mukachi nakuweluka. Kaha etu tunapunga myka yosena kutungila haukiko. Kaha enu imanenu nakunangula, palanga nomu namwalumuka ngengu mokomoko na lyaja. Kaha hano enu muli jino, kweseka kuhanjika *munganji makananga* chuma chimwe. Kaha ava vathu vali nakuseha, na kumbila machamacha akupola na vyuma vyakulimbalaka na chihanda kana. Tala muze enu namuya nakulinga. Mwomwoika, munatachikiza . . .”

“Pwenu vakukakachila, mwana walunga.”

“Mukiko vene?”

“Naiya nakunoka!”

Vanayewenu ngwavo, “Tata, munatachikiza . . .”

“Naiya nakunoka!”

²⁵⁴ “Oloze etu tunapunga myaka yosena eyi, kuvandamina. Etu tunapunga nakuliwahisa. Kaha vyosena watulwekele etu nge nakuya nakunoka vula, mulungu hanyima aha. Kaha etu tuli hano, kaha vikolo vyosena vili vyakusoka, kaha hano etu tuli nakutambuka nakujinguluka hano, kaha musana uli nakwenyenya nge omu weji kulinganga.”

“Oloze naiya nakunoka!”

“Unatachikiza ngachilihi?”

“Kalunga ahanjikile ngocho!”

²⁵⁵ Jino omwo enu namupwa mujila kana, chihakeko echi. Oloze kachi enu kamweshi nachoko echi mujila kana, kanda—kanda kweseka kuchihakako. Echi kacheshi kuzachiwako. Echi kacheshi kuzachiwa ha kukako. Echi kacheshi kuzachiwa hala chumako. Talenu? Echi chatela kutambukila hamwe na vyakuzachisa vimwe vize navilinunga. Echi chakwoloka. Yako uchihakeko. Kukakachila na lushiko lwa Kalunga. Eyo, mwane. Nowa achifwelelele. Kaha ikiye apwile nakukakachila na Kalunga, mumyaka handulendi na twende.

²⁵⁶ Mose, ikiye apwile na kukakachila na Kalunga. Eyo, mwane. “Mose, Ngunevu miteto ya vathu Jami. Ngunamono kuyanda chavo. Ngunashikumuka nakwiza nakuvasokola vakiko. Nguli nakukutuma ove uyengako.”

²⁵⁷ Kaha kaze kakandende kakulimbalaka mukachi ka Kalunga na ikiye, Kaha Kalunga amusolwesele upahu Wenyi. Ngwenyi, “Hano jino Nanguya.” Omwo ikiye amwene uze upahu wa Kalunga, munamono, ikiye apwile na lufwelelo.

Ngwenyi, “Chuma muka chili mulivoko lyove, Mose?”

Ikiye ngwenyi, “Mutondo.”

Ikiye ngwenyi, “Umbile hamavu.”

Walumukile kupwa linoka. Ikiye ngwenyi, “Mamaah, yami!”
Ikiye aputukile. . .

258 Ngwenyi, “Umbate, Mose. Kachi Ngunahase kwalumuna ou kupwa linoka, Nguhase kuwalumuna cheka.”

259 Haa! Amena! Kachi Kalunga nahase kunguhana chiyoyelo chamumujimba, Ikiye nahase kunguhana Chiyoyelo cha mushipilitu! Kachi Kalunga nahase kunguhana kusemuka chatete, Ikiye nahase kunguhana Kusemuka chamuchivali! Amena! Kachi Kalunga nahase kuka *echi*, ha kuka Chaukalunga, Ikiye nahase kuchisangula cheka chaupahu Wenyi, mulikumbi lya makumishilo. Echi chakwoloka.

260 “Ngunahase kumbila ou mutondo na kwalumuna na kupwa linoka. Ngunahase kuwalumuna kupwa mutondo. Mumbachile kumukila.”

261 Mose olwele na kuumbata. Kuze mukiko chapwile, mutondo. Ikiye aputukile kuhaka chinyingi kuze. Talenu?

“Ukalu uli halihi na livoko lyove, jino, Mose?”

“Chauchi.”

“Lihake mutulo yove.”

262 “Chosena chakwoloka. Ngachilihi echi. . .” Litoma to na mbumba. “Ove Mwata, tala livoko lyami!”

“Lihake cheka mutulo yove, Mose.”

263 Ikiye alihakilemo cheka nge *ngana*, lyalumukile kupwa nge. . . Ikiye aputukile kuhakako nge *ngana*, kahajino, talenu. Eyo, mwane.

264 Ikiye achitambwile haze vene. Kaha chuma chatete chakulimbalaka. . . Ikiye atambwile hazevene. Lovokamo muze na kuhanjika, “Ou Mwata Kalunga ngwenyi, ‘Echa vathu Jami vayenga.’ Fwalo, Ngwatondo ove utachikize echi. Nguneza nge wakwimanyinako Kalunga. Ove watela kungwononoka yami.”

265 Fwalo ngwenyi, “Kwononoka? Ove wangutachikiza yami Ngwapa nguhiya? Yami Fwalo. Kukwononoka ove, ove ndungo?”

266 Ngwenyi, “Ove uyenga nakwononoka yami, mokomoko munonga. Ove muya nakulinga chuma chimwe echi ove unatondo.” Mwomwoika? Ikiye atachikijile ovyo apwile nakuhanjikaho. Ikiye apwile nakutuma. Ikiye apwile kuze. Ikiye ahanjikile na Kalunga. Ikiye apwile nalufwelelo. Ikiye atachikijile oho ikiye apwilenga.

“Ove unatondo ami kukwononoka ove? Fuma na hano!”

“Nanguya nakukulweka ove.”

“Ngulweke yami chinjikizo.”

Ikiye ambilile uze mutondo hamavu; walumukile kupwa linoka.

²⁶⁷ “Mwomwoika,” ikiye ngwenyi, “echi chinapu chisava chachindende! Twaya kuno mu munyutu kaha. Twaya hano, Yane, ove Yambele, mbilenu mitondo yenu hamavu.” Vakiko vayimbilile hamavu, kaha yikiko yalumukile kupwa linoka.

²⁶⁸ Ngwenyi, “Jino, enu vyuma vya mokomoko, twaya kuno kuli yami, ka Ejipitu, fwalo wa Ejipitu. Kaha enu namwiza kuno visava vyenu vya mokomoko, vyuma vimwe vyenu vyaumbanda,” munatachikiza, kutanga vishinganyeka. Munatachikiza omwo Ngwatwale. Ngunashinganyeka enu muli nakutanga hali echi. “Kushinganyekela mokomoko chumachimwe, munamono, yaah, twaya kuno na vize vimwe.” Ngwenyi, “Chamwaza, etu tunahase kulinga vyuma vyovimwe muli nakulinga.”

²⁶⁹ Mose ikiye hiya? Ikiye kambile ngwenyi, “Mamalelo, Mukulwane Fwalo, Ngu—Ngukonekeleko, mwane. Nanguya nakupwa ndungo yove.” Nduma, mwane.

²⁷⁰ Ikiye hanga emanyinyine. Amena. Kwimana vene haze. Kalunga ngwenyi, nge nauhona kukakasana mumuchima wove, “Unda kaha. Nanguya nakukulweka chumachimwe.” Omwo enu namulinga vene muze Ikiye ahanjikile ngwenyi linga, kusoloka nge chayile mukuhenga; imana kaha, pwako wakukakachila.

²⁷¹ Mose ngwenyi, “Munatachikiza, omwo Ngwalilile halichize chikuku, haze hapwile hakwala kukakachila chapwileho, shikaho Nanguya nakuvandamina na kumona chuma muka Kalunga mwaya nakulinga.”

²⁷² Kuze kukiko kwapwile uze linoka wamwaka, kukalava nakujinguluka, nakufutumwina, nakufwijila hali umwe namukwavo. Chuma chatete munatachikiza, linoka lya Mose ayile, “Kukawila, kukawila, kukawila,” kaha kawile vosena. Ikiye apwile nakukakachila.

Vaze veji kuvandaminanga hali Mwata,
navakatungulula ngolo javo,
Vakiko navakajindama na mamavava nge a
ngonga.

Echi cha kwoloka? Talenu? Eyo.

Vakiko navakaya nakulaha kaha kaveshi
kazeyako, navakatambuka kaha kaveshi
kalezumukako.

Talenu, vandamina kaha hali Mwata. Pwako na kukakachila. Talenu? Eyo, mwane.

²⁷³ Kahajino Isalele vayile nakumumbata. Chize chimbalanganyi chachinene chejile, kaha Mose avandaminyine.

274 Kahajino ikiye achiwanyine mupambo. Echi chapwile kaha pamo ungeji wa makumbi seli- mokomoko fwo. Wapwile wa tunda ya fwote milosi kufuma haze ikiye azaukile, haze vene vakiko vazaukile. Oloze Mose, muze mupambo, avandaminyine mumyaka fwote. Kukakachila. Amena. Echi chakwoloka. Ikiye avandaminyine mumyaka fwote. Mamalelo! Eyo, mwane.

275 Kaha etu twatela kupwa na kukakachila kuli umwe namukwavo, nawa. Talenu? Lwola lumwe. . .Etu twapwile— etu twapwile nakuzeneka kukakachila hali umwe namukwavo. Etu twashinganyeka twatela kupwa nge Mose. Mose apwile nakukakachila na vathu. Tala, echi chikiko chavalingishile vakiko kuhona kuya nakuzauka. Talenu? Kachi enu namweseka kulinga chuma chimwe. . .

276 Nge, Nguneseka kumbata ou Mujimbu kuutwala ku mbalaka, kumona nge kala membala wa mbalaka mweza kuli *Echi*. Echi chapwile chachikalu kulinga. Nguneseka kupwa nakukakachila; uno ukiko myaka seti seli. Talenu? Kupw na kukakachila. Mapwevo hanga chivateula jikambu javo, hanga mwomumwe. Oloze pwako kaha nakukakachila. Talenu? Pwako kaha nakukakachila. Vandamina. Pwako nech. Kachi ove muhona kupwa nacho, kanda kweseka kutunga echi *hano* ko. Pwako nakukakachila.

277 Na halwola lumwe, omwo vaze lizavu lya vathu vaze kakufumbukila vapwile nakuhona kukakachila, vakiko vamulingishile Mose kulinga chumachimwe chapwile chakuhenga. Oloze, ohonyi, omwo kwejile lwola lwakulisolola, Kalunga avijile ha vilinga vyavo. Ikiye ngwenyi, “Lihandunune ove lyavene, Mose. Nanguya nakujih lizavu lyosena lya vakiko, kaha nakuputuka mwamuhya.”

278 Ikiye alimbilile livene muusekulula, na kuhanjika, “Kalunga, Kanda kuchilingako.” Ika? Kukakachila na vathu vaze vamufumbukilile ikiye.

279 Ngunalikomokela kachi etu natulinga ngachize? Kachi katweshi kuhasako, kanda kweseka kutunga hali *echi*, ’mwomwo echi—echi kachalumukako, munatachikiza. Omu mukiko jila uze watete alinungile muli *echi*, kaha yikiko jila muthu wosena muli vakiko atela kupwa wakunungiwa. Kachi enu namuhona, enu kamweshi kuhasa kwiza muchivwuvwu chachihela chautwamo wa Kalunga wakuyoya, kachi enu kamweshi na kukakachilako, kukakachila, kuli umwe namukwavo. Chosena chakwoloka.

280 Vaze vana va Hepelewu vapwile nakukakachila. Pundu, vakiko vapwile nacho. Kalunga avashikile vakiko, kuvalweka vakiko, “Kanda kafukamina kala chifwanyisa.” Oloze vakiko vapwile na kukakachila. Ngwenyi, “Kalunga Ketu nahase. Oloze, chipwe ngocho, etu katweshi kuya nakufukamina chifwanyisa chenuko.” Kukakachila, kutachikiza echi,

nge Kalunga mwaya nakusangula ikiye mumakumbi akumakumishilo cheka.

281 Echi chiyoyelo kachalumbunuka chikumako, hanyima ya vyosena. Talenu? Kalunga mwaya nakukatula echi helu cheka mumakumbi akumakumishilo. Oloze nge kwiza nakufukamina chifwanyisa, etu katwachilingako. Jino, etu natuya nakuna Kesale vya Kesale, oloze, nge Kesale kwiza nakutangika Kalunga, Kalunga atela kupwa watete.

282 “Kalunga ngwenyi, ‘Kanda kafukamina chize chifwanyisa.’ Kaha Kangweshi kuchilingako. Kalunga Ketu nahase kutosokola. Kachi Ikiye keshi kuchilingako, Kangweshi kuya na kufukamina echi chifwanyisako.”

Ngwenyi, “Chosena chakwoloka, yenu mulize lilungu.”

283 “Chamwaza,” ikiye ngwenyi, “mamalelo, Ngwashingtonyeka, vyuma vyosena vinazachiwa oloze kavanonokeleko.” Oloze kachazachiwileko. Hanga vanakakachila.

284 Chimene chashishileho, omwo vakiko vavanehele nakuvafumisa muchipango chakusopela, kaha Nevukataneza natwame haze. Ikiye ngwenyi, “Chosena chakwoloka, vanyike vamalunga, muli vakulizanga kwanuka nge yami ngumwangana wenu?”

“Punduvene. Yoyanga hayamyaka, Ove mwangana.”

“Jino fukamenu ku chifwanyisa chami.”

“Mamalelo, nduma.”

285 “Chamwaza, enu muli nakuya nakuwema. Enu mumalunga vamangana. Enu muli vautongwe. Enu munapunga vakakutukafwa mwamunene. Enu munapunga kukisula kuwangana wetu. Muli nakwivwulila Kangwazangile kuli echiko? Oloze Ngwa—Ngwavilikanga hano, kaha chatela kulingika. Kangwatondele kumimbila muzeko. Mamalelo, malunga, ukalu uli halihi nayenu?”

286 “Ngunatachikiza nge echi chili nakwivwakana nge chakwoloka. Oloze, Kalunga ketu mwahasa kutulwila. Oloze chipwethu ngocho. . .” Vapwile nakukakachila.

287 Vaputukile kwenda haize ndalo. Umwe atalile hali mukwavo. “Echi chosena chakwoloka. Chosena chakwoloka.” Vapwile na kukakachila. Vayile tambo imwe, Kalunga kapwile navoko. Tambo jivali, Ikiye kapwile navoko. Tambo jitatu, tambo jiwana, tambo jitano, vatwalileho kuya, hanga chochimwe Ikiye kapwile navoko. Kaha ikiye ejile nakwingila haze vene vengilile mulilungu lya kakahya. Vakiko vapwile na kukakachila. Oloze Ikiye apwile navo muze. Talenu? Kakahya kakutamo kuveta vakiko, kwocha jize jingoji japwile kumavoko na kumahinji avo. Kaha jino omwo ikiye ahetele kumatako auze wina, Ikiye apwileko nakuze. Talenu? Vakiko vapwile na kukakachila.

288 Ndanyeje mujila yoyimwe. Ndanyeje apwile na kukakachila. Punduvene. Ikiye kayile jamakishi kuhiluka jautuko. Nduma, mwane. Ika ikiye alingile? Ikiye asokolwele jijanene na kulomba, mwosena omwo. Echi chapwile kutondeka cha Kalunga. Ikiye apwile na kukakachila. Ikiye avandaminyine hali Kalunga, kutachikiza nge Kalunga nahase kulama Lizu Lyenyi. Vakiko vamumbilile muwina wa vandumba, ngwavo, “Etu natuya nakwecha vandumba vakulye.”

289 Ikiye ngwenyi, “Chamokomoko thuhu.” Ikiye apwile na kukakachila. Mwomwoika? “Chamwaza, Ngunapunga nakuvandamina lwola lwosena, hali Kalunga. Kachi Ngunavandamina myaka yikwavo masauzande akwavo, Nanguya nakusanguka cheka mumakumbi akumakumishilo. Shikaho, pwenu na kukakachila, vandaminenu.”

290 Paulu apwile nakukakachila. Punduvene apwile nacho. Tala omwo Paulu alingile. Kuhanjika ha kukakachila!

291 Ngachilihi vathu va chipendekosita? Kachi kaha vakiko vali nakutuma, “Vandaminenu palanga,” talenu, “Vandaminenu palanga nomu enu navamivwika Ngolo.” Lwola muka? Vakiko kavapwile na chihulako, “Lwola muka nachikapwa?” Vakiko vakwechi kukumbulula, “Vandamina palanga.”

292 Vakiko vakandukile vayile kaha ngwavo, “Chosena chakwoloka, vanyike vamalunga, pamo minyutu fifiteni kufuma hano Shipilitu Wajila ali nakuya nakupwa hali etu kaha etu natuya nakupwa na mulimo wetu.” Minyutu fifiteni yahichile, naumwe pimbi. Likumbi limwe lyahichile, nduma; tu, seli, fwo, faifi, sikisi, seveni.

293 Vamwe vavo vahanjikile ngwavo, “Heyi, kanda namushinganyeka nge tunahase lyehi Echi ko?”

“Nduma, nduma, nduma, nduma.” Mukiko vene. Nduma. Echi chakwoloka.

294 “Enu mwatela kutona, vanyike vamalunga.” Liyavolo ngwenyi, “Enu—enu—enu munatachikiza munatambula lyehi evi mwatondo. Twalilenuho kuya, putuka mulimo wove.”

295 “Nduma, nduma, nduma. Etu katwatambwile Echi ko, noholyapwa. Mwomwo, Ikiye ngwenyi, ‘Vakiko vali nakwiza, ovyo navikasoloka mumakumbi akumakumishilo: Na malimi akukukuma na malimi akwavo mukiko Nangukaya nakuhanjika kuli ava vathu, kaha echi chikiko Kunoka chize Ngwahanjikile ngwami,’ talenu, Isaya 28:19.” Ngwenyi, “Echi chikiko—echi chikiko Echi, enu—enu namuya nakuchitambula Echi omwo. . . Mwomwoika, etu natuya nakutachikiza omwo Echi nachijila. Etu natuya nakutachikiza Echi omu nachiza. Etu natuya nakutachikiza echi, ‘Lushiko lwa Tata.’” Haze ikiye avandaminyine makumbi naine. Kaha jino halikumbi lya mu

teni, “Etu twapwile kuze.” Vakiko vapwile na kukakachila, na kuvandamina.

²⁹⁶ Jino, kachi enu namupwa namuyachi kana wa kukakachila, hanyima ya Kalunga kukuhana lushiko na kulumona mu Mbimbiliya, “Elu lunapu lwami,” kahajino vandamina. Kahajino, kachi enu namupwa na muyachi wa kukakachila kana, chihakeko kulufwelelo lwove. Kaha talenu omwo muli nakukanduka helu jino? Enu muli nakuya helu *hano* jino. Chosena chakwoloka. Eli livoko lya ha koloko lili nakuya nakujinguluka, nawa, keshi ngachizeko? Chosena chakwoloka. Chosena chakwoloka. Haka echi kulufwelelo lwove.

²⁹⁷ Lwola lwosena muhake Ikiye kumeso ove, kumwanuka, echi chapwile Ikiye ashikile. Keshi yamiko, ashikile. Keshi pashita, ashikile, mokomoko Ndumbu walunga Neville. Keshi kala mukakuzata umweko, ashikile. Keshi kapilishitu umweko mokomoko popu. Keshi numba muthu wahamavu ko. Chapwa Kalunga ashikile lushiko, kaha Kalunga ali wakutamo kulama vyuma vyosena Ikiye ashikile. Chosena chakwoloka. Kachi naupwa namuyachi kana wa lufwelelo, kutachikiza ocho ashikile Kalunga kupwa! Kuhanjika, “Ndumbu walunga Branham, Nguli nakuviza. Ngunatondo kuka chami chikuma.” Chitavile echi. Echi chinapu wana vanakuhane ove, eyo, mwane, kachi ove mufwelela. “Chamwaza,” enu namuhanjika, “Ngwafwelela.” Kahajino kuvulyama echi. Mukiko kaha. Echi chili kwosena. Talenu?

²⁹⁸ Pwenu na kukakachila, kachi muli na kukakachila. Kachi ove kaweshi nachoko, ove uli nakupalatata nakuholoka hali eyi Zuvo hano, talenu. Echi nachiya nakuholola vyosena hamavu, chize chuma chimwe. Watela kupwa nachize. Kanda kuhaka echiko, mwomwo, nachiya nakwenyeka zuvo yove kachi ove kaweshi na kukakachilako, kachi ove kaweshi na ngolo jakuhaka kulufwelelo lwove luze unavuluka ngwove uli nalwo. Kaha kachi ove kaweshi nalufwelelo ko, kaha eseka kuhaka ngolo hali echi, nachiya nakuholoka lufwelelo lwove hamavu. Talenu? Namuhanjika ngwenu, “Chamwaza, jino, vandaminenu munyutu kaha. Pamo echi chinapu chosena kuseuka, mwosena omwo. Pamo Kalunga keshi Kalungako. Pamo kakweshi Kalungako.” Talenu, nachiya nakuholoka echi chuma muvali. Talenu?

²⁹⁹ Oloze kachi muli na lufwelelo lwamwenemwene, kahajino hakeni ngolo jamwenemwene kulukiko, kahajino chinyingi chamwenemwene, kahajino kuliyula mumuchima cha mwenemwene, kahajino kukakachila chamwenemwene. Talenu? Enu muli nakutambuka mwakwoloka mumukana. Chosena chakwoloka.

³⁰⁰ Chamuchitanu, hakenuko kutwama chakalemesa kumeso akalunga. Mamaah, yami! Kutwama chakalemesa kumeso

akalunga chatela kuchihakilako. Nyi kutwama chakalemesa kumeso akalunga chalumbunukila muka? Ngwatalile mu vikukulwishi viwana mokomoko vitanu kaha kangwawana nomu chalumbunukila. Makumishilo, Ngwapwile kuze kuli Ndumbu walunga Jeffries', etu twachiwanyine mu—mu chikukulwishi. *Kutwama chakalemesa kumeso akalunga kulumbununa* “kupwa nge Kalunga.” Mamaah, yami! Hanyima yakupwa na lufwelelo, ngolo, chinyingi, kuliyula mumuchima, kukakachila, kahajino pwako nge Kalunga. Hee!

³⁰¹ Enu ngwenu, “Kangweshi kuhasa kulinga ngachizeko, Ndumbu walunga Branham.” Mamalelo, eyo, enu munahase.

³⁰² Echa yami ngumitangile Visoneka vyavindende hano, mumuyutu kaha. Matewu 5:48. Etu natuya na kumbata echi chimwe na kumona omwo cheji kwivwakananga, Matewu 5:48, kaha talenu kachi enu mwatela kupwa nge Kalunga. Munatachikiza omwo eyi Mbimbiliya yahanjika, “Enu yenu tulunga.” Yesu ahanjikile ngocho. Mwomwoika? Na jingolo josena, vyuma vyosena vize vili muli Kalunga, ali muli enu. Matewu 5:48, “Pwenu. . .” Yesu kuhanjika, mu kukisula.

Shikaho k-u-k-u-p-u-k-a, (Chuma muka?) kukupuka, ngana omu apwa Senu. . . wamwilu apwa wa kukupuka.

³⁰³ Enu mukwechi jila *hano* jino, shimbu kanda enu vamilweke kulinga ngocho. Vyosena evi vyatela kuvihakako chatete. Kahajino omwo enu namuheta hano, Ikiye nahulu enu jino kupwa va kukupuka, kutwama chakalemesa kumeso akalunga, vana vamaalunga na vamaapwevo va Kalunga. Echi chakwoloka. Vyuma vingahi Ngunahase kuhanjika mumukana!

³⁰⁴ Echa tupandumunenu mu Efwesu 4, kaha nakuwana hano chuma muka, mu Mukanda wa Efwesu, echi yahanjika hachuma muka, nawa, omwo etu natulinga—omwo etu natulinga. Efwesu, kapetulu 4, na kuputukila ha vasi 12. Efwesu 4, na kuputuka na vasi 12. Chosena chakwoloka. Echenu tuputukenu hano ha vasi 11.

Kaha ikiye ahanyine vamwe kupwa, vapositolo; na vamwe, vapolofweto; . . .

³⁰⁵ Anukenu ufuku unahichi? Kanda kweseka kumbata ufwishi ya mukwenu mutuko. Talenu?

. . .kaha vamwe, vaka kwambulula mujimbu wamwaza; kaha vamwe, tufunga. . .kaha vamwe, vaka kunangula;

³⁰⁶ “Kuneha kukupuka cha Kalunga”? Mukiko chatanga ngachize? [Chikungulwilo ngwacho, “Nduma.”—Muka.] Kukupuka chaka? [“Mukakujila.”] Yenu veya vakakujila? Vaze vamwe vakujilikiwa. Amena. Vaze vamwe vaputukile kufuma kuze *hano*.

...*kukupwisa vakakujila, ha kuzata cha ou mulimo* (ou mulimo wa Yesu Kulishitu), *kutunga mujimba wa mujimba wa Kulishitu* (kutunga, kutunga Echi, kutunga): palanga...

Palanga nomu na tuheta tuvosena mukulinunga muvize twafwelela, namu...chinyingi chakutachikiza kanawa Mwana Kalunga, na kutwala ku muthu wakukupuka, kutwala mu kukunyuka, (mamaah, yami), kuheta museteko ya kukupama, mupwenga vakakuzala nakupwa cha Kulishitu:

³⁰⁷ “Kukupuka,” chinatondeka kutwama chakalemesa kumeso akalunga. Enu pwenu na kuha kulufwelelo lwenu, kutwama chakalemesa kumeso akalunga. Talenu, enu namuputukila *hano*, na ngolo. Kahajino enu namuya ku chinyingi. Kahajino enu namuya ku kuliya mumuchima. Kaha jino yenu ku kukakachila. Jino muli ha kutwama chakalemesa kumeso akalunga. Kutwama chakalemesa kumeso akalunga! Mamaah, yami! Lwola lwetu uli nakuya. Echa tutalenu. Oloze munatachikiza kutwama chakalemesa kumeso akalunga omwo chalumbunukila. Enu munembi ou myaso:

Kupwa nge Yesu, kupwa nge Yesu,
Ha mavu Ngwafwila kupwa nge Ikiye;
Kuhita chosena chaungeji wachiyoyelo
kufuma hamavu nakuya mu Upahu
Ngwalombo kaha kupwa nge Ikiye.

³⁰⁸ Echi chikiko kutwama chakelemesa kumeso akalunga. Omwo Ikiye vamuvetele kusali ya meso, Ikiye alumukile kusali yikwavo. Omwo Ikiye vamuhanjikile mwamupi, Ikiye kahanjikileko. Ikiye kakindulwishileko. Talenu? Ukalunga, lwola lwosena lweji kutalilila chuma chimwe, “Ngwapwa lwola lwosena kulinga chize nachivwisa kuwaha Tata.” Talenu? Eyo, mwane. Lwola lwosena. Echi chikiko kutwama chakalemesa kumeso akalunga. Talenu?

³⁰⁹ Hanyima yakulinga enu munafumu *hano*, na *hano*, na *hano*, na *hano*, na *hano*, na *hano*, jino enu muli nakwiza mukuzala cha chivwuvu jino cha mwana Kalunga. Oloze enu mwatela kupwa na *echi*, kuhakilako vyosena *evi*, kaha enu kamweshi numba kuhasa kuputuka palanga nomu namutambula *echi*.

³¹⁰ Jino anukenu uze kajila wulava na mangona anduwanganga. Kanda kumuvulyama ikiyeko. Talenu? Kanda kweseka kuhaka echi palanga enu muli vene vakusemuka cheka. Mwomwo, enu, echi kacheshi kuhasa kuzachiwako, kaha enu—enu kamweshi kuhasa kulingisa echi kuzachiwako. Nachiya nakwiza kuli *echi*, mokomoko *echi* hano, nachiya nakupalatata kumwe.

³¹¹ Oloze omwo enu namuya *hano*, katela wamwenemwene wakusemuka chachihya, kajino enu kanda kuhaka chuma chamokomoko. Echi nachihaka kuli enu, talenu, kwiza helu,

chosena chakwoloka, kwiza mu kukupuka jino. Chosena chakwoloka.

³¹² Kahajino, chamutanu nakamwe, echa kuhakako, eyi Mbimbiliya ngwayo hano, kuhakilako zangi yakulizanga navandumbwenu. . . zangi yakulizanga navandumbwenu. Jino, echi chinapu chimwe chamwaza, hazevene, chamuchitanu nachimwe, chitanu najivali. Chosena chakwoloka. Kuhakilako zangi yakulizanga navandumbwenu. Chosena chakwoloka. Nge etu natumbata chize, zangi yakulizanga navandumbwenu, lihake ove lyavene muli chino chihela, hali ou ukalu. Jino enu ngwenu. . .

³¹³ “Ndumbwami walunga anguvulumunanga yami,” ngwenyi Petulu. “Ngwatela Kuya nakumukonekela ikiye,” ikiye ngwenyi, “kapapa ka seveni ha likumbi?”

Ikiye ngwenyi, “Seventy kapapa ka seveni.” Talenu?

³¹⁴ Zangi yakulizanga navandumbwenu. Jino, enu mwamono, kachi ndumbu walunga nafumu mujila, kanda kupwa wakuzeneka kukakachila na ikiyeko. Talenu? Nduma. Talenu? Pwenu nalikoji kuli ikiye. Yakoko, kaha.

³¹⁵ Muthu umwe ngwenyi, keshi hanyima chikumako, ngwenyi, “Enu namuya ngachilili nakufwelela evi vyuma mujila omu muli nakulinga, kaha twalilenuho kuya ku Assemblies of God, na kuli va Waninesi, nakwosena?” Kahajino hakenu, talenu, zangi yakulizanga navandumbwenu. Talenu? Talenu? Kutalilila, likumbi limwe, talenu; kukakachila na ikiye, talenu; kuliyula mumuchima, kuyanda na ikiye; chinyingi, chakwivwushisa ovyo ikiye afwelela, anukenu, echi chili mukachi ka muchima, omu mukiko chili; ngolo, muli enu lyavene, kwecha echi chiyenga na likojo, kuvova, kuli ikiye; kupwa na lufwelelo luze likumbi limwe Kalunga mwaya nakumuneha. Talenu?

³¹⁶ Zangi yakulizanga navandumbwenu, chuma chamu chiseveni. Wani, tu, seli, fwo, faifi, sikisi, seveni. [Ndumbu walunga Branham kundonda ha livaya lyakusonekela kapapa ka seveni—Muka.] Talenu, chuma chamu seveni. Kahajino, jino, enu muli nakwiza.

³¹⁷ Chakushishiho, kahajino, hakilaho zangi yakuzanga vathu vosena, ikiko zangi. Echi likiko lilolwa lyakusokesa. Makumbi amwe awa, muno mu liuka. . .

³¹⁸ Jino, mwane, echa echi vachijive kuhichila ha tepu, na kalamwosena, Nguli nakunangula echi chinangwilo, chuma muka Nanguya nakuhanjika jino. Oloze Nguli kaha nakutonda kumilwekesa enu nge, hakukafwa cha Kalunga, chuma muka echi, chize, eyi Mbimbiliya yatete ize Kalunga asonekele yapwile mu Zodiac muutangatanga. Ize yaputukile na sanda. Yejile nakukuma na Leo uze ndumba. Kaha omwo Nangukaya nakumbata Katachikijilo ka Muchitanu nakamwe na ka

Muchitanu nakavali, enu namukaya nakuwana, omwo kaze Katachikijilo kakwavo vakasokolwele, eyi Zodiac lusona lwatete lwapwile kansa, uze ishi wakuvatasana. Kaha echi chikiko chisemunuino cha kansa etu tuli nakuyoyela mo jino, chinasoloka. Kaha chuma chinashishiho kaze Katachikijilo kapulikile, Echi chasololwele uze Leo uze ndumba, chikiko Kwiza chamuchivali cha Kulishitu. Ikiye ejile, chatete, kuli sanda; Ikiye ejile, chakushisaho, Leo ou ndumba. Nanguya nakuneha echi ku . . .

319 Jino, Ngunahono kutachikiza nge Yami nanguya nakupwa na lwola chino chimene. Yami nanguya nakulinga mwosena Nanguhashila kulinga, kumilwekesa nge eji jitambo jili mu kaposhi, mukiko vene, Mbimbiliya yamuchivali Kalunga ikiye ayisonekele. Enoke ajisonekele, na kujihaka mu kaposhi.

320 Kaha ya muchitatu, Kalunga lwola lwosena akupuka mutatu, kahajino Ikiye alitengele Lyavene Lizu Lyenyi.

321 Hano, jino, anukenu, mu kaposhi . . . Ngwashinganyeka enu maswalale vavavulu kaha vyuma kana vyapwilenga mu Ejipitu. Kaze kaposhi kakatwama na kasongwa hakakiko ko. Kanda lyehi. Eli—eli Lilolwa lya lize Limbo, kaha vyuma vyosena vakiko vakwechi, oloze hanga . . .

322 Kachi muli na lipepa lya ndola mumboloso yove, ove mutala ha lipepa lya ndola, kaha namuya nakuwana nge, kusali ya livoko lya chilyo, echi kukwechi kwaze na ndembele ya America. Kaha yinahanjika, katachikijilo “ka United States.” Kusali ikwavo, yapwile na kaposhi, na musongwa waunene walilolwa na liso lya muthu. Linahanjika kusali eyi, “Katachikijilo kakanene.” Chamwaza, kachi eli linapu lifuchi lyallinene, mwomwoika aka katachikijilo kakanene kuhona kupwa katachikijilo kalifuchi? Kalunga eji kuvalingisa kwambulula, numba thuhu kwosena okwo vakiko navaya.

323 Ngwapwanga na kuhanjika kuli ndotolo lwola lumwe, kaha ikiye apwile na kupala ha kochi yami, ha kuka Chaukalunga. apwile nemana mujila. Ikiye ngwenyi, “Mukulwane Branham, enu mweji kumbalanganyisanga vathu.” Ngwenyi, “Kakweshi kukako, kuvangila kuhichila muvitumbo.”

324 Ngwalumukile, kutala ha chinjikizo chapwile ha minyawu, chapwile na linoka kumutondo. Ngwambile ngwami, “Enu mwatela kufumisa chize chinjikizo ha minyawu yove, kahajino, ’mwomwo chinjikizo chove chivene chili nakwambulula nge Kalunga apwa Mukakuka.”

325 Ndotolo wamwenemwene afwelela echi. Kuvanga ava vakakulivwimba. Eyo, mwane. Uze linoka hamutondo! Mose azezwele uze linoka ku mutondo. Ikiye ngwenyi, “Yami Yehova eji kukanga misongo yenu yosena.” Kaha vakiko vatalile hauze linoka, kupwa kuka Chaukalunga. Kaha ohonyi vakiko

kwambulula hali echi; ohonyi chinjikizo chavo vavene vyeji kwambulula hali vakiko. Hee!

³²⁶ Hano, lifuchi lyetu, kuhanjika vyuma vakiko omu vapwa, na kuneha kusese na vyuma kana, kaha mali avo vavene, mbongo javo, jeji kwambulula nge chize chinjikizo cha utangatanga apwa Kalunga. Talenu lize liso linemana haze helu haze, helu ha lipepa lya ndola? Chize chinapu chinjikizo chachinene.

³²⁷ Kanda lyehi valihake helu lya musongwa wa kaposhi. Vakiko kavahashile kwivwushisa mwomwoika. Lize lilolwa lya kufwika valikanyine, uze Mutwe, Kulishitu. Oloze Echi nachiza, likumbi limwe.

³²⁸ Jino, mukutunga, jize ngolo..Kutunga chifwanyisa, kutunga echi chivwuvu, talenu, chaputukile na lilolwa lya chikuku; lufwelelo, ngolo, chinyingi, kulinyula mumuchima, kukakachila, kutwama chakalemesa kumeso akalunga, zangi yakulizanga navandumbwenu. Jino chuma muka cheji kuzatanga? Kahajino vakiko vali nakuvandamina Lilolwa lwamumbango, echi chinapu zangi, mwomwo Kalunga ikiye zangi. Kaha Ikiye eji kutwaminyina, kaha Ikiye ngolo ja muthu muli vakiko. Echi chakwoloka. Eyo, mwane.

³²⁹ Hanovene *hano*, hanovene *hano*, munahase kumona Ngukwechi, mukachi ka, eyi milimo yosena hano, kaha hano awa makanya amandende. Chuma muka chize? Eyi Shipilitu Wajila kwiza nakusuluka, kuhichila muli Kulishitu, talenu. Shipilitu Wajila! Eyi Shipilitu Wajila eli helu lya *evi*, kulamika evi hamwe, kutunga (ika?) Liuka lya kukupuka, mwomwo Lilolwa lwamumbango kuhaka musongwa hali Chize.

³³⁰ Chuma muka chinazachiwa cheka? Echi chasolokele kuhichila mu Chisemunuino Chaliuka cha mu Seveni, na miluwa va Liuka lya seveni.

³³¹ Chaputukile kunyima *hano*. Kulihi kwapwile vawanyine Liuka? Kulihi kwapwile vawanyine Likua lyatete lya pendekosita? Kuli Mukakujila Paulu, ku Efwesu, uze tanganyika wa Chisemunuino cha Liuka lya Efwesu, Efwesu.

³³² Echi chisemunuino cha Liuka cha muchivali chapwile Sumuna. "Ngolo." Ireanaeus, uze lunga wamunene uze akwachile Mujimbu wamwaza wa Paulu.

³³³ Chisemunuino cha Liuka chashishileho chapwile Pelengamu, uze apwile Martin. Martin apwile lunga wamunene uze atwamine. Paulu, Ireanaeus, Martin.

³³⁴ Kahajino mu Talachila mwejile Columba. Anukenu? Hano echi chili, chakufunda *haze*. Columba. Hanyima ya Columba. . . Chize Chisemunuino cha Milima chejilemo.

³³⁵ Kahajino kwejile Salute, kulumbununa *kufwa*. Luther. Halleluya! Chuma muka jino? Chuma muka chashishileho hanyima ya Salute, Luther?

336 Kahajino kwejile Filatelefa. “Kutwama chakalemesa kumeso akalunga.” Wesley, kujila! “Vakakwoloka navakayoyela ha lufwelelo,” ngwenyi Luther. Kujilikiwa kuhichila muli Wesley.

337 Kahajino kwiza mu zangi yakulizanga nandumbwenu, kuhichila mu Lauchiseya. Kaha etu twafwelela ou Mujimbu waunene wa kusoloka cha muchivali cha Eliya, mulikumbi lya makumishilo, navakakomba lifuchi lyosena.

338 Hano jino enu, Chisemunuino cha Liuka cha Seveni, jitambo ja seveni. Kalunga kutunga Liuka Lyenyi, ali nge muthu wakulimanyina, muli Lyavene. Ou upahu, Ngolo ja Kalunga, kwiza nakushikumuka muli *echi*, kulamika Echi hamwe. Shikaho, vathu va Pendekosita vaze veji kwechenga Lutaleni, kwecha vaka Wesley na vyuma vimwe, kavatachikizako ovyo vakiko veji kuhanjikangaho. Munamono, vakiko vayoyelele muli *echi* chihanda cha tembele. Eyi ikiko jila, vathu vamwe vanahase kwiza helu na kuholoka. Oloze kuli chihanda chamwenemwene cha *echi*, kutwalilaho kulingisa kutunga na kutwalilaho. “Nanguya nakutungulula,” mukiko mwanambe Mwata.

339 Anukenu *Uze Mutondo Wa Mwenga?* Anukenu chize kutangisa hali *Uze Mutondo Wa Mwenga?* Vakiko kuulya Na kwishi, oloze Ikiye eji kuutomesa. Vakiko vapwile na mitango ya vikungulwilo; Ikiye ayifumishileko. Vakiko vakatwile liuka likwavo, mitango ya vikungulwilo; Ikiye ayifumishileko. Oloze muchima wa Mutondo watwalileho kukula. “Kaha mulwola lwa chongoloshi nakukupwa Kumunyika.” Talenu? Muze mukiko mwejile Kulishitu, Shipilitu Wajila. Yesu kwiza nakushikumuka na kulihaka Lyavene kupwa Mutwe wa Liuka jino, kaha Ikiye mwakaya nakusangula eli Liuka, kupwa Mujimba Wenyi Ivene. Muze *mu* Mujimba.

340 Kaha jila kana Kalunga ali nakutonda etu nge hakapanji kukula, mujila Ikiye nanehe Liuka Lyenyi mukukula. Kala chisemunuino cha Liuka, Echi nachiza nakupwa Liuka yalinene. Talenu?

341 *Ava* vakweze kavatondele *ava* vakweze omwo vapwileko. *Echi* kavachitondele *echi* ko. Talenu? Oloze Ikiye akulishile Liuka Lyenyi mujila yoyimwe. Ikiye anehele Lyenyi—Lyenyi Liuka mujila yoyimwe Ikiye ali nakulisa vathu Jenyi. Kahajino Petulu hano ngwenyi, chatete, vyuma vya seveni: lufwelelo, virtue, (talenu, kwiza), chinyingi, kuliyula mumuchima, kukakachila, kutwama chakalemesa kumeso akalunga, zangi yakulizanga navandumbwenu, hakaho kulizanga navandumbwenu, kaha jino zangi ya Kalunga. Ou Shipilitu Wajila, Kulishitu muuthu wa Shipilitu Wajila, kwiza hali enu, mu kujimika cha Shipilitu Wajila, kaha enu mukwechi eji jingolo kujjikila muli enu. Kahajino, Kalunga atwama mu Mbalaka,

vavuluka ngwavo Zuvo, eyi Mbalaka yakuyoya chihela cha Kalunga wakuyoya.

³⁴² Nge muthu ali nevi vyuma vyamuyachi ou, kahajino Shipilitu Wajila mweza hali ikiye. Chipwethuhu, ove muhanjika mumalimi, ove muhasa kulondezeza kala wana uze Kalunga akwechi. Ove unahase kulinga ngocho. Oloze palanga eji jingolo *hano* najingila uli ove, enu hanga uli wakufuma kuumwenemwene, chikuku chamuchano cha lufwelelo. Oloze omwo eji jingolo najikulilamo, kaha enu mwahakile evi kuli chize, kahajino enu namupwa chfwanyisa chakuyoya. Ove uli wakuyoya, likombelo lyakutambuka.

³⁴³ Oloze, munatachikiza, va—va vakakuzeneka kutachikiza kalunga, vakiko kulihana vavene kumeso ali kombelo, kalunga wakujinuoka. Kaha mujila ya kujinuoka vakiko vanafwelela nge uze kalunga wakujinuoka nahase kuvakumbulula vakiko. Chikiko makombelo. chikiko Chiloma. Vakiko vanongamine kumeso akala mukakujila na vyuma vyosena. Kaha vakiko vana Mukakujila Cecelia, zuvo ya kalunga walikombelo, kaha shikaho vyuma vyakuhandunuka handunuka nge ngachize. Vakiko veji kunongamanga kuli chize, kaha vene vafwelela muize jila yakujinuoka. Chuma muka—chuma muka chamuyachi kana, cha Kalunga wakuyoya wamuchano.

³⁴⁴ Oloze nge etu, keshi mujila ya kujinuoka ko, oloze kulihana vavene kumeso a Kalunga wakuyoya, ngolo jakuyoya, chinyingi chakuyoya, kukakachila chakuyoya, kutwama chakalemesa kumeso akalunga chakuyoya, Ngolo jakuyoya kwiza nakufuma kuli Kalunga wakuyoya, kulingisa muthu wakuyoya chifwanyisa chakuyoya mu chivwuvu cha Kalunga. Ika ikiye alinakulinga? Chuma chochimwe chize Yesu alingile; kutambuka mujila yoyimwe Ikiye atambukile, kulinga chuma chochimwe Ikiye alingile. Mwomwo, echi kacheshi chuma cha kujinuoka. Kuli chuma chambwende chakwinjikiza.

³⁴⁵ Talenu omu Ngwatwale? Talenu omu eji jingolo, evi vyakutungisa jizuvo, kufwana hamwe na muluwa wa Liuka, na chisemunuino cha Liuka? Jino, likumbi limwe hamakumbi awa, etu tuli nakuya nakumbata limwe ha mazu awa, na kulinangulawo, na kusolwesa nge eji kwinjikizanga. Evi vyosena kuya hamwe. Punduvane. Talenu? Mamaah, yami! Omu chawaha echi, talenu, kumona omwo chili—omwo cheji kulingikanga.

³⁴⁶ Jino, eyi ikiko Zuvo muze atwama Kalunga; keshi zuvo yili na ngezo yayinene heluko, na kaposhi helu kakasuku. Talenu? “Oloze Mujimba ukiko Ove unanguwahishila Yami,” Mujimba ukiko Kalunga nahase kutwamamo, Kalunga nahase kutambukamo, Kalunga nahase kumonamo, Kalunga nahase kuhanjikilamo, Kalunga nahase kuzachilamo. Amena! Chizachiso cha kuyoya cha Kalunga, Kalunga kutambuka ha mahinji avali, muli enu. Upahu! “Jitambo ja vakakwoloka veji

kujitwaminyinanga kuli Kalunga,” Kalunga kutambuka muli enu. “Mwomwo enu munapu mikanda yakusoneka, yakutanga kuli vathu vosena.” Kaha kachi chize Chiyoyelo chize chili muli Kulishitu nachipwa muli enu, namuya nakukwima Chiyoyelo chize Kulishitu apwile nacho.

³⁴⁷ Nge omu lwola lwosena Ngweji kuhanjikanga. Fumisa aze meya muuze mutondo wamalimau, kaha kachi ove muhasa kuwanungulula, na kuwengisa, mu mutondo wamu apo, uze mutondo wamu apo nauya nakwima malimau. Punduvene. Mukiko vene naupwa. Chipwethuhu mitango naysiloka ngachilihi, ukwechi meya amu apo muukiko, talenu, mokomoko kala mutondo wosena omwo wapwa. Talenu? Fumisa chize kuyoya mu mutondo wa apo, chifumisemo chosena, na kuuhana awa—awa meya akwingisamo, akufumisa mu mutondo wa malimau nakuwahaka mu mutondo wa apo. Nachipwa ngachilihi? Uze kaweshi kwima cheka malimau ko. Talenu? Nduma, mwane. Kaweshiko. Kachi chiyoyelo cha mutondo wa malimau nawiza nakwingila mumutondo wa malimau, chipwengocho, kaweshi kwima cheka ma apo ko. Nauya nakwima malimau, talenu, talenu, mwomwo ukwechi chiyoyelo muukiko.

³⁴⁸ Chamwaza, enu tumbatenu, chize kacheshi chumako oloze machipa amuchipapa, amazua mazua, talenu, kaha kweshi chuma kuli etu ko, mwomwo etu vosena twafwa mushili na mukuzombojoka jishimbi. Etu tuli muvyuma vyamuyachi kana. Kaha jino etu, etuvavene, tunahase kulifukula etu vavene, kulihana etu vavene kuchikiko, palanga Kalunga kuvanga mwafumisa mupila Wenyi wakwingisa nacho, eli Lijina Iya Yesu Kulishitu, 'mwomwo, “Kakweshi Lijina Iyekako mwishi ya Mwilu eli muthu nahase kumulwila nachoko,” na kunungulula Chiyoyelo cha Kulishitu muli etu. Kahajino etu tuli na *elu* lufwelelo kana, lufwelelo luze Kulishitu apwile nalwo. Kaha lufwelelo lwa Kulishitu kalwapwile lwakukundamina hali vaze va Fwalisewu, mokomoko Sanduse, mokomoko mujindeho, jiketulu, na vikango, na chize kusana chavo. Chize chapwile chakukundamina ha Lizu Iya Kalunga, amena, chikuma, palanga Kulishitu apwile Lizu, lize Lizu Iya litengelekele kupwa wanyama. Kaha jino omwo natuheta ku kunungulula kuhichila mu Ngolo Jenyi, kuvanga etu tufwanga kuvishinganyeka vyetu, na lufwelelo lwetu kwiza na kupwa lufwelelo lwamwenemwene, haleluya, kahajino Chiyoyelo cha Kulishitu nachipwa chakunungulula muli etu. Etu natwiza nakupwa tengeso yakuyoya ya Kalunga, chihela chakutwama muze Shipilitu Wajila nahase kutuma mitelezeji ya jikisu Jenyi kuhichila muze, kaha etu tuli mu chivwuvu cha Kulishitu.

³⁴⁹ Yesu ngwenyi, “Echi kavachisoneka ko? Enu muli nakungupaisa Yami, ngwenu, ‘Ngu Mwana Kalunga.’ Echi kavachisonekako, nge, ‘Enu mwapwa mutulunga.’ Kumana lushimbi lwenu kalwahanjika ngochoko?” Nge Mose, nge Eliya,

nge vaze tupolofweto vaze vayoyelenga hakamwihi na Kalunga, palanga nomu Kalunga alinungulwile Lyavene muli vakiko. Kaha vakiko valihanjikilileko, keshi vaveneko, oloze Kalunga. “Kanda kumbata chishinganyeka nge chuma muka nanguya nakuhanjika, ’mwomwo keshi enu namuhanjikako. Shina Tata uze atwama muli enu; Ikiye eji kuhanjikanga.” Mazu Eyi keshi muli iveneko, mwomwo, chiyoyelo chenyi, ikiye afwa.

³⁵⁰ Kachi enu namufwa, enu fumisenu manyinga muli muthu, enu mumisenu navitumbo. Ukalu uliho uli, vavavulu kavavomishile navitumboko. Enu fumisenu muli uze muthu, ikiye kaha nafu. Kahajino chuma kaha enu namulinga shina kumuhaka manyinga akwavo muli ikiye; ikiye mwaya nakuyoya cheka. Enu mufumisenu manyinga eyi.

³⁵¹ Kaha jino etu tunahake Manyinga a Yesu Kulishitu muli ikiye, talenu, kaha echi nachineha lufwelelo lwa Yesu Kulishitu, ngolo ja Yesu Kulishitu, chinyingi cha Yesu Kulishitu, kuli yula mumuchima cha Yesu Kulishitu, kukakachila cha Yesu Kulishitu, kutwama chakalemesa kumeso akalunga kupwa cha Yesu Kulishitu, zangi yakulizanga muundumbwenu cha Yesu Kulishitu, kaha zangi ya Kalunga, ou ali Yesu Kulishitu. Ikiye apwa Mutwe kaha eji kumitwaminyina. Kaha mahinji ove kupwa chikuku, lufwelelo. Amena! Kuutwaminyina ku Mutwe, kumbata . . . ? . . . Yenu vaze. Kuli muthu wakukupuka wa Kalunga, omwo ikiye mwaheta eji jingolo.

³⁵² Kahajino, Kalunga, kwimanyinako Liuka Lyenyi kupwa Mwenga, pwevo. Kalunga kwimanyinako Liuka Lyenyi kupwa Mwenga. Kaha jila Ikiye kuneha kala muthu kupwa mwana Nenyi, kuya nakwingila mu Mwenga, Ikiye nawa nanehe Mwenga kuhichila muli echi chisemunuino, [Ndumbu walunga Branham kundonda halivaya lyenyi kapapa katanu nakavali—Muka.] palanga Ikiye kuneha Liuka lya kukuma muli *echi*.

³⁵³ Mahinji ami kutambuka. Mwomwoika? Mwomwo mutwe wami kuhanjika ngocho. Jino, echi kacheshi kuhasa kutambuka nge livoko lyami, mwomwo eli linapu lihinji lyami. Luther keshi kulinga nge omu tuli nakulinga, numba wa Mesondisiti, mwomwo vakiko vapwile chuma cheka. Talenu? Mahinji eji kutambuka mwomwo mutwe unahanjika ngocho. Kaha mutwe kanda lyehi uhanjike ngocho, “Jino, mahinji, ove mwiza nakupwa livoko. Litwitwi, enu namwiza nakupwa meso.” Talenu?

³⁵⁴ Oloze, chisemunuino chosena, Kalunga nahake evi vyuma kana muli Liuka Lyenyi, kaha nachifwanyisa ha kusolola nge kala muthu ali nevi, ahata evi vilinga. Kaha *echi* Kupwa, omwo chakumine, lili Liuka lya Kalunga kuya Mukuhukula. Kaha *echi* kupwa, na kukumisa, ali ngamba ya Kalunga, mu Liuka lya Kalunga, eli lilinakuya Mukuhukula. Upahu! Talenu omu Ngwatwale? Yenu haze vene. Kuli chuma chakuzala.

³⁵⁵ *Hano haneza ou lunga, Paulu, kwala chikuku. Irenaeus kuputuka kuhingununa echi muli echi. Chinashishiho kuhingununa echi. Chinashishiho kuhinguna echi. Chimwe chinashishiho chize, na chize, na chize, na kushikumuka palanga nomu nachiza ku chisemunuino chamakumishilo. Oloze chuma muka echi? Echi chinapu Shipilitu youmwe.*

³⁵⁶ *Eyi shipilitu youyimwe ize yatwama muli yami, ngwenyi, “Mavoko, kuheta hanyima yaechi.” Eyi shipilitu yoyimwe ngwayo, “Mahinji, kutambuka tambo.” Talenu omu Ngwatwale?*

³⁵⁷ *Kahajino, chivwuvu chosena cha kupwa chove chili chakutwaminyina na kuyula na evi vyuma kana, oloze echi kacheshi kuhasa kupwa chosena chakutwaminyina palanga echi chosena chinahetuwa evi vilinga.*

³⁵⁸ *Enu mwevwa lyehi evi? Jino echa ngumilweke evi. Kaha lama vene. . . Haka echi ha kwivwulila chalitwitwi. Talenu? Lilenge lyazamina haze lyahehela. Echi chakwoloka. Lili lya kuzama kuhambakana kuzeya chacho.*

³⁵⁹ *Numbathuhu chazama ngachili evi chatungiwa aha, echi chinapu chakutungiwa; kachi chikwechi haze hakuzeya, hakiko vene cheji kuhokelanga. Kaha kacheshi chakuzama kuhambakana haze chazeyelako. [Ndumbu walunga Branham apwile nakwinyika halivaya nakufunda—Muka.] Jino kachi enu namuheta, enu namwamba ngwenu mukwechi echi, echi, echi, enu kamwatela kupwa nechi, haze vene hakiko cheji kuhokelanga. Kachi enu mukwechi echi, kaha kamweshi nachizeko, chikiko nachiya nakuholoka haze vene. Enu namupwa nechi, kaha kamweshi nechi, nachiya nakuholoka. Echi, kaha kacheshi nechi, nachiya nakuholoka. Echi, kaha kacheshi na echi, nachiya nakuholoka. Talenu? Kaha kachi enu mukwechi na. . . Kamweshi kupwa nechi chakuzeneka kupwa nechi.*

³⁶⁰ *Shikaho nge namulihana mwosena, kahajino ou Shipilitu Wajila mwalihinguna kuhichila muli enu, muli eji jingolo, kahajino enu namupwa mbalaka yakuyoya. Kahajino vathu veji kutala na kuhanjika ngwavo, “Uze ikiye muthu nazale na ngolo, chinyingi (ikiye afwelela Lizu), kuliyula mumuchima, kukakachila, kutwama chakalemesa kumeso akalunga, kulizanga navandumbwenu, wakuzala na zangi ya Shipilitu Wajila. Talenu, uze ali haze, kutambuka nakujinguluka.” Chuma muka echi? Chiwvuvu chize mukakuzeneka kufwelela nahase kutala ho nakuhanjika ngwavo, “Uze ikiye Mukakulishitu. Kuli lunga, mokomoko pwevo, uze atachikiza ovyo vakiko vali nakuhanjikaho. Enu kanda lyehi mumone walikoji chikuma, uyema chikuma, muthu waktwa chakalemesa kumeso akalunga chikuma.” Enu vanamijiki. Katachikijilo kali nakusoloka kusali nasali. Nge enu muli nakuya mokomoko kwiza, enu muli nakumona katachikijilo mujila yoyimwe. Yenu haze vene.*

Talenu? Muthu muka mokomoko pwevo kuheta *echi*, kahajino Lilolwa lyamumbango kwiza nakusuluka na kuvajika vakiko mu Muwangana wa Kalunga, ou ali Shipilitu Wajila.

³⁶¹ Kahajino Lizu, lyeji kufuma *Muno*, kusoloka Chivene kuhichila muli *echi* chimwe, talenu, na kulingisa Kupwa chakukuma kupwa Mbalaka ya Kalunga wakuyoya, kutambuka, chitalilo chachitonyi cha Vakakulishitu. Kulishitu apwile hiya, ava vathu vali, mwomwo Chiyoya Chenyi ali hano. Vakiko vali muli Kulishitu. Kaha chiyoyelo chenyi chili cha kufwa kaha chakusweka muli Kulishitu, kuhichila muli Kalunga, kaha wakujikilamo muze na Shipilitu Wajila. Kolinde Wakulivanga 12. *Echi* chakwoloka. Talenu? Enu limonenu enu vavavene nge mwafwa, kaajino enu muli vakusemuka kulufwelelo. Kahajino ngolo na nevi vyuma vikwavo navakamihakila vyo palanga nomu namupwa vakukupuka, chifwanyisa chakuyoya cha Kalunga. *Echi* chamwaza?

³⁶² Kaha jino Kalunga, kuhichila muli *echi*, nanehe nawa Chisemunuino Vitanu navivali vya Liuka, kusolwesa jitambo jitanu najivali Ikiye anehele, kulitunga Lyavene mu chifwanyisa Chenyi, Ikiye ali nakutungu Liuka mwosena mu chifwanyisa Chenyi. Kaha ha kusanguka, ou Mujimba wakukuma mwosena nauya kusanguka ukaye nakuyoya na Ikiye haya myaka na myaka, mwomwo ali Mwenga. Talenu? Shikaho kusoloka cha kala chisemunuino, kala chisemunuino nachiza.

³⁶³ Kaha kuli vyavivulu vili nakutondeka, anukenu. Anukenu omwo ahanjikile Paulu hano mu Hepwlewu 11? Echa yami ngutange vyuma vimwe shimbu kanda etu tusoke hano, munyutu kaha. Kahajino enu...*Echi* cheji kumilingisa enu kwivwa nge chaungeji omwo Nguli...lwolalwosena, omwo Nangutanga *echi*. Nguli nakuya kumbata Hepelewu 11, kaha Nguli nakuya nakuputukila ha vasi 32.

Ngachilihi, *kaha Nanguhakilaho mazu muka? mwomwo lwola nalungukehela lwakwambulula kuli enu naevi vya Ngiteyone...na Mbalake, kaha...Samasone, na...Yafweta;...Ndavichi...na Samwele...na va polofweto nawa:*

Vakiko halufwelelo vafungulwile mawangana, vayulile mwakwoloka, vatambwile jishiko, vasokele kutunwa twavanduma,

Vahonesele ngolo jakakahya kakanene, vapulukile kuvvela wajipoko jamikwale, kaha mukuzeya chavo vavazamishile, vavalingishile vapwenga nangolo jakutuka nujita, vahangasanyine...maswalale vakumafuchi eka.

Mapwevo vatambwile vaze vavo vafwile hakuwasanguka cheka: ...veka vavapupwile

chikumakuma, *va* vapupwile, *vakanyine kuvayovola*;
mangana vakapwe kukusanguka chamwenemwene:

364 Kuya nakushikumuka *hano*. Talenu? [Ndumbu walunga Branham kwinyika kulivala oku alinakufuna—Muka.] Chosena chakwoloka.

*Kaha veka vapwile na vyeseko...kuvatoleka...
 nakuvepula vepula vikote, kaha, kahacheka...
 vavahakile nawa mujikuli...nakuvambila
 mukamenga:*

*Vavashile malolwa, vavavatwile na jipoko jakupulisa
 mitondo, vakiko vavasekele, vakiko vavajihile na...
 jipoko jamikwale: vakiko vakimbakimbile oku
 vanavwale malambu amikoko naawa avapembe;
 vakalikajile chikuma, kaha vavayanjishilenga,
 vavamweselenga makava;*

(Kaye kapihile kaha kakavatelele vakikiko:). . .

365 Talenu, mukufwanyisako, munamono mu Mbimbiliya yenu.

*...vakiko valumbwangililenga, mujipambo, kaha
 nakujipili, na mumena akusendeleka namazeze ngoma
 amumavu.*

*...vyosena evi, chipwe vavavulukilileho naunjiho
 wamwaza halufwelelo, . . .*

366 *Hano!* [Ndumbu walunga Branham kwinyika kulivaya lyyeni nakufunjika—Muka.]

*...naunjiho wamwaza halufwelelo, kavatambwile
 chize vava shikileko: (Talenu?)*

*Kalunga mwomwo atuwahishile etu echo
 chakuhambakana kuwaha, mangana vazeneke
 kuvakupwisa chakuzeneka etu.*

367 Enu mwachimbate enu? Ava vathu vase vafwile, *muno*, vakukundamina na kuvandamina hali etu. Shikaho, *eli* Liuka lyatela kwiza mu kukupuka, mangana kuneha kusanguka. Kaha vakiko vali mwishi, myono ali kwishi ya kamenga, kuvandamina eli Liuka kwiza Likiko kukupuka, nge omwo Kulishitu mwakeza.

368 Kaha eli Liuka, enu mwamono, ali nakwiza nakukehelako, muli vavandende. [Ndumbu walunga Branham kwinyika halivaya nakufunda—Muka.] Echi chapwile chakuvambuka kuhambakana chize, oloze kupwa nge kusoneka chize haze, talenu. Echi chineza nakusongo yandongo. Palanga, eli Liuka, muuendende, lili na kupwa muchihela chalyo palanga ou unapu muyachi wamulimo wa *echi* chilikuchimoswe, mwomwo, omwo eli Lilolwa lyamumutwe kwiza cheka . . .

369 Echi chikwechi nge mboloso *hano*, kuze nachiya nakutwama muze, ha kala kaposhi. Eka kakeshi kachifwikoko kanatwame

hano helu. Echi chinapu songo ya chimwe, kaha echi chatela kutwama kuze, 'mwomwo cheji kufumisanga.

Kaha omu chejile, eli Liuka lyatela kupwa na kulisongolola.

³⁷⁰ Vyuma vyosena evi, malolwa osena amu kaposhi, anasavala mwakukupuka palanga enu kamweshi kuhasa numba kuhichisa yembe mukachikavo, kulema mujitani, anasavala muze. Omwo vakiko vavakwachile, vakiko vanahono kutachikiza. Oloze vakiko vapwile vakutungiwa.

³⁷¹ Kaha helu *hano*, omwo lize Litepa lya kaposhi nge lineza, eka kaposhi Kavene, ou Mujimba wa Kulishitu navakaya nakuusongolola. Keshi kaha kunangula jishimbi jauthu mokomoko kunangula, mokomoko chumachimwe kwiza nakuhita. Echi nachiya nakupwa chakukupuka nge Kulishitu, palanga, nomu Ikiye mwakeza, Ikiye na ou mujimbu nauya nakutela nakulisota hamwe. Talenu? Kahajino nakwiza Kuhukula, kuya Kwimbo.

³⁷² Tala oho etu tuli nakuyoya jino, mu Lauchiseya, kuze eli liuka lyapwile chisemunuino chaliuka chachipi vakiko vapwile nacho. Mu Mbimbiliya, etu tunawane, lyapwile kaha chisemunuino chaliuka chize Kalunga apwile kuweluka wa liuka, kungongomweza, kweseka kukinduluka muzuvo Yeni ivene. Eji jishimbi javathu na vikungulwilo vinamufumisa Ikiye muliuka Lyenyi ivene. "Tala, Ngunema kuchikolo na kungongomweza. Kachi kala muthu mwevwa pwila na kusokolola chikolo, Nanguya nakwingila, nakulya nenyi." Talenu? Hano echi chili, muli *echi* chisemuino cha liuka. vakiko vamwashile Ikiye kuweluka, palanga *hano* vakiko nomu vamatapwile Ikiye kuweluka. Vakiko kavatondele chuma chekako na Echi.

³⁷³ Jino monenu lelo okwo tuli nakuya. Chipwethuhu makumishilo a Chisemunuino cha Liuka lya Lauchiseya chinapu chasalusalu, palanga nomu chinapu Chikatolika, echi chinasoloka *hano* vene, chili nakwiza hamwe nakulinunga kupwa liuka limwe lyalinene. Na mauka amafuchi amilingu, echi chili chochimwe lika na Chikatolika.

³⁷⁴ Kuli kaha chihandwa chimwe, kachi vakiko kaveshi kuhasa kufumisa chizeko, echi chili nakufumisa kulikata hamwe. Echi chinapu chuma chimwe mu chiyulo, chize—chize—chize chili na kwimika Chikatolika na Vakakulikanga kukatolika kufuma mu kulinunga, mangana kulikata hamwe. Va liuka lya Katolika ngwavo, "Ou unapu mujimba." Kaha liuka lya Vakakulikanga ngwavo, "Echi chinemanyinako mujimba." Va Katolika veji kupwa nachilika cha kulya mbolo kufuma muli chize. Eyi mbolo ili, chize, chikiko chilika cha kulya mbolo, kufwelela nge vakiko vanavakonekela. Ava Vakakulikanga veji kuchilinga ha lufwelelo, kusakwilila Kalunga, mukulya eyi mbolo, nge vakiko vanakonekela. Ava Vakakulikanga ngwavo,

“Etu vanatukonekela.” Ava Vakatolika ngwavo, “Etu tuli nakufwelela nge vanatukonekela.” Chilika cha kulya mbolo na kulya mbolo. Vakiko veji kuchisanyikanga kupwa chilika cha kulya mbolo; etu ngwetu kulya mbolo. Echi chilika chakulya mbolo chili vene ngocho. Kulya mbolo chili kutachikiza ngocho, kaha kumusakwilila Ikiye hali echi. Talenu? Kaha kuli kaha chuma chimwe vakiko kaveshi kuhasa kuhona kupwa hamwe. Vakiko navaya nakulinga echi.

³⁷⁵ Mamalelo, chinasoloka kupwa chamwaza. Echi nachiya nakununga, nakuya...Echi nachiya—echi nachiya na vyosena...Chamwaza, eyi Mbimbiliya ngwayo, “Kaha ava tunyama vahanyine ngolo javo kuli uze lihule,” talenu, valinungile vavavene hamwe. Talenu? Mukiko vene nge omwo Mbimbiliya yahanjika vakiko mukiko navakalinga, vakiko vali nakuya nakuchilinga jino. Echi chili mujila, uno vene mulungu. Keshi nge Nguli na chuma chimwe hali vathu va Katolika, chipwe hali vathu Vakakulikanga.

³⁷⁶ Enu va Mesondisiti na va Mbaputishiti, kaha nenu vavavulu va Pendekosita, omwo mauka enu anayi muli awa mumauka amafuchi amilingu, omwo vakiko vatungile mazuvo akutulikila vafu amanene mu New York, ya mauka amafuchi amilingu, echi chili chuma chochimwe nge mu Mafuchi a Kulinunga na vyuma vimwe. Vakiko vali nakweseka kulinunga hamwe vosena vase Vakakulikanga.

³⁷⁷ Jino, va Katolika vali vakuvanguluka kuli chize, kaha vali nakuya nakuneha ou Popu John wamu twende seli, mokomoko twende tu, mwosena omwo ali. Ikiye ali nakweseka, mukushikumuka, jila yakuli kehesa, kuneha lufwelelo lwa Vakakulikanga na lufwelelo lwa Katolika kupwa lufwelelo lumwe, nge vene omwo yahanjika Mbimbiliya ngwavo mukiko navakaya nakulinga. Yenu aha. Kaha Vakakulikanga kuzuzukila echi, kukoleka, mukana, kaha mukakutoleka.

³⁷⁸ Mwomwoika? Mwomwoika? Mwomwo vakiko kavaheta *evi* vyuma kanako. *Chinyingi*, “Eli Lizu lili lya kwoloka.” Kukakachila, “Vaze navavandamina hali Mwata.” Talenu omu Ngwatwale?

³⁷⁹ Nge va mbishopu vamu Mesondisiti ngwavo likumbi likwavo, omwo vakiko vanahichi lyehi chize. Kaha kala muthu natachikiza chize, omu, chize chahungumwishile chize, kweseka kuhanjika lilambo limwe kulihanjikanga mu liuka, mokomoko mu shikola. Kaha kutonda ku...Ngwashinganyeka chapwile mukanda wavilombo vya mu Pulishiteliyani, mokomoko chumachimwe chikwavo, kaha visemi vashingile ize—ize—ize shikola mwomwo vakiko kavetavile eli lilomboko kulihanjika mu shikola. Kaha ava va mbishopu mwaka umwe vamu Mesondisiti vapwile vakuvanguluka, ikiye emanyine na kuhanjika, “Echi chakuhenga.” Ngwenyi, “Echi kacheshi

chamujishimbiko.” Ikiye akwachile mashika kuli echi. Ikiye ngwenyi, “Chochimwe na muliuka lya Mesondisiti,” ikiye ngwenyi, “muliuka lyetu mu Mesondisiti,” ngwenyi, “vathu jetu vavavulu lwola lwosena kuhanjika hali ukalu wa mu Hollywood, kaha niyite faifi ya vakiko veji kuyanga nakuyimona.”

³⁸⁰ Ukalu uli halihi? Vakiko vasele *echi*. Mukiko vene. Vakiko vasele chize.

³⁸¹ Ngwapwile nakuhanjika hano vene muli kano kapete, likumbi likwavo, kuli ou—ou—ou umwe wamunene wamu mauka ava Mesondisiti muze mu Mbongi ya Falls, umwe apwile wamuze mumauka amushipilitu ava Mesondisiti wamuze mu Mbongi ya Falls. Solola, chisemunuino cha Mesondisiti echi cheshi kwizanga nakupandama kukisemunuino chetu, cha Pendekosita. Kaha ikiye ngwenyi, “Mu St. Louis, Missouri, vakiko valavile, pamo tukweji seli mokomoko fwo kunyima okwo, na kuchiwana.” Uze lunga nahase pamo kutwama hano chimene chino. Chamwaza, ikiye ali kambi uze eji kutunganga eji, kututungila etu. Mesondisiti Ivene ya Mujila, kuze ikiye atwama, kuze Ndumbu walunga Lum kaha haze apwile kafunga. Shikaho jino etu tunawane nge, muli chize, chize Ngwafwelela chapwile sevete peseti ya vathu mu Mesondisiti mukulava, chize, kulava cha mu St. Louis, chasolwesele nge sevete peseti ya vathu vakutoleka va Mesondisiti vakakunwa makanya, kaha sikisite eyiti peseti vavo kunwa wala. Ka Mesondisiti! Kaha chuma chaungeji chapwile, omwo chapwile kulava vanachihane, mokomoko kupezalisa malunga na mapwevo; mapwevo, vapwile sevete, pamo nge sevete peseti, kutwala na ku fifite peseti ya malunga. Mapwevo vavavulu kunwa makanya na kunwa kuhambakana malunga. Sevete peseti, sevete peseti, mapwevo vavavulu kuhambakana malunga.

³⁸² Jino kachi ngachilihi nge natuya nakushikumuka mu Kunangula cha Mbimbiliya cha kuvwala jiputula, na kuteula jikambu, na vyakufwana ngachize, talenu, kutwala ku kutwama chakalemesa kumeso akalunga, mapwevo vanalivuluka kutwama chakalemesa kumeso akalunga na kujila? Makati aviwanyino na kalachuma, vakakuhanjejeke, kutatwoka, vakuhona kuhasa kukwata lilimi lyavo. Lilimi lyavo vavene kuhanjika na kuhanjejeke, na kuya nakujinguluka. Ngachilihi malunga? Makati aviwanyino, kuhema ngofu, kuze vene kuvwala chachimbwa, kusoloka uvwalo wa majilo chindende, na mapwevo vanemana kuze. Shikangaho!

³⁸³ Talenu aze majilo kuwahaka hali mukakunangula, mukakunangula wamukamenga, chimene chino? Eyo, mwane. Kangwafwelela nge uze lunga ali wamulonga nachizeko. Chuma muka chalingile? Ou Ndumbu walunga... Ngunahono kushinganyeka hali echi... [Muthuumwe ngwenyi, “Dan Gilbert.”—Muka.] Yaah. Dan Gilbert, mukakunangula wamukamenga. Omwo uze lunga ejile na kujiha Dan, hano

tukweji vavandende hanyima, kaha jino pwevo lyenyi ali na kamba. Mukikovene, Dan nafu, vakiko vahonene kumuhaka manyinga kuli uze kamba. Ikiye ngwenyi ou Dan amuhukwile, kaha uze ikiye. . . “Uze ikiye kamba ya Dan.” kupwa nge. . . Kangwa fwelela chize chekako kuhambakana Ngwafwelela echi na—echi na—na likololo ali namangona akatela. Nduma, mwane. Ngwafwelela awa anapu makuli. Ngwafwelela Dan Gilbert apwile muthu wa Kalunga. Kaha Ngwafwelela chize chinapu lizavu lya liyavolo.

³⁸⁴ Nge chize chuma kweseka kuhaka evi hamalombo. Ize Mesondisiti yamwaka—Mesondisiti mbishopu apwile wautongwe chikupu kukwata chize. Kachi ikiye mwaya nakupwa, kachi echi nachiya nakupwa chakuhita, chize chapwile kaha chakuhwimina kuli chumachimwe. Echi chakwoloka.

³⁸⁵ Kupwa kaha nge ngana ukalu wakulihandunuka kuze Kumulauko, chumachochimwe. Ngwafwelela malunga vatela kupwa vakukasunuka. Ngwafwelela lino lifuchi lyemanyina kukasunuka. Kangwa muhana mulonga Mukulwane Kennedy hakutuma maswalale ko. Chipwethuhu, Yami kangweshi na—na “mukakusekasana wamuhya,” kaha Yami kangweshi Democrat. Yami kangweshi Republican. Yami ngumuka Kulishitu. Shikaho Yami. . . Oloze Kangwa fwelela muli chizeko. Kangwa fwelela nge milatu vatela kulanjisa utwatwa kuvyuma vyakufwana nge nganako, chipwe mumwe. Echi chapwile—chapwile lizavu lya Republican. Manyinga a Abraham Lincoln avakasunuine ava vathu mwomwo ikiye apwile muthu wakalunga. Ngwashingtonyeka vakiko vatela kukakachila kulizavu lyavo kachi vakiko navaya nakuvwota kanawa.

³⁸⁶ Oloze Nangumilweza chuma chimwe, nge uze kanyike walunga kapwile muzeko mwomwo, mumashikola avoko. Uze kanyike walunga apwa mweyembo. Ikiye apwa ka American. Echi chinapu kukasunuka cha vosena. Kaha ulombo wa muthu kawatela kwalumuna chihandwa chenyiko. Etu vosena. . . “Kalunga,” ngwenyi, “kuli muthu umwe, atengele manyinga osena, mafuchi osena.” Etu tunapu umwe. Oloze, uze kanyike walunga, ikiye apwile liswalale. Ikiye liswalale ivene. Ikiye azungile ha chuma chakwoloka. Ikiye apwile na lisesa lya kuya kushikola. Echi chakwoloka. Oloze apwile na mashikola amavulu ikiye atelele kuyako.

³⁸⁷ Echikiko chuma kana. Kachi namuya kunyima, echi chinapu nge vikungulwilo vya lelo omu vili, echi chinapu chuma chakuhizumwisa. Mwomwoika? Vakiko vali na kwalumuna aze mavoti kufumisa kuli va Republican kutwala ku Democrat, kaha vakiko vali nakulanjisa utwatwa wavo. Ukiko muchano. Ou Shipilitu Wajila keshi munoko. . .

388 “Echa ou ukwechi mangana.” “Echa ou akwechi chinyingi.” Mukiko vene. Kupwa nge eli liuka, echi chisemunuino, chili nakulilanjisa chivene. Kamweshi nakumonako omwo chili nakuya nakusoloka?

389 Kangweshi nakulizakamina kachi echi chili hatepu. Hano echi chili nakwiza. Huu-hu. Yaah. Ukalu ulihali? Mama wakashinakaji apwilenga nakwamba ngwenyi, “Muhane liyavolo vya mutela.”

390 Kuli muthu umwe nalingi vya mangana, ikiye Castro kuze. Eyo, mwane. Ikiye ayile kuze. Kaha ize fulumende yavakakulimanyina vapwile namuundu kaha vyuma vyosena vize. . . vili hakwimanyina ha ulu, nge va United States. Chuma ikiye mwalinga? Ikiye alanjile chivwasano chosena. Kumbata mali mukala jila ikiye nahase. Chuma muka ikiye alingile jino? Ikiye ajalumwine jimbongo mumakuli, nakujalumuna. Kujihaka muze vene. Chize chuma chimwe eli lifuchi lyatela kulinga.

391 Munevwu mu *Life Line* chimene chino? Mwomwoika, munatachikiza, echi chili nge enu namulanjisa chivwasano ha ulu. Chize chivwasano nachipwa vanachimbate lyehi. Kaha eyi fulumende jino iliho ili nakwenyekela ika mali? Mali amitelo aze navatambulanga mummyaka fwote kufuma hano jino. Nachilingi lyehi. Echi chinapu lisesa lya *Life Line* kufuma ku Washington, DC, kulifuchi lyosena. Mitelo vali nakwenyeka, na kweseka kulanda vyakuweluka. Chamwaza, vakiko vali kaha nakuchihana mwosena omwo. Enu kamwechi nakumonako? Mukiko kaha vatwama vakiko—vatwama vakiko omwo navakaya nakulinga. Talenu? Chuma muka echi? Jino, kachi lino lifuchi naliya nakutotoka, chuma chimwe kaha nalingika shina kutotoka. Chumachimwe kaha chinahase kulingika shina kuya nakuhona mali.

392 Echi chikiko kaha chuma chamangana chakulinga, kwalumuna mbongo. Oloze vakiko kavahashile kulingamoko, muli ou utwamina uliko. Katolika lya mu Loma liuka likiko lyaheta ulu ya kaye. Kaha chuma veji kulinganga shina kuyilanjisa, “Ava mahando,” navyangocho, “vahamavu,” nge omu yahanjika Mbimbiliya. Navaya nakulinga chuma muka, shimbu kanda vasoke? Eyi kambanyi Yamakanya ya Brown na Williamson, yosena yapwa Katolika, kaha. Kaha vyuma vyosena evi, chuma muka vakiko navaya nakulinga? Vakiko navaya nakwitavila chize, kaha vakiko navaya nakumbata mali kufuma mu Loma, kaha jino ikiye nalanjisa utwatwa wenyi. Loma eji kumukafwanga. Eyo, mwane. Ikiye mwaya nakumukafwa. Kaha vakiko vali nakutambula jishimbi jakutamo, kutambula vyakutamo kufuma muli vakiko, kuneha muzango yenyi. Tala omwo Mukulwane Kennedy echi ali nakulomba.

393 Kaha omwo enu namumona echi, likumbi likwavo, kakweshi nakutonda kuvota chekako. Chuma muka navavotela?

Omwo, vakiko vanavachihaka muli papilo, na kuchijikiza kulikungumbuwa, kaha vakiko vakanyine kulinga chuma chimwe hali chize. Omwo, vakiko venjikijile chize na makina kulifuchi lyosena nge omu valihakile, mangana vavotele Mukulwane Kennedy na voti yakulyonga. Kumana eyi Mbimbiliya kayahanjika ngochoko ikiye mwakeza mukulyonga? Punduvene, mukulyonga. Jino, Kangweshi nakole na lizavu lya Democrat kuhambakana lizavu lya Republican, oloze Nguli kaha nakuhanjika vya muchano kufuma mu Mbimbiliya. Chuma muka cha kuvotela? Vakiko vanatachikiza lyehi hiya mwaya nakupwaho.

³⁹⁴ Vangahi mulienu vananuka uze muvwimbimbi uze wapwile na mapwevo vavali vanema? Kaha umwe ngwenyi, “Nanguya nakuvotela Mukulwane . . .” Mokokoko, pwevo wakufuma kuli Vakakulikanga ngwenyi, “Nanguya nakuvotela Mukulwane Kennedy.”

Vakiko ngwavo, “Mwomwoika?”

³⁹⁵ Ngwenyi, “Mwomwo Ngwashingtonyeka ikiye lunga wautongwe kuhambakana Mukulwane Nixon. Ikiye nahase kupwa Kolokoko wambwende.”

³⁹⁶ Kahajino ikiye ngwenyi, “Uze apwile pwevo waku Katolika. ‘Ove muya nakuvotela hiya?’”

³⁹⁷ Ikiye ngwenyi, “Ngumuka Katolika, Katolika yamu Loma, wakushishika mu Katolika.” Ikiye ngwenyi, “Kaha Nanguya nakuvotela Mukulwane Nixon.”

“Mwomwoika?”

³⁹⁸ Ngwenyi, “Mwomwo, Ngwashingtonyeka Mukulwane Nixon mwahasa kupwa Kolokoko wambwende mwomwo ikiye ali nachijililo kuvyuma vyavivulu. Ikiye ali nachinyingi na communism.” Uze pwevo ambulwile makuli.

³⁹⁹ Ngukwechi *Echi* . . . vali nakuvuluka, *Muchano Wa Lufwelelo Lwetu*, mukanda wakulipwila wa Katolika vanahase kuulanda. Kaha muze unahanjika, “Kachi kuli Katolika inemana, uze nemana hamwe navaze Vakakulikanga; kachi Katolika navavotela vaze Vakakulikanga, vakiko navahanga na kuvafumisa mukulikata naliuka lya Katolika.” Chakwoloka. “Kaha kachi kuli Vakatokolika vavali vanema ha ufwishi imwe, vakiko navambataho uze Katolika ononoka ku ‘chisemi chaliuka’ nakuva votela.”

⁴⁰⁰ Talenu omu, kulyonga kana, omwo vali nakweseka kulinga? Kuhana hana mali, nakulanda. Mwomwoika? Vakiko vali nakweseka kuhokola echi. Kaha vakiko valinakuchilinga echi, kaha ikiye nahono. Kaha chuma muka echi? Echi chili nakwimanyina ha ulu. Kaha liuka lya Katolika, mu u swana, vaheta ize ulu ya kaye. [Muthuumwe ngwenyi, “Handulendi na sikisite eyiti mbiliyoni ya mandola.”—Muka.] Handulendi na

sikisite eyiti mbiliyoni. Enu haze. Kulimbila nakwimanyina ha ulu, kaha enu vathu lamenu mazuvo enu na vyuma vyosena, oloze enu mwapandama kuliuka lya Katolika. Eli lifuchi lya pandama kuliuka lya Katolika. Chuma chosena chakukwachiwa muli chize, kuhichila mumali. Kumana Mbimbiliya kayahanjika ngachizeko? Echi chinapu chifwanyisa chakufuma mu Mbimbiliya.

⁴⁰¹ Chuma Nguli nakweseka kuhanjika, ndumbu walunga, lelo. Vakiko navaya nakuhanjika, “Chize nachiya nakulingisa liuka kupwa lyakusehewa. Echi nachiya nakununga Vakakulikanga.” Echi nachiya nakusoloka kanawa muliso lyanyama, oloze chinyingi cha kano kaye chinapu uleya kuli Kalunga.

⁴⁰² “Kaha echi chamuvwishile kuwaha Kalunga, kuhichila mu—mu uleya wakunangula, kulwila vaze vanajimbala,” ha ufwishi ya Ukalunga, ize Ikiye atongwele muli Liuka Lyenyi, kutunga Liuka hali evi vilinga vya shipilitu na hali vyosena vyakutwala kumavu.

⁴⁰³ Petulu ngwenyi, “Kaha mwomwo enu munachinyi kulumbuka cha kaye kuhichila mu lwiso lwa mali, na lwiso lwa lwola lwalunene, na chiseke, na kulya, na kunwa, na lwiso elu tuli nalwo. Enu munachinyi chize. Kaha jino enu vanamitungu mu chuma chakuyoya. Nguli nakuhanjika echi ku Liuka,” ikiye ngwenyi. Enu haze. Mwatanganga echi? Mwachivwushisanga echi? Enu mwachivwanga omwo twachitanganga muze mu Petulu wa Muchivali? Ivwulilenu kaha omu ali nakuhanjika hano, omu chawaha omu vanachisoneka muno, omu ikiye—ikiye kuhanjika echi. Chosena chakwoloka. Ivwulilenu kuli ikiye jino shimbu ali nakuhanjika. Chosena chakwoloka.

Petulu, Shimona Petulu, ndungo ya Yesu Kulishitu kaha ngukapitololo kenya nawa, kuli enu munatambula . . . kufwelela chalemene hamwe nachechi tunatambula etu kuhichila mukwoloka cha Kalunga na Mulwilo wetu Yesu Kulishitu:

. . .kuli enu—enu kuvulilenga likoji na kuunda mu chinyingi chakutachikiza kanawa Kalunga, na kuhichila muli Yesu Kulishitu Mwata wetu,

Kweseka na—na ngolo jenyi jaukalunga jina tuhane lyehi vyuma vyosena . . .

⁴⁰⁴ Hiya mwaya nakuswana awa mavu na vyuma vyosena? [Muthu umwe ngwenyi, “Vakakujila.”—Muka.] Punduvene. “Vyakuya . . .” Yaah. Chosena chakwoloka.

. . .evi vyakuya haya kuyoya na kutwama chakalemesa kumeso akalunga, kuhichila muchinyingi chakumutachikiza ou atusanyikile na upahu wenyi kutwala ku upahu:

Mukiko etu mwanatuhane lyehi ku jize jishiko jenyi jajilemu...jajinene chikuma: mangana ngwenyi hajaji mupwenga muvakutambula hamwe kukupwa chaukalunga, mwomwo munapuluka lyehi kukulumbuka kana chili (Ivwulilenu kuli echi.) muli vaka mavu chakufuma kukufwila chavo chachipi.

405 Lwiso lwa mali, lwiso lwa vyuma vyavinene, lwiso lwa puho, vyuma vyosena evi vili vyakufwa kuli vakakufwelela. Etu katwalizakaminako. Mbalaka mokomoko chilondo, mwomwoika nanguya Nakuzakama; kuyoya mokomoko kufwa, kujiminyina mokomoko kulondomana? Echi chinapu chuma chize Nguli nakufwila, kaha Wangana wa Kalunga. Chipwethuhu Nangutwama hembo lyami, chipwethuhu Nagutwama na chisaka chami, chipwethuhu Nangutwama navyosena ovyo, echa ngutwame muli Kulishitu, litalililo lwetu lwa Upahu.

406 Ngutunge, Ove Mwata, muli *Echi*. Echa Kulishitu apwenga Mutwe wami, azate kuhichila muli yami. ha chikuku chami, lufwelelo lwami luli muli Ikiye, echa ngolo, chinyingi, kuliyula mumuchima, kukakachila, kutwama chakalemesa kumeso akalunga, na kulizanga na vandumbwenu, chizate muli yami, Ove Mwata, chikiko kulumba chami. Kangwalizakaminako; kuyoya mokomoko kufwa, kujiminyina mokomoko kulondamina; chikungulwilo, chikungulwilo chauchi; sepa mokomoko sepa wauchi. Echa Uze mulimo muli yami, echa ngolo ja Kulishitu, chinyingi Chenyi, chihingunuke, mangana Nguhase kupwa wakutelamo kunangula vyuma kana.

407 “Mwomwo Kalunga nahake mu Liuka, vapositolo, tupolofweto, vakakunangula, tufunga, na vakakwambulula mujimbu wamwaza, vosena vakukupwisa nakuneha vyosena eji jingolo mulikiko, ya mulimo wa kukupuka cha Kwiza cha Mwana Kalunga.” Awa *osena* malolwa anapu vyuma vya kufuma kuli Umwe kaha. *Eli* linapu lya kufuma kuli Eli. Eji jingolo josena jatwama muli Ikiye, kaha vakiko vali nakuhingununa echi kufuma kuli Ikiye, nakuneha kuli vakiko. Amena.

408 Echi chili twolufu koloko. Kulihi cheji kuyanga? Amena. Enu mwamuzanga Ikiye? [Chikungulwilo ngwacho, “Amena.”—Muka.] Enu mwamufwelela echi? [“Amena.”] Ivwulilenu, enu vavandende.

409 Ndumbu wapwevo Kidd ngwenyi, chimene chino, “Ndumbu walunga Bill, Ngunahono kutachikiza nge Nangukakumona cheka.” Chize chatondele kungujiha yami. Talenu? Ikiye ashinganyekele nge ikiye ali nakushinakajiwa, mukiko vene. Ngwamulombele Kalunga amulame ikiye na Ndumbu walunga Kidd, lwola lwalusuku.

410 Echa ngumilweke, etu tunahono kutachikiza lwola muka etu natuya kupwa umwe namukwavo. Ngunahono

kutachikiza lwola muka Nanguya nakupwa na enu. Kalunga nahase kungusanyika nakungufumisa mukaye. Ikiye nahase kungusanyika kumulimo weka. Ikiye nahase kukusanyika ove kweka. Etu katwatachikijileko. Oloze, echa—echa tutambule. Kanda twecha echi kutuhita hali etuko. Echa tuchimbate chize.

⁴¹¹ Haze hakiko chili, mu Mbimbiliya. Hano hakiko chili, kupezelesa vyuma vyosena. Kaha kachi Ngwapwanga nalwola lwakulinga echi! Enu kamweshi kuchilinga ha likumbi limwe. Enu munejiva chize. Oloze, nachikasa chuma chosena hamwe!

⁴¹² Tala, omwo etu twahichile nou mujimbu muze, mwamono omwo Shipilitu Wajila alingile haze hambango, keshi ngochoko? Vangahi vapwile hano lwola luze? [Chikungulwilo ngwacho, “Amena.”—Muka.] Talenu? Pundu vene! Twayenu hano vene, kukoka chuma chochimwe, uze Kangelo ka Yehova.

⁴¹³ Talenu, echi chinapu muchano. Kanda wecha echi chimichineko. Kwachilila kuchikiko, vana. Kwachilila kuli chize. Anukenu, tunga lufwelelo lwenu, ngolo, chinyingi, kukakachila!

⁴¹⁴ Jino, hano, Ngwashingtonyeka Ngwapwanga na chihanda cha lipapilo hano, kachi Kangwambilile echi kumweko omwo Ngwapwanga nakunangula. Hano vene chili. Ngwakusakwilila, ndumbu walunga. Ngwakusakwilila, chikuma. Kachi enu mwatondo ku—ku kutala hali echi, na kumona kachi kuli chumachimwe hano chize enu munahase kulinga. . . Pamo echi chili kanawa kuhambakana chize chikiko, mangana muhase kukopa vyuma vimwe evi. Nanguya nakulipapalila haze, kaha enu namutala hali echi na—na kuchifwanyisa.

⁴¹⁵ Kaha Ngwatondo enu kumbata echi na kutanga, na kupezalisa, kaha jino zata jino hali chize. Kanda kaha kutanga kahako, pezalisa, oloze zata hali chize omwo namulinga. Mbata echi pwenu vakushishika kuli enu vavene. Kanda kuhanjika, “Chamwaza, Ngweji kwivwanga kuwaha kwivwulila chize.” Ngwalingile, ngachize. Oloze ivwulilenu kuli chize, kaha jino nakuchitambula, chakuhandunuka. Talenu? Talenu? Echi chinapu chakuhandunuka. Talenu?

⁴¹⁶ Kuli vyakutesekesa vya seveni vyakutunga chivwuvu cha Kalunga. Kwatwama Visemunuino vya Mauka vya Seveni, evi Kalunga nanehesa Liuka ku vyakutesekesa. Kaha Ikiye apwile na miluwa seveni vakulinga chize. Kuli seveni, seveni, seveni. Talenu? Seveni ili—ili nambala ya Kalunga ya kukumisa, kaha seli nambala ya kukupuka cha Kalunga. Shikaho, kuli seli, kaha ma seveni atatu. Shikaho, mumakumi, mushipilitu, ha Lizu ko, ha chinjiho cha Shipilitu Wajila, vyosena vinakumu na vyuma hamwe. Echa tutangenu echi.

⁴¹⁷ Echa hakilako ku lufwelelo lwetu evi vyuma, kahajino, echi etu tunahase kwiza mukuzala mu chivwuvu cha Kulishitu; kupwa kulinunga hamwe na zangi ya ukalunga, woma wa Kalunga, kalemesa mumichima yetu kuli umwe namukwavo,

kujiminyina cha kalemesa kuli umwe namukwavo, zangi ya muundumbu na zangi yakulizanga muupwevo, keshi hanjikizo yakasautu, kakweshi nachumako shina kutoma cha Shipilitu Wajila wakuyoya. Talenu? Kuyoya hamwe, kupwa Mukakulishitu. Tambuka na lufwelelo. Echa ngolo ja Kalunga jihingunuke muli enu; echa chinyingi cha Kalunga, omwo nachiza mukwoloka na kuhenga. Nge liyavolo mwanaha chuma chimwe chize kacheshi chuma cha Mushipilitu, kutambuka nakuya nakufumako. Echi chakwoloka.

⁴¹⁸ Ngunahase kushinganyeka ava vapositolo kavalingile nge etu. Vakiko vayile nakujinguluka, malunga va mazu amandende, palanga vakiko vayile mukamenga. Vakiko vatambukile nakwingila kaha vakiko vanalingi chuma muka vakiko vatelanga kulinga, kaha kutambuka nakuya. Eyo, mwane. Vakiko vapwile na ngolo. Vakiko vapwile nangolo, Vakiko kavapwile napamiko na vathu. Vakiko vanatachikijile oho vakiko vemaninyine. Mukiko kaha. Vakiko vatachikijile hiya vafwelelele. Vakiko vatwalileho kutambuka mu Shipilitu. Kulinga kaha. . .

⁴¹⁹ Kupwa kaha nge Ngwahanjikanga ufuku ukwavo. Lihunda lyalindende, mukiko kaha Kalunga atela kulinga, kakajino kakweshi chuma chimweko nachitwimika. Vakiko kavahulile chihula na kutanga, na kulila na kulizakamina nge omu etu tweji kulinganga, chipwe vakiko kulinga *echi* mokomoko *chize*. Vakiko vayile kulutwe na kulinga chize, mwosena omwo. Chuma chimwe kaha lihunda lyalindende lya kufuma kuli Kalunga, achilingile, muwashi washi. Mwomwoika? Navatachikiza ngachilihi nge chafumine kuli Kalunga? Vakiko vapwile na josena eji jingolo muno, vyakutesekesa vyosena. Kaha lihunda lyalindende lyatete lya Kalunga kupezelesa na *evi* chindende, na eli Lizu Lyenyi. Vakiko vatachikijile lyapwile Lizu lya Kalunga, kaha vakiko vayile. Kanda kupwa na kulizakamina hali echiko cheka. Omwo Kalunga ahanjikile, vakiko vayile. Etu natuhanjika. . .

⁴²⁰ Kalunga mwahanjika kuli etu, kaha etu natuya nakuhanjika, “Chamwaza, etu natuputukako nakuya. Etu natuya nakumona kachi etu tunahase kuyoya echi Chiyoyelo.” Chuma chatete mutachikiza, muthu umwe mwakunyengetesa. Chamwaza, punduvene, uze ali liyavolo.

⁴²¹ Enu mwatela kumumona ikiye kweseka kunguhonesa yami kupwa kukuliwana echi chimene chino. Enu mwatela kupwa nachize lwola lumwe. Mamalelo, keke! Ngwatela kuzunga lwola lwosena Nanguvuluka kuliwana. Kaha kachi Nanguya nakulombela mukakuviza, kaha mthuumwe ali nakufwa keshi wakulwilako, Kuli nakuya nakupwa kusanyika hajishinga seti jakwiza mu munyutu teni, kachi vakiko vanahase kuzangula, mangana vangufumise kuli echi. “Mamalelo, Ndumbu walunga

Branham, enu mwatela kulinga *echi*.” Oloze kuli mwono uli muukalu. Punduvene. Yaah.

422 Ufuku ukwavo, Vangusanyikile kuchihela chimwe. Mukweze walunga, Ngwahanjikile kuli ikiye kuze vene muze mweji kuvulukanga, chitanda chachinene, myaka yayindende hanyima okwo. Ikiye ejile nakupwa mukakupendapenda. Ngwamutachikijile uze kanyike walunga, kanyike walunga wamwaza, oloze ikiye apwile mukashili. Kaha shikaho naye asanyikile. Ngwashingtonyeka asanyikile Ndotolo kakavulu. Vangu...Sanyikile, kaha vakiko sanyikile Billy, kaha—kaha kumakumishilo Ngwatambwile uze mujumbu. Kaha omwo Ngwatambwile mujumbu, kushishika kukuwaha, Kangwapwile na chakuzungisako mu chiyoyelo chami, chakuya kuli uze kanyike walunga.

423 Kaha omwo Ngwahetele kuze, uze mukweze wakuhutwa ikiye anguvulyama lyehi. Ikiye apwile kuze, nasavala haze, wakulezumuka, kaha nakutwalilaho. Ise yenyi kweseka kumunyikisa, na kuhanjika, “Uchi wami.” Kaha uze lunga pwile na myaka yakusemuka pamo, fifty mokomoko fifite wani. Kaha kuhanjika, “Uchi wami,” *echi*, kaha “hanga nasavalila.” kaha ikiye apwile na kweseka kumuhindula. Mavoko eyi amandende pamo kutohwa *nge* ngana. Uze kanyike apwile na kansa chikuma palanga nomu apwile chuma cheka pimbi shina kansa yalilolwa. Vilyo vya mukachi kamujimba vyosena vyapwile na kansa. Na manyinga eyi apwilenga kansa, vyumavyosena. Kaha ikiye uze haze, kweseka kukatuka, na kutwalilaho ngachize.

424 Ngwamukwachile kuli voko, Ngwambile ngwami, “Woodrow, Woodrow, ou ikiye Ndumbu walunga Branham.”

425 Ise ngwenyi, “Unahono kutachikiza? Ou ikiye Ndumbu walunga Bill. Woodrow, ou ikiye Ndumbu walunga Bill.”

Ikiye ngwenyi, “Hu. Huuh. Hu-uuh-uuh.” Nga *chize*.

426 Kaha ize atalile kaha ngwenyi, “Billy, ove uneza mukukotokela.”

Ngwambile ngwami, “Kukotokela chauchi. Ikiye ali hano.” Ngwapwanga na jita.

427 Kaha jino vanyike vamaalunga vakwavo, vanyike vamaalunga vakwavo, vakashili, vapwile vanema kuze, vatanga vamwe. Ngwambile ngwami, “Munamono, vanyike vamaalunga, liwahisenu, ’mwomwo enu namukeza kuli *echi* chihela. Enu kuvanga namukeza vene hano. Talenu? Pamo keshi neyi—neyi kansa. Enu munahase kwiza na chumachimwe cheka, chakufuma mukala jila, kuhita manyinga nakukufwa, mokomoko chumachimwe. Enu mwatela kwiza kuli *echi*.” Etu twahanjikile kulivakiko.

428 Ngwapwile nakuvandamina kumona chuma muka Shipilitu mwahanjika linga. Kuvandamina. Chuma chatete

munatachikiza, Ngwevwile kaze ka lihunda. “Haka livoko lyove hali ikiye.”

⁴²⁹ Ngwatmbukile nakujujuluka, ngwenyi, “Vosena nongamenu mitwe yenu.” Vakiko vosena vanongamine mitwe yavo, vakweze vavali mokomoko vatatu muze.

⁴³⁰ Ngwahakile mavoko ami hali ikiye. Ngwambile ngwami, “Mwata Kalunga, echa kanyike walunga apwenga wakutona ha kutachikiza chuma muka mwaya nakulinga, ‘shimbu kanda alihumangane na chuma. Ikiye apwile nakufwa. Ou liyavolo namukwate ikiye nakumukasa, kaha ikiye alinakuya. Kaha ikiye alinuine palanga nakukufwa, kaha uno ali hano muli eyi seteko. Ngwalombo Ove upwenga na keke hali ikiye.” Kaha omwo Ngwamulombelele ikiye, chimene chashishileho ikiye apwile natwame, kuhanjika kuli ize.

⁴³¹ Busty Rogers, uze... Vakiko vangusanyikile kuze kuchipatela, keshi kunyima chikumako. Ngwapwile kuze likumbi lize, hanyima yakukumisa Yami kunangula kuze ku Milltown kuze wamundende Georgie Carter vamukile. Enu vosena munanuka echi. Kaha kuze omwo Ndumbu walunga Smith, mukakunagula ka Mesondisiti, ngwenyi, “Kachi kalamuthu vamujiimika lyehi, mu Lijina ya Yesu Kulishitu, kulovoka mwishi ya mbalaka,” nge chachize. Kukanduka kuze ku Totten Ford, kupwa nachize kuliwana. Kaha, mamalelo, angupayishile ha vyuma vyosena enu munahase kushinganyeka. Kangwahanjikile numba lizu ko; ngwatwalileho kuya. Ngwapwile na mulimo. Ou Mwata angulwekele yami chimweno. Kuze kwapwile mwana mukoko, nalilimbi kumwe muchipapa. Enu vosena anukuene chize chimweno, enu vosena. Ngwafwelele munahase. Enu munanuka echi? [Chikungulwilo ngwacho, “Amena.”—Muka.] Punduvene. Chosena chakwoloka. Kahajino Ngwapwile nakuya nakushikumuka nakuhita muchipapa kuze, nakuyomba.

⁴³² Ngwayile ku Totten Ford. Ndumbu walunga Wright kuze natachikiza. Etu twayile kuze, katachikijile nomu mwakulingila. Ngwanehele kachimbokishi kakandende ka mulola, kakuheta mu ngwee. Ngwapwile nakuya nakuheta kuze, kwimana kuze na kunagula ha litanda. Ikiye ngwenyi ikiye apwile nakuya nakukanduka, helu ya pili, kulinga vyakusekasana. Ngwayile nenyi. Kuze kwapwile liuka lyalinene lya mwaka lyava Mbaputishiti lyatwama kuze, lyaupolongwa. Ou Mwata ahanjikile kuli yami ngwenyi, “Imana haze.”

⁴³³ Ngwambile ngwami, “Echa yami ngupwenga haze, Ndumbu walunga Wright.” Ngwemanyine. Ikiye atwalileho nakukinduluka.

⁴³⁴ Ngwayile kuze, kaha kangwasokolwele chikoloko. Ngwambile ngwami, “Mwata, kachi Ove uli muli echi, Ove

unatondo yami kwingila muli eli liuka, ngusokolwele chikolo.” Ngwatwamine hamavu na kushinganyeka.

⁴³⁵ Ngwevwile muthu umwe apwile nakwiza; atambukile nakukunduka, kaha ikiye ngwenyi, “Shangwenu mwene? Nanguya nakukulweka,” ngwenyi, “ove watondo kwingila muliuka?”

Ngwambile ngwami, “Eyo, mwane.”

Ikiye ngwenyi, “Nguli na sapi hanovene.”

⁴³⁶ Kuliwana chaputukile. Mulungu watete, na chimwe chauchi. Ufuku watete, Ngwapwile na chikungulwilo, Ndumbu Wright na chisaka chenyi. Chuma chatete mwatela kutachikiza, kusongo ya mulungu, vakiko vahonene numba kuvemika muze muchipato, vahonene. Hanga uze mwana mukoko tele kanda ezenga lika. Ndumbu walunga Hall vamulwilile mulwola kana, kafunga wakuze, navosena. Ngwahonene kuwana kulihi kuli uze mwana mukoko. Hanyima chindende, kulovoka church of Christ, kushikumuka kwishi ya ize pili, uze kanyike wapwevo wa myaka naine na tukweji eyiti ahona kutambuka, nasavala kuze. Ikiye uze apwile. Enu vosena mwatachikiza mujimbu kana. Eyo, mwane.

⁴³⁷ Kaha uze musana omwo Busty Rogers, wamunene mundambo ivene emanyine kuze... Ngwatambukile nakuya kuze. Kaha kuze kwatwama chikungulwilo cha Ndumbu walunga Smith nakunguseha, nakusekele yami, kujimika mu Lijina Iya Yesu. Ngwatambukile mumeya aulova aku Totten Ford, kuze vakiko vapwile na... [Hatepu hapimbi—Muka]. . . helu hasongo, kaha kukumbwoka nangolo josena omwo ngwahashile. Lizavu Iya vakakuzata muliuka vayile hamwe nayami.

⁴³⁸ Ngwambile ngwami, “Ngunema hano musana uno mu kwimanyinako Visoneka Vyakujila vya Kalunga.” Ngwambile ngwami, “Ngweji kutanga mu Mbimbiliya hano Petulu ambile ngwenyi, ‘Pihililenu nakwalumuka, enu vosena, vamijimike mu Lijina Iya Yesu Kulishitu cha kujimbangana shili yenu.” Ngwalumukile, ngwahanyine Mukanda kuli umwe muli vakakuzata.

⁴³⁹ Kutambuka nakuya, kaha Ngwambile ngwami, “Wosena nazange, uze mwapihilila nakwalumuka kushili jenyi, apwenga wakwiza.” Kutambuka nakuya muze mumeya. Ngwambile ngwami, “Chasolokele kuli yami nge Tungelo vatwamine hamutango wosena jino, nakutala.” Mamaah, yami! Katando kakandende Ngwajimikile pamo vavali mokomoko vatatu, chikungulwilo chenyi chosena, vaze mapwevo vavwalile uvwalo wamwaza, kuveta muze mumeya, kutambakana helu Iya mazu avo. Ngwajimikile chikungulwilo chenyi chosena mu Lijina Iya Yesu Kulishitu. Munatachikiza echi. Ngukwechi chifwanyisa cha echi. Mukiko chapwile.

440 Chapwile chuma muka? Kuhaka ku ngolo jove. Talenu? Echa chipwenga ukawacho. Kalunga natachikiza mwakulingila. Kalunga natachikiza mwakunehela vyuma nakusoloka. Echa vakiko vahanjike vyo vakiko vanatondo kuhanjika. Kanda kulinga chaihandwako. Twalilaho kuya.

441 Busty Rogers nemana kuze, omwo ikiye amwene chize, ikiye ngwenyi, “Kahajino Ngwafwelela echi na muchima wami wosena.” Kaha hakulovoka muze mumeya ikiye ejile, na vyakuvwala vyenyi vya mwaza navwale, kaha ikiye ngwamujimikile mu Lijina lya Yesu Kulishitu.

442 Pamo mummyaka itatu mokomoko iwana hanyima okwo, vakiko vangusanyikile kuze ku chipatela mu New Albany. Mukiko ikiye apwile, hikufwa, na kansa, inamuli ikiye. Va ndotolo vamuhanyine palanga nakuchimene chikwavo, nge mukiko atela kuyoya. Ngwenyi, “Ikiye alinakufwa jino.” Ngwenyi, “Twaya washi.”

443 Ngwayile kuze kukapete, omwo Ngwalingile, kwimana kuze na kulomba. Ikiye ngwenyi, “Billy, muli kangolo najinguluka muze mumbango.”

444 Kaha Ngwalumukile, nakutala. Ngwambile ngwami, “Busty, echi chinapu chivasano. Ove kaweshi kuya nakufwako. Echi chivasano cha Manyinga chinakulwili ove.”

445 Ngwahakile mavoko ami hali ikiye, ngwenyi, “Mwata Kalunga, omwo chize chimweno kuze chinenjikiza nge Ove uli hano. Chivasano chove chapwa, echi, ‘Ha mikiki Yenye etu twahinduka.’” Kuhaka mavoko ami hali ikiye, kaha haze vene ikiye apwile kanawa. Ayile kwimbo.

446 Kaha pamo myaka fwo mokomoko faifi, pamo myaka fwo, kuta ishi muze mukalwiji na vyuma vyosena, nakuya. Kaha kuze kwapwile kansa yapwilenga yinajinguluka muliwu wa mujimo, wasoseka lyehi, kaha muli lihunda lyalinene lyakukola. Va ndotolo, vakuluwa vamuze muchipatela, vumulwekele ikiye nge vakiko vapwile na vitumbo cobalt vinahase kwolola uze, kwecha kulya chikwavo kwingila halwola halwola. Ikiye apwile naukalu kwingisa kulya, ikiye apwile nakulya kuvanga chindende chindende. Ikiye ayile kachi chizachiwe. Ngwahonene kutachikiza nge ikiye apwile muze.

447 Kahajino omwo vakiko vamupulile, vawanyine nge chamulingishile ikiye kutunya, kaha ikiye himwaka na kalepa. Kalepa sali yimwe nge ngana. Kaha chuma chimwe kaha ikiye ahashile kulinga shina kulila jila yimwe kaha. Kaha ikiye ambachile sonekeso, nge *ngana*, kaha nakuya, “huu, huu, huu.” Kaha ikiye esekele kusoneka, kuchikima nge *ngana*, na livoko lyenyi lyamwaza. Chihanda cha chimoswe, chosena kalepa. Kaha ikiye asonekele, nalivoko lyenyi: “Yesu mukakulwila, 1900 na chumachimwe.” Vakiko kavahashile kuchivwushisako.

448 Shikaho jino omwo puwenyi ngwenyi, “Ndumbu walunga Branham, Ngunahono kutachikiza omwo natwale nachize.”

449 Ngwambile ngwami, “Pwevo lya Rogers, omwo ikiye atwalile, chapwile 1900 na chuamchimwe, nge ikiye apwile wakulwila kaha wakujimika mu Lijina lya Yesu kuze. Chize chikiko chili nakufweta jino. Ikiye keshi nawoma wakufwa.”

450 Ngwambile ngwami, “Mwata Kalunga, lama mwono wenyi. Ngwalombo echi, mu Lijina lya Yesu, ngana nge Ove uyenga nakulama kuyoya chenyi.” Kuhaka mavoko hali ikiye. Kaze kalepa kamusele ikiye. Chize kutunya chemanyine. Kaha ikiye akutukile hamuhela. Kaha ikiye nakatuka jino, kuhana unjiho.

451 Haka kulufwelelo lwove, ngolo; haka ku ngolo jove, chinyingi; ku chinyingi chove, kuliyula mumuchima; kukuliyula mumuchima wove, kukakachila; kukukakachila, kutwama chakalemesa kumeso akalunga; kukutwama chakalemesa kumeso akalunga chove, zangi yakulizanga navandumbwenu; ku zangi yakulizanga navandumbwenu, Shipilitu Wajila, kaha Kulishitu mweza. ‘Mwomwo, kwishi kaha ya Ikiye...Ou Shipilitu Wajila ikiye Shipilitu ya Yesu Kulishitu mu Liuka, kusolola eji jingolo. Mamaah, yami!

Hano hakiko, chimbwa hanyima ya twolufu.

Ngwazanga...Ngwazanga Ikiye

Mwomwo Ikiye avangilile kunguzanga yami,

Mujila yosena *hano*, shimbu kanda enu mupwenga kalachuma.

Kaha ala-... (Chuma muka Ikiye alingile?)...
ulwilo wami

Ha mutondo wa Kavali.

Omwo yami Nguli *nechi*? Mwomwo Ikiye anguzangile, chatete.

Ngwamuzanga Ikiye, Ngwamuzanga Ikiye

Mwomwo Ikiye chatete aguzangile yami...

(Ou ukiko mulonga.)

Kaha alanjile ulwilo wami

Ha mutondo wa Kavali.

452 Ngwamushiki, chimene chino, Ikiye, na muchima wami wosena, nge, ha kukafwa Chenyi na ha likoji Lyenyi, Ngwalombo nge Nangumutonda hakumbi hakumbi, chakuzeneka kwecha, palanga nomu Nangukevwa evi vyosena nguli nakutonda kuhingunuka chivwuvu chachindende chamwaka chami, palanga nomu Nangupwa kusoloka cha kuyoya cha Kulishitu. Mwomwo, Ikiye ejile nakupwa shili nge yami, mangana Ngupwenga...kwiza kukwoloka cha Kalunga, nge Ikiye. “Ikiye ambachile chihela chami; Mwata, echa yami ngumbate Chenyi.” Mwomwo, eyi ikiko punga Ikiye afwilile. Vangahi navaya nakumushika chuma chochimwe, ha likoji lya Kalunga?

[Chikungulwilo ngwacho, “Amena.”—Muka.] Na mitwe yetu yakunongama jino, na mavoko etu helu.

Ngwa . . .

⁴⁵³ Ngwamushiki echi, Mwata, eli liuka lya shiki echi, “Kuzalila cha chivwuvu cha Yesu Kulishitu!”

Mwomwo Ikiye chatete anguzangile yami
Kaha alajile ulwilo wami
Ha mutondo wa Kavali.



CHIVWUVU CHA MUTHU UZE WAKU KUPUKA LVE62-1014M

(The Stature Of A Perfect Man)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chalumingo chimene, Tundwe mundende 14, 1962, mu Mbalaka Branham mu Jeffersonville, Indiana, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2020 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenya mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org